


天主降生一千八百七十五年

聖年廣益血冬
季

上海慈母堂聚珍版



聖年廣益第十編目錄

第一日 見一張

聖勒彌 主教 聖思真心願做聖人

第二日 六

聖巴翁 苦修 聖思慎救靈魂

第三日 九


聖安多尼各聖婦亞大納濟亞 夫婦苦修

聖思小心天路

第四日 十二

聖方濟各五傷 聖思克己

聖年廣益 *** 冬季 十編 目錄



第五日 十八

聖罷爾齊篤 顯修致命 聖思無妄證

第六日 二十一

聖布路諾 隱修 聖思愛居僻靜

第七日 二十四

聖瑟爾阿聖罷各 致命 聖思輕財

第八日 二十六

聖婦彼理日大 立會精修 聖思苦已

第九日 二十九

聖弟阿尼恤 主教致命 聖思智德

第十日 三十二

聖方濟各玻爾日亞 精修 聖思教訓兒女

第十一日 四十

聖女儒斯弟納 致命 聖思順命

第十二日 四十二

聖女本大 致命 聖思不畏艱難

第十三日 四十五

聖日老多 諸侯 聖思含容不怒

第十四日 四十八

聖婦俾辣日亞 悔表 聖思報恩

第十五日 五十一

聖女德肋撒 童身 聖思愛苦報主

第十六日 五十五

聖歐琅波聖女歐蘭俾亞 致命 聖思自振冷淡

第十七日 五十八

聖婦阨度末日 國后 聖思順主命

第十八日 六十一

聖路加 聖史 聖思隨善表

第十九日 六十三

聖伯多祿 古聖方濟各會顯修 聖思苦已愛人

第二十目 六十六

聖日阿而日約 致命 聖思享主聖味

第二十一日 六十八

聖喜辣戀 隱修 聖思默存

第二十二日 七十三

聖撒位你亞諾聖保登西亞諾 致命 聖思覓主

第二十三日 七十六

聖伯多祿巴斯掛爾 主教致命 聖思預備臨終

第二十四日 七十九

聖瑪肋哥 顯修被擄 聖思克味

第二十五日 八十二

聖基三多聖婦達里亞 致命 聖思寶時

第二十六日 八十五

聖格肋斯賓聖格肋斯比年 昆仲致命 聖思自謙

第二十七日 八十八

聖文生爵聖女撒俾納聖女計理斯德大 致命

聖思次序愛人

第二十八日 九十

聖西滿聖達陡二位宗徒 聖思輕世

第二十九日 九十四


聖法隆 主教 聖思愛主

第三十日 九十七

聖瑪瑟祿同十二子 致命 聖思盡心救人靈魂

第三十一日 九十九

聖剛定 致命 聖思遠離偽善



聖年廣益第十一編目錄

第一日見一百二張

聖伯尼諾 致命 聖思法聖人表樣

第二日 一百五

聖阨嘿利 儲君 聖思補贖煉靈

第三日 一百八

聖弗祿 主教 聖思正心

第四日 一百十

聖嘉祿 主教 聖思愛聖

第五日 一百十五

聖加拉西榮聖女額彼得瑪 夫妻致命 聖思緊隨聖佑

第六日 一百十八

聖留納多 苦修 聖思輕世

第七日 一百二十一

聖瑪都林 鐸德 聖思良善

第八日 一百二十四

聖格樂德 五位致命 聖思不可爲人而行

第九日 一百二十七

聖特阿多羅 致命 聖思謙愛以克嫉妬

第十日 一百三十

聖德理豐聖肋斯彼削 致命 聖思想審判

第十一日 一百三十二

聖瑪爾定 主教 聖思學聖人敬主求主

第十二日 一百三十六

聖默納 致命 聖思離開罪惡

第十三日 一百三十九

聖達尼老各斯加 耶穌會 聖思熱心

第十四日 一百四十五

聖和莫朋 商人 聖思忍耐世苦

第十五日 一百四十七

聖沃略聖撒貌訥 致命 聖思防暇

第十六日 一百五十

聖亞彼伯 致命 聖恩正其內志

第十七日 一百五十二

聖額我略道瑪都 主教 聖思想臨終

第十八日 一百五十五

聖滿德 國王 聖思小心言語

第十九日 一百五十七

聖婦依撒伯爾 國后 聖思求真福

第二十日 一百六十

聖雅各伯 致命 聖思學習耶穌表樣

第二十一日 一百六十三

聖歐西爵 顯修 聖思幻世謹防

第二十二日 一百六十六

聖女則濟里亞 致命 聖思謹依聖佑

第二十三日 一百七十

聖格肋孟多 教宗致命 聖思退懶惰

第二十四日 一百七十三

聖吉所阿諾 致命 聖思痛悔宿愆

第二十五日 一百七十五

聖女加大利納 童身致命 聖思謙讓

第二十六日

一百七十九

聖伯多祿

主教致命

聖思倣效耶穌

第二十七日

一百八十一

聖若撒法

國王苦修

聖思輕世

第二十八日

一百八十八

聖撒都寧聖西細諾

致命

聖思忍耐時苦

第二十九日

一百九十一

聖瑟爾瑟諾

主教致命

聖思智德

第三十日

一百九十四

聖安德肋

宗徒

聖思聖十字之愛

聖年廣益第十二編目錄

第一日 見一百九十九張

聖額里日約 主教 聖思小心本分

第二日 二百二

聖女彼彼亞納 致命 聖思輕世

第三日 二百四

聖方濟各沙勿略 耶穌會 聖思真愛

第四日 二百十二

聖女巴爾拔辣 致命 聖思大孝

第五日 二百十五

聖女亞瑟辣 童身 聖思望德

第六日 二百十七

聖尼各老 主教 聖思畏主保潔

第七日 二百二十一

聖盎博羅削 主教聖師 聖思良善

第八日 二百二十五

聖女法肋 童身 聖思慎隨聖佑

第九日 二百二十八

聖女留加弟亞 致命 聖思愛耶穌

第十日 二百三十一

聖女歐辣利亞 致命 聖思忍耐

第十一日 二百三十四

聖達瑪瑣 教宗 聖思離開不好之念

第十二日 二百三十七

聖郭郎定 主教 聖思默想天堂之樂

第十三日 二百三十九

聖女路濟亞 致命 聖思潔淨

第十四日 二百四十三

聖孛先聖味多離聖在先 致命 聖思小心誦經

第十五日 二百四十五

聖婦基利斯弟亞納 虜婢 聖思改舊從新

第十六日 二百四十八

聖亞佟 主教 聖思謹隨聖表

第十七日 二百五十一

聖辣匝祿 致命 聖思托賴天主

第十八日 二百五十三

聖斐辣味 鐸德苦修 聖思修靈魂

第十九日 二百五十六

聖訥默瑟 致命 聖思忍耐

第二十日 二百五十八

聖女未多利亞 童貞致命 聖思離開罪過

第二十一日 二百六十一

聖多默 宗徒 聖思自修

第二十二日 二百六十五

聖拂辣戀 致命 聖思愛人

第二十三日 二百六十七

聖瑟而武祿 貧病 聖思忍耐

第二十四日 二百七十

聖女大西辣 童身 聖思熱心迎主

第二十五日 二百七十三

聖婦亞納大西亞 致命 聖思效法耶穌

第二十六日 二百七十七

聖斯德望 首先致命 聖思愛仇

第二十七日 二百八十

聖若望 宗徒兼聖史 聖思學耶穌

第二十八日 二百八十五

聖女葛隆巴 致命 聖思定改前非

第二十九日 二百八十八

聖撒平 主教致命 聖思愛天主


第三十日 二百九十

聖女歐福祿西訥 童身隱修 聖思愛人

第三十一日 二百九十四

聖西爾物斯德肋 教宗 聖思預想臨終

聖年廣益 *** 冬季 十二編 目錄 十一



聖年廣益第十編

○一日

聖勒彌 主教

警言

行德之路。多茨難行。但有人先入。伐茨開路。聖額我略

聖傳

聖勒彌係拂郎濟亞國之宗聖。論世俗。則簪纓貴胄。論德行。則聖聖相傳。真天上人間之巨族也。聖人之母。聖婦西利亞。先生二子。俱為主教。俱登聖品。自生二子後。多年不育。已齒暮力衰。一隱修人。奉天主命。明示曰。汝夫婦。天主

聖年廣益***冬季 十編 一日

還賞一子。後爲拂郎濟亞之光。消此國異端之暗。果然聖婦。邁年而生聖人。親身乳哺。七八歲讀書起。積學十餘年。博聞廣見。在諸名士上。愛主愛人。大德大善。更覺超羣。故此方主教謝世。衆心公舉。遂由成例歷陞。卽位時。見聖人首上。有光如日。此預顯後來。明威普被之像也。盡心稱職。事事求極其至。形諸外者。於已。則默想誦祈。苦身克復。平和良善。不顯怒容。於人。則愚者訓之。苦者救之。往往忘已爲人。至於心謙處約。人弗能知者。無德不全。故天主錫以顯蹟之能。最著者。拂郎濟亞國王付洗之奇。真萬世萬方未聞未有之聖事也。王名格樂類斯。年十五。卽位爲王時。

天主降生後四百六十一年。雖在冲齡。用人理國。莫不服從。遇主教鐸德。皆隆禮之。爲精超性學。敬事聖人。更若父師。閱數年。擇配大婚。係波爾公弟亞國王之女。名格樂弟德。原從正教。不允求婚。王竟許其婚配。後卽領聖洗。乃五年未果。適熱爾瑪尼亞國。率兵直入。王迎敵。敗回。正退走之時。有教中大員進諫曰。前爲大婚。許遵聖教。計違此許。已五年矣。臣日夕隱憂。今遭此敗。莫非天主警覺之恩。王若及今勇決。必蒙主佑。敗敵凱旋。王卽從所奏。如戰勝回朝。必真心信奉耶穌。誓不食言。遂轉兵交戰。敵軍大潰。熱爾瑪尼亞國王。殺於陣前。聖后格樂弟德。聞此捷音。卽差

員往請聖人赴都。俟王振旅班師。陳明聖教事理。王以事關國家易俗移風之大政。遂會同在京大臣。辨論邪神之僞妄。惟一天主。爲正爲真。親向軍民勸諭。莫不中心信服。預備付洗之前一日。王率衆大臣。同詣聖伯多祿堂。聖人首明天上地下。惟有一體三位之真主。次明降生救贖。立教訓人。現操賞善罰惡之大權者。惟有聖子耶穌。此外盜名欺世之徒。盡屬邪神。正講道時。堂中陡發大光。從空發聲曰。汝等常愛真主。錫之平和。遍看各人臉面上。皆光華如日。王卽伏跪於聖人足下。次早。王乃步行至堂。聖人迎入聖臺前。又明告曰。吾王自今而後。向來尊敬者。棄絕之。

向來不曾尊敬者。欽崇之。從此辨明。必矢心篤守等語。王
卽連聲允諾。聖人遂聖付洗之水。忽覺臺前並無聖油。因
隨進臣民甚衆。堂不能容。墀下堦前。肩摩踵接。雖有備捧
聖油之人。擁擠於後。無法前趨。聖人長跪默求。忽顯白鴿。
口噙聖油。一玻璃瓶。送與聖人手中。聖人歡感無似。付王
聖洗。卽用此聖油聖之。聖畢。鴿始冲霄而去。是日王之二
姐妹亦受聖洗。公侯大臣領洗者共三千人。兵民男婦更
不計其數。聖人復傳主恩於王曰。王欲國祚綿長。靡有困
窮。惟期世世盡心敬主。守主誠規。必然主恩特寵。並同國
祚而綿長。王若信我所言。現蒙天主加恩於王之手。王肯

以手撫人癩癧。其病立痊。併賜王之子孫。繼統爲王者。垂恩弗替。果然世世本國之王。一年中。專定一日。預期嚴齋。痛告。恭領聖體。患癩癧者。跪叩天主臺前。王以手按其瘡。祝云。天主救汝。國王撫汝。不論何人。不拘多寡。鮮有弗效者。再天上送來之聖油。敬奉虔收。以聖國王常用不少。歷久不乾。自當日至今一千二百二十餘年。瓶與油。如先一樣。一係永遠常行之神行。一係永遠常存之聖物。而欽承宣布。聖人獨際其隆。獨當其任。宜乎聖人未生前。隱修人爲之預示也。王自領洗後。事無大小。皆取決於聖人。迨王謝世升天。聖人仍回本主教處。不久目盲。聖人用以補贖。

惟默想誦經而已。天主預示終期。臨期數日前。盲目重明。至期不顯病容。恭詣聖臺。舉行彌撒。至降福後。氣絕而終。年九十有六。生前歿後。奇蹟最多。未能縷述。

宜行之德 真心願做聖人


聖思 一。願做聖人。只用三個字。一曰斷。二曰攻。三曰行。何者該斷。罪過是也。罪莫甚於邪魔之誘。斷邪魔。纔可以得天主。罪又甚於五官之樂。斷暫樂。纔可以得永樂。罪更甚於世情之愛。斷世愛。纔可以得聖愛。有一日之真斷。卽成一日之真聖。有無終之真斷。卽享無終之聖福。汝若不能真斷。該默想天主耶穌在十字架上。甘罹萬苦。備受艱

難。爲何緣故。如此救我贖我。不該動心麼。又該想地獄之設。爲何緣故。乃預備此區。凡安享世樂之人。用此酬答耳。今汝恩不知感。仇不肯離。豈向來未知天主從前之救贖。後來之酬答耶。一何者該攻。邪魔之毒害。世俗之牽連。肉身之引誘是也。所以世人。鮮有內外平安者。欲戰勝之。只隨天主意爲平安。忍受仇人。謹防僞友。時存恐懼。如此交鋒。庶幾百戰百勝。若欲管身世之平安。難免引賊入門。與賊爲徒。何攻之有。一何者該行。天主愛人之大事。聖教克己之善功。永遠常生之神業是也。今汝之親友。同信天主否。冷淡愚人。熱心明白否。患難貧人。推恩撫卹否。無

此事功而望常生。難哉。危哉。汝細思之。豈無一事可行耶。行一事。卽得一善。果能從一事一善之微。身體力行。不厭不倦。誰不可爲聖人。稍有進步。難者必易。危者必安。欲不做而不能矣。今汝進步少而退步多者。無他。梗頑之性氣未消。德行之根基未實也。

當務之求 爲本堂神父

祝文 懇祈全能天主。爾聖勒彌精修主教。每年瞻禮加吾心虔而體安。爲爾子吾主耶穌基利斯督。亞孟。



○二日

聖巴翁 苦修

警言

人靈愈貴於人身。濟靈之功。愈於濟身。聖基所

聖傳

聖巴翁係拂郎濟亞國侯府之家臣。幼時。父母延師教訓。加意慇懃。受室後。只生一女。敬主愛人。不煩學習。親友咸稱云。必係天神指示者。聖人中心感嘆。卽欲避俗離塵。常齋苦克。不顧飢勞。悔罪默工。勝於修士。惟因家室之累。未全所願。及婦早死。明知主命。謹依聖佑。往陳夙願於主教

亞蒙多主教云。果懷此願。先該鬻產濟貧。聖人遵命卽行。行訖。遂入野山。遇一大樹。中空如洞。聖人卽棲止焉。渴飲清泉。飢餐草根野菓。後忽被人窺見。驚傳枯樹有人。爭先趨覲。且奉之如聖。若翰保弟斯大然。聖人慮有邪魔隱害。乘夜匿入深山。數年苦工。默契於主。神樂如在天堂。腹不知飢。數枚野菓。可爲竟日之糧。倚賴聖母。聖人轉達。惟求如此。終身足矣。豈知潛德之光。久而必顯。剪荆棘以從遊者。殆無虛日。聖人見幾而作。遠遯別山小洞。其洞矮不能挺立。窄不獲安眠。甚合聖人之素志。除主教亞蒙多外。無一知者。聖人居此洞中。苦克倍加。靈魂常翕合天主。忘其

困睡寐少寤多。魔妬日深。每設計驚嚇。或震搖洞穴。或放
火焚燒。或顯怪形惡獸。聖人賴主仁慈。毫無畏懼。一日寐
中。來一天神。晤言遊玩。滿其樂心。嗣後常望升天。見主將
近終期。請鐸德領受全禮而逝。時天主降生後六百三十
一年。

宜行之德 慎救靈魂


聖思 一。人肯生受平安之福。死爲天堂之聖。首該閉目。
目閉。則惡念易驅。純心不雜。驕情難起。善德能藏。常覺已
非。弗觀人過。明光不在世俗。而在天堂。益處甚多。此其最
著者。何苦自恃目光炯炯。以致生無一日之安。死失上天

之路耶。以有限之明。受無窮之暗。何如暗於世而明於天。
一。又該閉口。口閉則不談人惡。不出汚言。不得罪於人。
不誇張自己。益更無窮。此其操總者。何苦自逞口才便捷。
以致招是惹非。聖福不及其身耶。講道理。言不怕多。應世
情。言不怕少。多言而犯罪。毋寧捫舌如癡。一。還該塞耳。
耳塞不聽無益之言。不聞害人之語。穢辭弗入。心淨而安。
暴怒弗生。氣和而順。若必以博聞遠聽爲能。恐聞者多虛。
聽者多罪。竟不如塞耳而受愚聾之誚。總因生世平安。非
關聰慧。天堂永福。不論才能。若肯守目如瞽。守口如瘡。守
耳如聾。雖居城市。無異山林。避罪不難。免災亦易。汝今如

何。或開或閉。或塞或通。在汝之身。悉由自主。安危禍福。旁人不能強也。

當務之求 爲婦人女子

祝文 天主以爾聖巴翁每年瞻禮。樂我等懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。



○三日

聖安多尼各聖婦亞大納濟亞

夫婦苦修

警言

勿獨視道路之苦也。聖奧斯定

聖傳

亞肋尚德里亞府。有聖人安多尼各聖婦亞大納濟亞。夫婦苦修成聖者。相傳聖人幼年挾貲營運。及長娶聖婦爲室。亦富商女。專務濟貧。生一子一女。子名若望。女名瑪利亞。嗣後卽分房守潔。越十二年。子女俱亡。一日聖婦悲哀倍切。墓前過夜。有致命聖女儒里亞納顯容慰曰。汝子女

聖年廣益***冬季

十編

三日

九

2 †

俱在天堂。享天主之福。不該如此涕泣。只該痛泣。已罪蒙
諭回家。求聖人許往修院補贖。向蓄此心。因子女無人顧
復。未曾言及也。聖人樂就曰。我亦欲從此願。但我二人先
該往朝耶穌苦蹟。遂盡放僕人。寄產於岳父。言明我二人
歿後。將此濟貧。卽赴協路撒稜。及歸。聖婦住居致命聖人
默納斯墓上。聖人獨往。厄日多。苦修。聖達尼爾前。陳明夫
婦潔修之志。併懇容留。聖達尼爾曰。此意有天主命。當行
權以合經。我與字爲憑。攜婦同來。婦改男粧。分院苦修。如
此十二年。守規克已。軼衆超羣。旣而兩人不約而同。再往
協路撒稜。途間相遇。聖婦尙識聖人。聖人竟不識聖婦。因

面容枯槁。只認爲同志苦修人而已。同伴往回。各守修規。默無一語。將歸本府。聖婦致詞於聖人云。離境匪遙。可覓洞。爲吾二人藏修。聖人請命於聖達尼爾而行。二聖照規。勉力緘口。不出一言。惟聖達尼爾常往聖默納斯墓上。路經二聖之居。勉其爭先積德。一日。從墓而回。見聖婦病重。淚流。慰云。今係汝升天之時。爲何悲哭。回云。哭非爲我。惟爲我夫耳。今留字枕下。我死。求付我夫。言畢。請領聖體。終油。謝世升天。聖達尼爾看明遺字。知聖人不識聖婦。又十二年。豈特從來不露於形色。猶慮偶然窺破。時時求主矜全。一時苦修人。咸感謝主恩。敬之慕之。聖婦葬訖。聖人亦

成病體。數日奄然長逝。

宜行之德 小心天路

聖思 一。聖經明言天堂之路。窄小難行。汝不該恐懼修省。麼。昔人又言。下地獄之人。多於雨點。汝不怕將來在雨點內麼。汝之小心。可比聖安多尼各否。聖人知窄路可到天堂。往苦修處覓之。知肉情私愛。走地獄之大路寬途。畏之避之。汝若怕沾地獄。想到天堂。爲何不畏避。不苦修。聖達未云。畏主者得真福。蓋因畏必小心。小心而犯大罪者。未之有也。一。耶穌有言。人多喜行大路。不肯甘行窄路。今請汝自省。喜行者。非大路耶。明係不端之風俗。代爲支

飾。以便順從。明係害人之財色。愛情難割。口是心非。汝肯克除。爲何不肯受苦。行人遇有窄路。必下馬捨車。側身俯首。加意小心。天路旣知窄小。反敢放心大膽而行麼。一。強行窄路。雖難。肯遵三語。卽變難爲易。一。該想汝祖汝師。乃耶穌也。爲登自己之天堂。尙走三十三年未有之窄路。今汝有罪無功。想望耶穌之天堂。而不肯走耶穌萬萬里中。一步一跬之窄路。有是理乎。二。該想耶穌所收弟子。卽歷代升天之聖也。今諸聖行踪。彰彰可考。汝欲升天。而不走在先弟子之路。有是事乎。三。該想走此窄路。不過一二十年。三四十年。不比地獄永遠之苦。將此轉眼就完之艱。

窘。兌換永遠天堂之福樂。還喫虧麼。聖奧斯定云。天主之命。不賞甚難。允賞甚重。如此利益。還嫌窄路難行麼。汝果願行難行之窄路。必然可得難得之天堂。過去現在未來之人。從無舍此窄路而可升天堂者。切弗自寬自慢。

當務之求 爲妄想天堂者

祝文 天主以爾聖安多尼各聖婦亞大納濟亞。每年瞻禮。樂我等懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

○四日

聖方濟各五傷 苦修

警言

苦克之大禮。人獻。天主定受。聖額我略

聖傳

聖方濟各係意大利亞國人。母產甚危。聞門有乞人。命僕厚贈之。彼云。汝主母產子甚難。須速出上房。徙居廐下。從之。卽產。此預顯其卑約也。父專貨殖。聖人小學未成。命熟習之。雖遵父命。實非本意。自幼樂施。可以濟急之物。從無吝惜。或事忙貽悞。必追補之。弗令失望也。其時未涉修途。

若有頌美者。斥爲諛諂焉。旣因篤疾。方留心德業。一日路逢裸者。分所服以衣之。是夜耶穌親示以華屋中武備。令隨心自取。聖人悞爲世務。主復解明。令具神兵聖勇。克已除魔。庶將來可化民善俗。從此修志始堅。路見一麻瘋人。穢惡不堪。策馬遠颺。俄而悔甚。步回手撫。貼面沾唇。以昭親愛。甫別卽無。論者謂主命天神托形試勉也。且耶穌曾顯苦像。勉勵之。故聖人喜居卑約。不畏苦勞。陋食敗衣。惟求賤辱。常與乞人爲伍。適往舊堂。跪伏苦像前。忽有聲呼名。諭曰。何不葺我堂宇。聖人聞命趨歸。私聚多金。運送本堂。長者不受。勉強存留。父知之。欲索金重責。聖人潛匿於

郊。既而入市。破服稿容。人笑爲狂。父益怒甚。拿回鞭朴。復送官究逐。聖人初無一語。末云。父不以我爲子。我有天主爲父。官甚嘉之。希圖留養。聖人趨走山林。被強人盤詰。回云。吾奉上主之差。傳諭福音。衆賊視爲瘋人。擲之深坑而去。聖人就近往投修院。甘爲賤役。天主錫以大能。立除百病。道旁一人。患瘡求救。聖人洗其臭腐。吮其膿血。善言慰之。即時痊愈。聖人既定精修之基。仍回本鄉行乞。常施明訓。人皆傾服。凡圯敗之堂。俱鼓舞整修。自居城外聖母堂。引同志十二人。交相砥礪。用力既深。爲時亦久。乃擇地分行。兩人同往一處。聖人留守如故。閱數年。欲與諸友一晤。

皆不約而遠歸。各述殊方被化之情形。聖人感恩深切。集定修規。親賚羅瑪。上主默喻教宗。知諸士德修超越。悉如所請而歸。仍同諸友。別尋陋室以居。恍如初學。爭先於苦難。一篤病垂危者。聖人將殿上燈油。和熟麵少許。遣二友送服。危病立痊。此人感甚。受業以終。來學者更多。所定修規。主命聖人。再加考訂。特同二友。入山靜候。蒙主默喻。出於聖人之口。入於二友之筆。錄完。共聞主聲。三呼聖名。諭云。維諸典訓。命由於予。匪汝之謀。成汝之績。咸宜篤奉。毋墮毋違。嗣後聖人。常舉此勸懲焉。其苦身之工。有難殫述者。非病不設美饌。酒席自陪涼水。平時菲食。猶以塵埃減。

味。食後只飲清泉一勺。盛暑不增。寤多寐少。弗憊極。弗睡也。席地枕磚。並無被褥。或言難以禦寒。回云。心熱可禦外寒。身煖恐爲魔穴。有以過苦傷生勸阻。回云。兩害不能並免。權其輕重。冒暫苦以獲永安。義也。亦智也。猶憶從前初學時。屢遭姪誘。往往裸身雪內。滅其炎威。甚至搏雪爲丸。糝其大者爲妻。抱其小者爲子。曰。可能畜養否。何不潔身事主。而多生穢念耶。如此嚴絕。故終身以對視女人爲戒。嘗云。盛德之男女。一如水清。一如土淨。本來皆美。相合必爲爛泥矣。論其謙德。自賤自卑。忍羞忍謗。俱極其至。然他聖多相似者。聖人獨覓能言舌辨之兩人。令揭其短。正容

叱辱。日以爲常。聖人且感且謝。聞有譽言。深自省察。恐見棄於主。報以浮名。舉此大端。可知其謙。超越尋常也。相傳一友。主賜神目。見天堂一寶座。在羣神之上。聞有聲曰。設此以酬方濟各之謙。一友請聖人自忖。回云。吾乃衆罪人中之大罪人。友云。奸盜詐僞。毫無干犯。何以云然。回云。天主賜我之恩。加諸盜賊。其悔遷必百倍於我。倘我不蒙主救護。其凶惡更甚於強徒。可知大謙之高座。莫能比肩也。論其愛貧。甚於人之愛名利。見一窮苦人。悔已弗如。常將緊用之物贈人。有友送美衣一襲。卽轉週貧乏。且不居其德。歸功於友焉。聞有遠國。久蔽於邪。聖人間關前往。國君

雖加敬禮。道不能行。憮然而返。主鑒其德業日新。益加寵福。不獨通曉未來。知人隱密。且一命而魔患即除。一言而形神無恙。蟲鳥皆聽命如靈。今略述之。路遇富翁。請歸就膳。聖人執手告云。翁之終期。即係今日。速宜悔解。以備善終。彼即奉行。甫完遂歿。一病人求救。聖人責其怙惡冒求。病人驚惶誓改。聖人手畫十字。口祈主赦。其病立痊。復諭云。舊惡不除。罰刑必至。後果死於火。一日。途中見羣鳥齊鳴。語友云。此鳥以聲謝主。宜取法焉。同入鳥羣。誦經伏叩。嫌其聒耳。叱止之。鳥皆靜伏。誦畢。鳥仍和鳴。若慶賀然。又一日。樹上蟬鳴。聖人招之。即至。揮之。即去。又一日。在堂講。

道。樑燕齊鳴。聖人叱之卽止。聖人病目。醫欲灸之。聖人指
火囑云。毋恃炎威傷我。及灸。若不知者。聖人病中甚弱。此
間覓酒最難。令人取水一瓶。置之臥側。畫完十字。卽成美
酒。只飲一盃。病愈身強。修規禁聞音樂。故聖人有懷卽退。
是夕。主遣天神奏樂慰之。城內多人爭競。望見羣魔。傷惑。
差友往逐。魔散怒平。至於瞽聾癱啞之痊。不可勝紀。卽服
御之衣裳器皿。皆可祛魔免患。去世二年前。耶穌以五傷
傳留於聖人之肋旁。手足通其苦痛。聖人忍痛異常。感恩
無似。惟因克己甚嚴。形容日憊。迨終期已近。先告知衆友。
及期門徒羣集。聖人叮嚀勸戒。自解表衣。併除衾蓋。擲之

於地曰。毋以此累我。甘貧本願。仰天而逝。年四十有五。時
天主降生後一千二百二十六年。郡中掌教。閉戶在房。聖
人往別曰。我今謝世升天矣。遠方一徒。患病失音。忽大呼
吾師。俟我。旁人問之。回云。不見聖師升天麼。卽氣絕而終。
聖人升天後。奉葬聖屍於城中聖殿。香花載道。閱四年。另
建新堂供奉。越六十餘年。教宗仰慕親臨。乘夜進堂入墓。
見聖屍昂首凝眸。端然竦立。形色如生。毫無塵朽損傷。親
開其手足胸襟。五傷之痕。炳若日星。卽伏叩求恩。無任歡
感。陪侍大臣五員。以幸遇爲慶。

宜行之德 克已

聖思 一聖方濟各離棄家財世福專事天主故身內身
外無時不尅無物不尅汝若肯事天主舍此並無捷徑倘
欲一面事主一面事世萬不能兩全該打算那一件可滿
足汝心就該下手 一聖人一生所願者皆天主之願故
有願即成今汝不肯一日一時隨主之願反要天主常常
滿汝之願有是理乎天主至公毫無偏向果做到聖人的
工夫何求不得 一聖人愛主特深主亦愛之變其身爲
耶穌之像榮以五傷汝雖不敢望此大恩若能苦身克己
常隨耶穌於十字架汝之死肉身死靈魂必更生之且永
生之與聖人五傷大同小異耳如此光榮爲何獨讓聖人

當務之求 爲甘心受苦者

祝文 天主。因聖方濟各功勳。以新衆子。廣爾教會。祈俾
吾師其行者。輕世物而獲天上之恩賜。恒樂。爲爾子耶穌
基利斯督。亞孟。


聖年廣益

冬季

十編

四日

十七



○五日

聖罷爾齊篤 顯修致命

警言

若有人。乃稱狂誕。必負地獄刑罰。聖經

聖傳

聖罷爾齊篤。係羅馬巨家。甫七歲。父母送於聖本篤門下。年雖幼。其順命謙恭。守規忍苦。早顯後來聖德之美。基一日。河中取水被溺。聖本篤在室默知。亟命聖貌祿往援。貌祿步行水面救回。聖人云。我竟不知。但覺頭臉上有吾師衣服覆護之狀。年未二十歲。聖本篤命往西細里亞島立

聖年廣益

冬季

十編

五日

十八

院。遣多納多俄爾弟亞諾同行。途中顯蹟甚多。瘖啞能言者七人。內有一胎啞胎壘者。其開瞽起癱。立除痼疾。不可勝數。至島立院。奉聖若翰保弟斯大爲主保。守規者三十餘人。待人雖恕。處已甚嚴。常守大齋。飲惟清水。有時七日內。微食三餐而已。不離苦服。夜無熟寐。坐臥不過片時。言無虛發。開口必因講勸。一生良善。從無暴慢怒容。見貧病人。必設法救濟之。所以人人傾慕也。一次衆將病人聚齊一處。求救於聖人。聖人舉手畫一聖號。諸病俱痊。迨四年後。弟兄二人。一名歐弟覺。一名末多利訥。聞聖人大德之名。特偕老姐。同來晉謁。皆滿心悅服。時聖人默知主恩不

遠更喜諸人均在致命之列。未幾海賊瑪弩加駕船百艘。赴島橫行。奉摩羅格邪祖爲神。聖人與衆修士及新到之二昆仲。併其老姐。俱被拘拿。惟俄利亞諾子身潛遁。羣賊將多納多先斬示威。餘俱解送賊首瑪弩加。賊首命拜邪神。聖人等同云。萬死不背耶穌。遂囚入暗監。再議。因風大難行。島內全遭搶劫。殺戮甚多。瑪弩加見聖人等不肯拜彼所奉之神。縛足倒懸。重撻血流。至晚收監。次日仍如前法。聖人勸衆甘心樂受。好升天堂。賊惡其言。落齒斷舌。使喉音難發。豈知聖人仍娓娓而談。勸衆如初。賊見諸刑無益。立命斬之。年二十四歲。同拿諸人。一併斬於市。時天主

降生後五百四十一年。

宜行之德 無妄證

聖思 一。妄證之罪。天主最怒者。經云。誑誕之人。必負地獄無終之刑罰。明訓昭昭。不小心畏懼麼。壞人名聲。片言威於利刃。當知人在世間。內榮莫如聖寵。外榮莫如名聲。苟富貴而招尤。寧賤貧而多譽。但易於毀敗。難於補贖。善乎聖熱羅尼摩之言。只該倍責自己之行。不該亂管他人之事。不可亂談與汝無涉之人。 一。妄證之害有五。揚彼惡於人前。無實據爲有據。滅人美善。加人過失。敗人之心德。五有其一。最難挽回。汝曾想過麼。別人如此待汝。可喜。

歡否。若不喜歡。汝爲何常如此待人。一。肯改此妄證之罪。惟有偶犯。卽時補贖。雖難猶易。稍遲。必難而又難。日久。定不得一人傳兩。兩人傳三。彼之受害無窮。汝之難者。變爲不能矣。請汝熟計之。生前旣畏其難。死後之難。反不畏耶。生前可補不補。死後不可補。而不能不補。汝將何法脫逃耶。與其難於死後。寧難於生前。與其死後脫逃無法。寧在世犯而速補也。設有人妄證汝。汝該安心忍耐。和氣消除。忍耐之法有二。或想耶穌當日。多人妄證。默不一言。我反不該忍受麼。或想我身罪惡。視彼妄證者。更大更多。彼惟造此輕小之事。證我情罪。又不真確。反不該忍受麼。消

除之法有三。聞人妄證。或自居督率之責。應直言明解其非。若此妄證人。不便直言者。或以別端妙論。委曲婉言。使自悟其非。倘二法俱不可行。惟有如瞶如聾。付之不覩不聞而已。聖熱羅尼摩曰。沒人聽見。沒人妄證。旨哉聖人之言。無有出其右者。

當務之求 爲受妄證者

祝文 懇祈全能天主。吾敬憶爾聖罷爾齊篤致命者誕日。賴其轉達。使吾剛健於爾名之愛。爲爾子吾主耶穌基利斯督。亞孟。

○六日

聖布路諾 隱修

警言

天主靜默甚美甚福。人但有淨意。卽淨心也。天主許之。

聖伯爾納多

聖傳

聖布路諾。係熱爾瑪尼亞國郭羅尼亞府人。家世尊榮。二親盛德。聖人幼儀端重。卽如成人。及長。課讀於拂郎濟亞之都城。數年。衆咸欽其鴻博。請居公學。講格物之理。又數年。定志精修。未能奮勇。有友賴孟多素稱才德。歿後。將殮。

聖年廣益... 冬季 十編 六日 二十一

衆皆誦祈。聖人亦與焉。念至審判時來應之句。屍忽昂首云。如今魔鬼告我於天主臺前。衆即停誦。次日如前誦禱。念至此句。屍復大聲曰。如今天主審判我。衆共駭然。第三日。觀者更多。仍誦禱如前。念至此句。屍即喊云。天主嚴刑公義。罰我於永苦矣。聖人目擊心驚。深懼僞容貽悞。變產濟貧。矢心聖業。約同六友。內二人與額辣西亞諾波里府主教聖護我相識。遂一齊往謁求山內苦修。七友未到之前夕。主教明見天主光榮中。立一大堂。在寬大深山內。七星前導。光明大於天上之星。尋思未解。闍人報七客遠臨。主教默知主命。晤後。聖人陳明來意。主教云。天主大恩。昨

夜賜我預知汝等之行。但曠野深山。從無人跡。又無出產。冬月苦寒。更難度日。聖人云。我等求者。正此極野極苦之區。主教遂定於天主降生後一千八十四年。聖若翰保弟斯大瞻禮日。引入山中。聖人卽立一敬主之處。旁編篷室數間。如古隱蹟山人。聖人在同侶中。若太陽之於衆星。以艱苦以謙卑。以克己以熱心。以仁愛爲率領。奉主教聖護。我爲本神父。如此數年。艱難困苦。言語不能形容者。食只草蔬。寢無熟寐。卽重病衰年。弗開此戒。晝夜俱苦服。終年不一言。一日之中。大半誦經默想。餘工稍養肉身計。教化皇第二位阿爾巴諾少年。曾讀書聖人學內。傳赴羅瑪派。

居議事崇班。勉承尊位。心甚不安。屢乞還山。不得已。准其就道。衆復公舉。授爲某處主教。固辭獲免。聞教化皇將巡。梯郎濟亞欲留爲扈從。聖人慮途中復授主教。乘命未宣。速招數友。邀入意大里亞之深山。更比前規嚴密。克已治身之苦。超越尋常。忘形樂性之工。如離世而居天國者。舊山六友親來一人。求將修規。補增鑒定。王甫竣。友卽辭回。未幾。聖人棄世升天。時天主降生後一千一百一年。

宜行之德 愛居僻靜

聖思 一。世俗係靈魂之大仇。惟僻處可免墮此仇。如聖布路諾山居最妥。汝在世俗不能居山避靜。難道不能退

仇避罪麼。閉戶卽深山。離人便僻靜。豈一日內。竟無閉戶
離人之數刻麼。晝或不能。夜來睡覺時。還不僻靜麼。倘乘
此料理靈魂。何地非山。何人非聖。一。自己之身。更害自
己。聖人爲除此害。不能離身忘己。竟能克己賤身。嚴齋寤
禱。挫磨之。茨帶棘衣。警策之。不使一毫放縱。汝在世俗。犯
罪甚多。不比山居之少。牽累俗務甚多。不比僻處之免煩
囂。還不該苦中尋苦。用此賤身之法麼。所以善學聖人者。
專師其意。不師其迹。一。魔鬼之仇。更奸更惡。聖人爲退
此仇。醒而少睡。默而不言。靜思俱是真功。轉念不離天主。
享者聖味。居者天堂。魔竟鑽營無隙。奸惡難施。旣然外寇

不生。所以聖德神工。安而行之。不加勉強也。汝在世俗。熟寐致昏。多言招失。享毒鳩之味。居仇敵之區。不用魔奸。自投魔網。還不該效法聖人之靜思轉念麼。與其畏魔而受魔殃。何如畏主而蒙主愛。蓋畏主者。魔必畏之。非畏汝也。畏汝之誠心。畏主。片刻不離也。有爲者亦若是不應使聖人專美於前。當務之求。爲苦修者。

祝文 懇祈全能天主。因爾聖布路諾爲我等之主保。施垂恩佑。但我多能獲罪。無能立功。今惟賴聖人大勳。扶我佑我。俾得重罪之赦。可獲天堂之福。爲我等主基利斯督亞孟。

○七日

聖瑟爾阿聖罷各 致命

警言

無急營營云。何食何衣。斯皆弗識。天主人者之急營。聖經

聖傳

羅瑪總王之二臣。一聖瑟爾阿。一聖罷各。皆欽崇正教。因總王往西里亞國。定祭邪神。嚴命各官齊赴。及祭。並無二聖。事完傳問。回云。無靈土木。假借前人名姓。我等遵奉天主。不容拜此邪神。總王大怒。革職穿婦人衣。加鐵項圈。牽繩遊市。數日後。王以甜言勸諭。許以大官大俸。二聖不從。

聖年廣益***冬季 十編 七日 二十四

交付二聖之屬官審究。此官殘酷性成。先引誘之。計窮無益。將聖罷各重笞至死。是晚。聖罷各親至聖瑟爾阿之前。明告曰。我已升天享福。汝其堅志以終。次日。官以懼死貪生人之常情。初用好言。繼施惡法。聖人恬然自得。官見其寧死不回。卽命斬首立決。

宜行之德 輕財

聖思 一。吾主耶穌。常言有財之人。難救靈魂。煌煌主訓。汝心有何疑惑。既然信而不疑。爲何現在之財。稍有損傷。勝於割本身之肉。未來之財。有縫可鑽。不顧生命以謀之。得了千錢。還想萬錢。豈汝之信主。口信而心不信耶。吾主自天降世。立表勸人。引走上升之路。不徒以空言設教也。

所生之地。山野馬棚。所居之室。土堦茅茨。所選之門。人郵夫漁戶。其行如此。其言如此。今汝空空聞主之言。不肯盡心學主之行。可爲信主麼。一。爲何富於財者。難以爲聖。一。因財貨引人犯罪。勝於硝硫引火。些須沾染。卽至烈焰烘天。勢難遏滅。一。因人心只此分量。財貨已滿其心。無地可容德行。所以聖人有言。世俗之財。乃萬惡罪人之根。根愈茂。惡愈多。又爲萬德善人之病。病愈增。德愈減。旣知如此。汝爲何不肯輕財。而留此罪根惡病。一。若如此而論。難道那多財巨富之人。竟不能升天麼。回云。果然以財爲主者。必不以天主爲主。財主之福堂。不在天而在世。天主

之福堂。不在世而在天。彼既享用財主之福。有何顏面。得享天主之福。惟有一種以財爲僕。處富若貧者。雖然巨富。富於身而不富於心。雖說多財。財爲我用。我不爲財用。何以富我之心。天堂永遠之財是也。何故財爲我用。將此易朽之財。救窮救苦。立德立功。買我不朽之財。享福享榮。常生常樂是也。毒藥亦可活人。只看汝之用法何如耳。

當務之求 爲富於財者

祝文 天主爾賜我等。敬憶爾聖致命者。聖瑟爾阿聖罷。各誕日。望爾彼居永福之域。使吾偕樂。爲爾子耶穌基利斯督。亞孟。

○八日

聖婦彼理日大 立會精修

警言

世苦真福之質當也。聖額我略

聖傳

聖婦彼理日大。係思物濟亞國宗室之女。父名比里。母名西禮。俱有盛德。聖婦在孕時。急於渡海。船壞人危。其母幸而獲免。夜夢一冠服尊人。示曰。因汝孕大德之女。故脫汝於波濤。及產。近鄰修士於夜中空際。見一美女。身發異光。同於朗日。手持書卷。足繞綵雲。高聲揚頌曰。西禮所生之

聖年廣益

冬季

十編

八日

二十六

女。懿徽永顯於萬方。生後如暗。三年始語。出語驚人。母親
早世。寄養於姑。年甫七齡。心志卓然。默想誦經。寡言輕世。
儼若成人。相傳耶穌聖母。曾親戴花冠於首。攜之天上。十
歲後。偶聞耶穌五傷來歷。感切於衷。是夕。耶穌現新受艱
難之狀。示云。不感我恩。不認我名者。皆加我之傷也。從此
熱心更甚。魔嘗惑以醜形。因苦像在前。不能爲害。魔云。若
無此受苦者。誰能脫爾於我手。嗣後竟寂然。及笄。擇配於
懿親。娶後。各守潔一年。始成夫婦。女紅家政之外。首務嚴
修。誦經省察。克己訓人。晝夜有一定之時。並無虛度。扶危
舍旅。療病濟窮等。必滿其所望。禮賢敬士。欸待尤隆。惟自

身衣食菲惡不堪。每言厚味美衣最難德盛道明也。連生
子女蒙聖母仁慈免遭產難。夫病垂危。又代求獲愈。因此
同感大恩。各願精修。其夫竟往修士院。聖婦將財產濟窮。
入修女院。謝絕親朋。潛居密室。口不輕言。耳無妄聽。尅身
苦體。正志斷情。耶穌受難。併各贈禮。六溶蠟以淋肩臂。飲
苦草之汁。使此身不忘吾主之救贖也。衣則蔴索櫻衫。惟
求蔽體。臥則席壤枕石。寒暑單衾。主恩日甚。嘗蒙眷顧。明
示未傳之始末。遍瞻羅瑪名聖之踪。復往如德亞朝拜耶
穌聖母諸宗徒之蹟。著書垂訓焉。回都病瘡一年。耶穌臨
慰。知終期在邇。預備善終。欣然長逝。時天主降生後一千

二百七十二年。殞殮未完。有求必應。警聾啞。篤病將危者。立愈。復活已死者十餘人。本國爭奉聖屍而歸。西都存有聖婦裏衣一襲。能除產難。所著修規。列居名會之一數。百年來。會士多盛德之人。足見學師道統。不可以巾幗論也。

宜行之德 苦已

聖思 一。欲免重罪。必該苦已。以斷罪根。欲得罪根。從所犯之罪。究之無有不得者。此命出自聖經。非平常人之言。經云。若眼與手。害汝犯罪。當斷手剜目。由此推之。不拘何等親愛者。既致汝於罪。不該斷絕麼。且內斷勝於外斷。心

斷易於身斷汝難斷有形之斷亦不能斷無形之斷麼。
一斷犯罪之事情有罪之好惡生罪之地方引罪之人物。
不過免干重罪若圖立德立功還該斷可行之俗事無害
之喜歡安閒之樂土不損不益之人物如此之斷更得主
恩但於身最苦然當知此苦並非白受可抵汝罪罰之苦。
蓋些須世苦能免身後許多煉苦爲主致命一死直升天
堂汝果時刻爲主苦身將來應罰之罪苦必蒙末減所以
愛已者常思苦已今汝不能斷犯罪之根何能斷無罪之
樂苦未到身害必隨之愛心何在 一肯隨耶穌苦已者
與耶穌相似夫以至卑至賤之身竟與至尊至貴之耶穌

相似。愛己者。還不該苦己麼。縱汝不愛自己之卑賤。難道不愛耶穌之尊貴麼。今汝心何嘗不愛耶穌尊貴之光榮。然只知光榮可愛。不知苦難當隨。無論情理難容。假令天主恩光。賞爾榮福。有何面目。仰見耶穌。聖文都辣云。我見耶穌。不忍我身無苦。汝竟忍心耶。如其弗忍。此身現在。何不汲汲圖之。

當務之求 爲迷於世樂者

祝文 吾主天主。因聖子。默啟聖婦彼理日大天上之密事。我等賴其轉達。俾能明徹上天之榮福。可獲永遠之權欣。爲我等主耶穌基利斯督。亞孟。

○九日

聖弟阿尼恤 主教致命

警言

汝等雖智。宜甘忍。不智者。或擄汝等。或吝。或取。或傲。或掌汝面。宜忍也。聖經

聖傳

聖弟阿尼恤。係額肋濟亞國亞德納都城之世胄。本國素有文名。聖人尤精天象。年二十五。旅居厄日多國。值春分之望。仰見太陽自午至申。全體失光。聖人驚異曰。非天地將終之變。卽造物大主受難之徵。越數年。倦遊還國。游歷

聖年廣益

冬季

十編

九日

二十九

清華。聖保祿宗徒傳教至都。言及耶穌受難。地震天昏之慘。與前所見合符。聖人遂信從領洗。棄職同修。力學三年。德光大著。卽陞本都主教。時聖母瑪利亞尙居如德亞國。聖人挈伴往朝。親聆懿訓。出語人曰。我若不知天上有造世救世之主。必以聖母爲主矣。依戀情深。延至數月。勉強辭歸。及聖母升天。聖人與諸聖徒同聽遺言。同襄殯葬。竟不知此身何由而至也。歸後。聞羅瑪教宗格肋孟德盛名。舉補彼略。署理亞德納教務。親往晉謁。教宗留京輔政。後同厄留德略呂斯弟各前往拂郎濟亞國罷里斯傳教。三四年間。俗善風清。異端辭窮理屈。聚黨強拿。仰見聖容。異

光遠射。束手鳴官。官將聖人。併同行二友。公堂拘訊。聖人
分割正邪。不應迷於外貌。若以天象之照臨爲正主。是何
異以莊嚴之寶座爲君王。官雖捫舌無言。而恨聲切齒。答
以毒杖。炙以鐵牀。容色怡然。投於野獸之牢。獸皆馴伏。聖
人足下。置之烈火窰中。火失其威。毫無傷損。釘懸十字架。
久困猶生。官法已窮。仍收於獄。獄中多友。交相勸慰。正祭
時。耶穌顯容宣諭。以堅衆志。官想諸刑既遍。惟有斬決而
已。刑役將聖人等重撻。周身皮破血流。出城受斬。時聖人
年一百十歲。斬訖。挺立如生。自復提首直趨。共聞空中音
樂。前迎後送。行十餘里。遇一賢婦在門。以首與之。始倒臥。

於地。衆初驚遁。繼復蜂擁追隨。大半歸誠悔罪。聖首聖身。合葬於僻壤。越數年。教化大行。遷奉新堂。未幾。以聖人首開茲土。歷受多艱。另建一堂。以藏聖墓。設官監視。新君卽位。必先敬禮之。生平著述。深奧超羣。拂耶濟亞國王。得其原本。敬貯墓前。教宗德望。道經聖墓。患疾將危。聖人顯容撫之。立愈。教宗又擇地建堂。召聖人本國數修士。居於廡下。用昭頂感頌揚之意。規模宏遠。世傳弗替焉。

宜行之德 智德

聖思 一。聖雅各伯曰。世間用智。或身。或家。或魔。此三者而已。在魔。尊也。傲也。在家。貪也。吝也。在身。淫也。佚也。今汝

智用在何處。誠恐千百其途。無非圖貴顯。謀貨財。求佚樂。不出三者之外。然往往使盡機關。終不免身家盡入於魔。聰明反被聰明誤。何智之有。一。天上之智不然。輕者富。重者貧。因我赤身入世。必赤身去世也。棄者貴。守者賤。因傀儡場中。沒有幾時體面也。惡者佚樂。愛者艱難。因吾主耶穌。自生至死。都在苦中度日。不曾沾染一毫世樂也。汝若不肯枉費聰明。亟當效法耶穌。蠲除世俗。謀求永遠之安富尊榮。纔可謂之真智。一。汝肯常隨真智否。以假賤而得真誠之貴。以暫貧而得無窮之富。以易受之艱難而得永遠之樂。智耶。愚耶。明其爲智而以智求之。卽因真智

而得真福。明其爲智而不以智求之。必因真愚而得永禍。是故知而不行。智自智。德自德。與汝無干。且更甚於本來之愚。今請汝中夜自思。可曾有一兩件事情。或一兩日工夫。行過所知之智德否。已行不該中止。未行卽應自新。不如此。還望升天麼。

當務之求 爲不智者

祝文 天主以爾聖弟阿尼恤堅固之心。得邀致命之光。聖厄留德略。聖呂斯弟各作侶同行。共勦聖治。顯揚在天。大父之尊榮。宜乎躬逢爲義之昌期。我等罪裔。倍深瞻仰。懇求賜我聖愛之火。輕棄今世之虛榮。不畏艱難之疊至。爲我等主基利斯督。亞孟。

○十日

聖方濟各玻爾日亞 精修

警言

不小心教訓兒女家屬靈魂。其罪與叛教之罪同。弗如在外教者。聖保祿

聖傳

聖方濟各玻爾日亞。乃以西巴尼亞國世襲封藩之君長。族名玻爾日亞。居康弟亞。父若望。母若望納。係國王甥女。二親賢智絕倫。聖人在襁褓中。惟聞聖教常說之善言。五歲能誦經文。家傳每月各人奉一前聖為主保。聖人於主

聖年廣益*** 冬季 十編 十日 三十二

保贍禮先一日。饑二貧人。表敬耶穌四肢。後聖人爲總統。通行主保單。迄今皆取法焉。七歲。從師誦讀。另有教習禮儀者。但其志不向人國而向天國。父嘗嘉之。十歲。母薨。哀慟苦工。人弗及也。時舅父爲大司教。父命遠遊就學。舅父久留教育。聖人嘆所修惟外形耳。一日。讀熱羅尼莫書。至耶穌受難。世終公判。卽有遯世潔修之志。越數年。別去舅父。往祖母之母家。留居更切。奈大病半年。更遭地震。帳房野處。聖人勤領神糧。離塵愈切。年十七。父因儀容俊偉。才品端方。令進京入覲。蒙賜殊恩。授以宿衛。配以巨家淑女。另錫土田。地名隆排。封以貴爵。不專候世職。聞其善獵。命

扈蹕行圍。聖人以縱情取樂爲嫌。獲禽之喜。垂首避之。年二十五。隨駕親征。智勇非常。凱旋後。病熱如火。聖人云。此令我毋忘煉獄也。以後代贖煉靈。獻儀必加倍焉。聖人索性不看閒書。教中經籍。亦少留神。病中令旁人誦書消遣。聞聖保祿宗徒經典。有感於懷。愈後。始撥冗閱書。以資神益。未幾。又奉命督兵。一帥受傷甚重。親往囑曰。死期已至。宜思身後久常。彼始悔悟。告解而終。聖人目擊心傷。愈思肥遯。及振旅還朝。又經營國后之喪。私念尊貴妙年。忽成異物。世間名位。何益於人。遂向主伏叩曰。主誠無始無終之天主也。嗣後不願從事於暫而不久之世主矣。已去之

年俱如死日。惟此一刻。吾再生之辰。卽以親老乞歸。王不
俟奏畢。諭云。噶達老尼亞地處衝繁。爾代予以治。另賜撒
辣各思城賦稅。固辭不允。按臨數月。豪強斂跡。匪類潛消。
築城禦敵。城稱聖人名。今尙屹然。往來兵馬。爲民害者。罪
嚴專轄之員。聽訟隨時。不煩羈候。糴糧海外。預備賑荒。延
醫葺院以濟貧。修學選師以訓士。人人俱感天主特賜之
恩。而國家寵眷有加。靡已也。惟是再生之念。久暫之分。銘
刻不忘。日誦玫瑰經十五端。默想八刻。大齋只用麵頭蔬
水。平時亦止一餐。偶逢讌集。餽饌未曾入口。同座多弗知
也。歷官三載。大覲屆期。禮畢。內廷顧問。面奏遜懷。回任後。

神工日進。每瞻禮。必領聖體。他人議其不宜。適耶穌會神
父阿羅自羅瑪來。聖人藉其轉問於聖依納爵。回云。竭誠
頻領。勝於畏難少領。聖人中心欽服。後遇耶穌會。必輔助
之。又四年。聞父訃音。致仕而歸。治喪事竣。整理家國之規。
無用舊人。併異鄉流落者。概收存之。增城堡以靖海疆。增
聖堂以便瞻禮。內君病劇。聖人苦求痊愈。忽空際發聲。汝
欲留婦於世。有何好處。聖人惶懼叩陳曰。爾旨承行於地。
如於天焉。不獨我婦。卽我與子孫。願全獻於主。惟命是從。
未幾善終。聖人甫三十六歲。伉儷計十八年。然末後。實同
兄妹也。子五。女三。德容兼美。與以西巴尼亞玻爾都噶爾

諸國。世爲姻婭。惟季女卒守童身。聖人斷絃後。牽累已無。專心神業。仿聖依納爵法。多建學宮。廣施教化。但耶穌會士。現止六人。不能遍及。適聖依納爵十友之首伯多祿斐味。由以西巴尼亞國。至康弟亞。聖人樂甚。將撒辣各思城賦稅。建堂立學。乘時樂助者亦多。未幾。各城悉同。康弟亞規模。司鐸者皆耶穌會。費繁弗顧也。教化旣興。砥修愈切。斐味引以避靜之工。旣而斐味調回羅瑪。竟以疾終。聖依納爵逆知聖人。必總統會務。慰衆曰。上主全知。已備人補缺矣。聖人聞斐味訃。纂成離俗精修之書。名曰聖鑑。求神父指歸何會。神父係聖方濟各會者。祈主三日。告以天主

聖恩命進耶穌會。聖人卽馳書羅瑪求聖依納爵允從。回云。兒女事完。次第舉行。值儲君攝國。又逢大觀。欲留居左右。聖人善退之。復求進會。可免不虞。聖依納爵請命教宗。准立願四年。了完家務。始顯明修道。聖人樂甚。集數人。向天主臺前立守三願。從此悉屏外務。惟遵前命。女嫁男婚。以第宅付長子。自訓幼兒於學舍旁之小閣。聖依納爵知聖人苦工太過。致書云。天主賜人神形兼濟。不可過傷。聖人誠心領命。立願後。准日領神糧。慮事煩多。缺定時分理。寅初誦經默想。閱三小時。告解與彌撒。領聖體。繼習超性學。接見屬員。午餐甚菲。飯完。課子數刻。又習超性學。日昃。

挨次見求恩之人。各如所願。日暮閉門。詳玩古今著作。不用晚飧。入夜。查察日間過失。默想審判嚴威。臥地痛懲。此皆常行弗變也。由家而國。務期一道同風。嘗云。管顧屬人。免其乖戾。上人之本分。故教訓子孫。神工學業俱嚴。將往羅瑪諭諸子曰。我此去。未必回來。土地人民。爾等用心管理。最緊要者。常存天主於心。趨善避惡。兄愛弟恭。是汝之體面光榮。世位愈尊。主判愈嚴。世財易朽。死時無異貧窮。再三囑切。請耶穌會神父。併攜次子若望等同行。途中誦經默想。講道勸人。不肯空閒。每日照前告解。領聖體。只用午膳。晚間些須點心而已。羅瑪之王公大人。郊迎留寓。教

宗亦傳留內苑。俱力辭之。就寓於耶穌會堂。聖依納爵一見聖人。兩情相洽。次日入朝。教宗如略嘉其盛德非凡。留入內廷。時蒙顧問。數日後。辭謝再三。俯從回寓。聞欲授加弟納爾急束裝就道。行至阿那特去。聖依納爵本處不遠。遂就居焉。已經具奏總王。接蒙回諭。獎勵允行。乃更耶穌會修道之衣。將次兒隨僕。分派回家。全離世務。領受神階。累陞鐸德。謙和謹密。外表動人。卿相公侯。樂從恐後。總王言於教宗。當居加弟納爾。聖依納爵辭以不合會規。雖許總王。請隨本人之意。因此安然辭退。越二年。總王再請。聖依納爵婉轉息之。時聖人遵規立願。終身不受主教等職。

矢志既堅。德才日盛。聖依納爵命總理依西巴尼亞國耶穌會諸務。數年。耶穌會公立聖人爲總統。蒞任後。各國王公大人。莫不口碑載道。其盛德之光輝。經綸之才智。化導之神能。鮮有幾及者。教宗亦時時頌美之。聖人以普天率土。俱當顯揚大主光榮。故分遣本會鐸德。各國傳宣聖教。救濟人靈。跡其生平。事事顯其大能。人人欽其至德。而聖人自視實爲罪人。毫無寸長。仰報主恩。似此謙悔之心。又無以尙之者。常來病院。服事病人。料理藥食。以善言安慰病者之心。不明要理者。雖至卑至賤之人。必盡心盡力。竭誠化導。以滿聖人謙愛。並不知己身之尊貴也。默想之工。

每日原有定期。然往往至五六個時辰之久。因愈想愈精。愈思愈熱之故。一日內。伏拜主前百次。每日必舉行彌撒。此際熱心。倍於烈火。卽與彌撒之人。無不動其熱愛。有數次。或彌撒時。或講道時。面發大光。衆皆目覩其奇。傾心聽受。迹其盛德神工。上契主心。下全仁愛。筆難罄述。教宗嘉其過化存神。特命同一大主教。至拂郎濟亞依西巴尼亞諸國王前。料理教中要務。事竣卽回。行至中途。偶然不豫。急還羅瑪。病勢漸增。聖人自知終期在邇。卽預備告解。領聖體。傅終油等禮。不數日。棄世升天。年六十有二歲。時天主降生後一千五百七十二年。聖女德肋撒見聖人德行。

常稱之爲聖。尊之爲師。教宗第十位格肋孟德詳考聖人所行靈蹟最多。列居聖品。

宜行之德 教訓兒女

聖思 一。父母不教訓兒女。大有關係者三。第一大關係。是兒女不得升天。因天主的道理。有幾件最緊要者。汝之兒女。都不能明白知道。不知不明。則所說所行。必不合正經道理。如何日後。可望升天。眼見多少教中兒女。只知道畫十字聖號。念天主經。聖母經。信經。十誡。若問他天主有幾位。那一位降生。怎麼樣救贖。身後永遠之賞罰。靈魂肉身之始終。一概不知。更有甚者。連聖號。也不會畫。一句經。

也不會念。徒知遊手好閒而已。是明明教訓他走地獄之路。聖玻爾日亞因此關係。故每日每日。到一定的時候。必誘掖獎勸以成全之。凡有父母之責者。可曾如此教訓否。


一。又有大關係。是重傷天主光榮。因天主光榮。在人人明道理。救靈魂。汝果用心教訓兒女。令其能說能行。既可勸人。亦可勸己。一代如此。代代如此。自然根深葉茂。源远流長矣。今眼見教中人家子孫。多有冷淡者。甚至流入異端。聽從邪說。連天主教三字。公然不認者。此等昏迷。皆因父母自幼失於防閑。或被驕奢淫佚之親朋。往來指使。或遭似是而非之師長。強解脅從。反以同流合污爲至計。情

愿背叛天主。敗壞門風而不惜。嗚呼。噫嘻。天主生物以養人。生人以事主。故教中人本分。不怕舌敝唇焦。隨方講勸。使教外之人。俱歸教內。庶幾顯主光榮。今以教內子孫。背叛而爲外教。天主之光榮何在。一。這兩個大關係。不是父母之罪麼。聖教愛人如己。不愛人。就是不愛天主。今不獨不愛人。併不愛自己的兒女。容他走地獄之路。看他滅天堂之福。外教留爲口實。教中傳爲話柄。凡重傷天主光榮之事。未有甚於此者。如此大罪。還想升天麼。汝到地獄中。必怨恨子孫連累。其實子孫。還痛恨父母縱容。然與其彼時抱怨。何不及此子孫尙在之時。用心改悔耶。聖玻爾

日亞惟恐缺少教訓子孫之本分。故時時查考。夫肖子賢孫。尚不敢放心大膽。汝之子孫。能如聖人之子孫否。明知不如。而爲父母者。又不學聖人。時時查考。是誰之咎歟。

當務之求 爲不訓兒女者

祝文 天主耶穌基利斯督。真謙之德。以表以賞。懇求如聖方濟各。玻爾日亞。以輕世隨爾。賞伊於天上光榮。我今求爾。俾我等。隨爾輕世。俱得天上之榮光。偕罷德肋。及斯彼利多三多。均生均。王世世。亞孟。



○十一日

聖女儒斯弟納 致命

警言

世日不減。故勿痴。宜明天主旨。聖經

聖傳

天主降生後五十餘年。現任罷度窪府之有司。因聖伯落
多西莫於聖伯多祿宗徒致命後。前往傳教。遂棄邪歸正。
從前結褵數載。未經生育。聖女儒斯弟納係奉教後所生。
爲意大利亞國第一位致命者。父母自生聖女後。退職閒
居。專心教育。故從幼只知愛主。不務俗情。未及笄年。二親

聖年廣益***冬季 十編 十一日 四十

早世。誓守童貞。時總王首爲聖教之仇。差員四處查拿。不背教者。聽其施刑至死。查至罷度窪府。聖女自首赴監。路過石橋。跪於青石上。求主加恩。助其致命。及起。石上有雙膝痕。此橋迄今尙在。膝痕昭然不泯。人爭敬禮之。官見聖女儀容端雅。又係宦家。雖然拘鎖。禮遇甚優。專用柔言。再三勸慰。許以大富大榮。豈知聖女守貞事主。堅勝於鋼。不入耳之言。徒然饒舌。官知無用。變喜爲嗔。百般辱罵。末云。汝不改心。我不改法。聖女回云。喜受酷刑。弗懼。官大怒。命用尖刀。亂刺胸膺而死。年十六歲。

宜行之德 順命

聖思 一。不論何來。皆有主命。既知順主之命。應該不論何故。惟有常存我之明哲。不許其害我靈魂。足矣。除此之外。或過。或不及。與汝無干。樂得一個順命之功。汝能透徹此中奧妙。自然喜而無怨。樂而無虞。 一。汝能透徹此中。常隨主命。爲何有喜樂而無怨虞。因此順命之功。少有驟然而得者。必也冲懷之謙讓。出於自然。必也克己之操存。不加勉強。必也清廉之耿介。良善之性情。又皆有守有爲。然後應事接人。纔能逆來順受。可見一順命而諸德俱全。 一。順命而罪根俱滅。真正是一條升天堂之捷路。一個救靈性之奇方。汝若果然在世順命以終。審判之時。可向主

曰。我已全遵主命於世。求主賞酬我願於天。一。汝以順命爲難者。因汝惟知有己。而不知己之師表也。請看耶穌。基利斯督之表。以一位萬物之大主。順聖父之命而爲人。且順聖母聖若瑟之命而爲子。更順權臣掌教之命而如罪犯。由白冷郡。至加爾瓦略山。不論何等艱難。皆惟命是從。吾師如此。願爲弟子者。反以爲難耶。

當務之求 爲在上位者

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖儒斯弟納致命童女誕日。因其遺表。躋爾臺前。爲爾子吾主耶穌基利斯督。亞孟。

○十二日

聖女本大 致命

警言

詎弗須基利斯督。先受苦。後入其上國。聖經

聖傳

聖女本大係羅瑪都中顯宦之女。奉教後。深感耶穌救贖之恩。盡忘世俗肉身之事。二親既歿。齊集族中諸女。敬主淑身。與修道人相似。側聞教中致命甚多。聖女情深愛主。會同一德一心之女十餘人。前往拂郎濟亞國。倚山作寓。結草爲篷。周歷邨莊。勸化婦人女子。多有棄邪歸正者。官

聖年廣益***

冬季

十編

十二日

四十二

聞之。差人拘捕。先用好言勸改。因堅執不從。掌嘴笞身。處處皮崩肉裂。押解收監。天神現慰。勸令堅心篤志。迄於成功。頃刻剝傷全愈。痕跡俱無。從旁計五十人。目覩此奇。跪求入教。次日。官又嚴刑拷夾。復受重傷。收監後。天神再現。重傷全愈。獄鎖自開。聖女從容出獄。旁人無法阻攔。聚觀之衆。約數百人。聖女此時。惟知救人爲務。瀝陳邪正之本原。講明天主耶穌降生救贖之大恩。言雖簡約。直入人心。且事出非常。動人觀感。凡在見知之列者。莫不信從。官欲禁此一人以絕其根。反立時。增數百人以廣其傳。論此問官。應幡然悔悟。乃怒從心起。暴戾乖張。親持利斧。手斫聖

女之頭。聖女延頸趨迎。死於斧下。時天主降生後三百六十二年。


宜行之德 不畏艱難

聖思 一。真奉教者。必能不畏邪魔之害。永爲仇敵。常持利劍神鎗。對陣交鋒。汝曾如此否。看來光景。不但不如此。還恐是邪魔好友。因見汝常求身樂。常想世榮。明係傲魔之意。汝竟隨其引誘。非友而何。 一。真奉教者。必能情願受他人未受之艱難。不怨不憂。且安且樂。因此身既稱耶穌之徒。則此心應愛耶穌之苦。只求步步陟山受難。以完我弟子之職。不肯須臾錯走他途。以負吾恩師之訓。金口

若望云。愛十字者。必常喜肩負以全其愛。汝今何如。兩肩所負者。果然是十字否。兩足所行者。果然是加爾瓦略山否。一。真奉教者。必能隨時隨事。刻薄自己之身。等不得外來之艱難。惟因如此。所以幸逢偶然苦患。可省自身之刻薄。樂莫大焉。俗語謂之討苦吃。原係難而又難者。故足以樂天主之心。而減應得之罰。汝今如何。既知尅己。可以樂心。又能樂主。爲何只圖肥己。而不圖尅己。夫尅己者。易立大功。常常利己。肥己者。易生大罪。常常害己。此中好歹。汝豈不能分別麼。已。汝之已也。或尅。或肥。各人自做主張。

當務之求 爲婦女

祝文 天主。爾德能靈異之中。不棄弱女輩。賜致命者榮
勝。懇祈我等。慶爾聖本。大致命童女。誕日。因其遺表。躋爾
臺前。爲爾子。吾主耶穌。基利斯督。亞孟。



○十三日

聖日老多 諸侯

警言

有人憤怒厥昆。被察。聖經

聖傳

有聖遏東紀載諸侯聖日老多之事實甚詳。今節錄之。首言聖人在母胎中。一天神顯示於母曰。汝胎產子。當名曰老多。後爲天主之光。產後。卽依其名。付洗。二親加意玉成。以身率教。稍長。延師課讀。兼攻武藝。嗣因火毒上升。面生瘡癩。將武藝中止。專攻經史。俗學與聖學俱精。二親謝世。

聖年廣益***冬季

十編

十三日

四十五

龔居侯爵。遺產甚豐。聖人照規克己。默想誦經。原不肯養驕縱欲。一日被魔引誘。招一美婢入房。天主大恩。婢忽醜穢不堪。速行逐走。罪雖未成。自知重犯。求恩補贖。天主罰令二日失明。一年始復。卽定志守貞。一生不見婦女。每日丑時。披衣而起。誦禱行工。候至昧爽。赴堂與彌撒。瞻禮日。至午。回家用膳。復入堂誦禱。平時。早與彌撒。卽回家先理民務。不論貴賤。接以謙和。人俱感服。齋日。止於巳末一餐。常覓窮人陪食。食時。旁人念聖人行實。或道理書。食罷。與數友略談片刻。亦係身心性命之言。又理政務。或訓誨署中人。或濟貧顧病。雖非齋日。下晚。止殮菓品。些須。閉戶與

工默想。以上常規。寒暑不更也。大事難事。必預籌。求合天主意。就正高明而行。稍違公義。終身痛惡之。曾於羅瑪售一廠衣。旁人喜其省價一半。聖人亟轉回。補足而後安。僕人犯法。重懲不貸。故少有膽玩者。特建聖伯多祿宗徒殿。表其崇奉。又建修院。以安衆士。但聖人本欲退居院內。因本神父不允。嘗云。別人利於修道。侯獨不然。不修道立功光榮。天主。比修道人更勝。是故潛守修規。不顯然入院也。天主錫以寵恩。啞瞽跛癱之輩。摸衣卽愈。得盥手水。亦能愈病。末後。七載失明。增其默存忍德。自知終期已屆。預領聖教善終諸禮。無病而薨。

宜行之德 含容不怒

聖思 一。人人都說平居。可見平爲居世之本分。怒則失其平矣。如醉如瘋。更如野獸。汝不見自己怒容。難道不見別人麼。傷顏面。損貨財。斷親友。多因一言半語而來。從前如此。如今還縱性不平麼。怒人必恨人。汝既恨人。人不恨汝麼。汝肯不失本分之平。爲何不將忍德以禁之。 一。怒有兩樣。一。怒來卽過。如電光石火。一亮卽無。一。怒來不去。如火埋灰內。長蓄於中。卽過者輕。不去者重。輕者尙恐其再萌。若重者。多一日。靈魂必增一日之罪。卽肉身亦增一日之災。因忿怒之害。先害自己。纔及他人。汝縱不肯愛人。

難道亦不愛自己麼。所以真正愛己者。不獨不肯怒人。且常常肯受人之怒。聖奧斯定曰。請看天主耶穌。爲汝釘死於十字架。如此之仇。惟求寬宥而不知報。汝受他人之怒。恨。不過一言半語。還圖報仇雪恨麼。一。汝果然肯改忿怒之心。該預備平和。刻不放鬆。偶逢動怒之時。定心忍耐。緘口嘿存。並不回言。憑人辱詈。雖肆無忌憚之小人。必廢然自退矣。倘汝躁性難當。強持不住。須想汝自己得罪天主之時。若天主陡然震怒。早已罰下地獄。何能容有今日。又該想汝之忿怒。有何利益。惟有得罪天主。自己害自己。論別人。不過是難當難受而已。如此一想。自然暴戾全消。

但此等心腸。平時不曾預備。臨期必致疎虞。

當務之求 爲暴怒者

祝文 天主。以爾聖日。老多。每年瞻禮。樂我等。懇求爾。我
既慶厥誕日。幸師厥功勩。爲爾子。吾主耶穌基利斯督。亞
孟。

○十四日

聖婦俾辣日亞 悔表

警言

潔者。蓋十人。九安在。第斯一異方人歸恩。聖經

聖傳

天主降生後三百九十餘年。安弟約記亞府主教。傳集衆
主教。會議聖教事務。公舉額德斯主教。聖農諾在堂講道。
有妓名俾辣日亞。艷粧麗服而來。聖農諾見之大哭。向衆
云。汝等該知道天主審判。必用此冶容爲證。請看此婦。爲
買人歡喜。用多少巧法。全心全力。都在於此。我們明知天

聖年廣益

冬季

十編

十四日

四十八

主恩威無限。果小心奉事。必得天主之賞。今用什麼心。出什麼力。以昭敬愛。含淚悲傷。跪求天主矜憐我罪。彼能修飾肉身。結合人心。我不能修飾靈魂。結合天主之心。至下主日。仍係聖農諾講道。俾辣日亞仍來聽講。聽至審判之嚴。罪罰之醜。定志改遷補贖。回家寫書。寄聖農諾曰。大罪人邪魔之奴。敬陳於耶穌基利斯督之弟。竊聞耶穌降生。非救聖人。爲救罪人。故常在罪人內。設訓施恩。今現爲降生天主之弟者。決不棄我。因未敢冒昧。肅此瀆陳。望容親謁等語。聖農諾回云。我爲全能天主之人。亦是罪人。汝果實心悔改。可來衆主教前面訴。諭到。卽赴堂。向衆主教跪

下。泣求聖農諾曰。我爲罪海。求用耶穌良善。准付聖洗。聖農諾云。汝罪衆共知之。今願悔改。必換去外形。滅除舊態。公同再議。俾辣日亞痛哭曰。我罪無窮。倘不會受洗而死。天主臺前。必愬明主教害我。言出淚流。慘切情真。衆主教鑒其非常急迫。付洗以歸。越三日。將金銀珠寶。華服貨財。盡交聖農諾濟貧。僕皆釋放。予身密往協路撒稜。潛入野山洞內。洞深而暗。惟稍透日光而已。渴飲清泉。飢餐草糗。如此四年。有聖農諾之副祭訪見之。其苦身補贖。迴越尋常。舉動形容。幡然大變。副祭悅其勇於遷善。諄囑勵其終別後。又由他處回。聖婦已棄世。傳知各修院。同來會葬。察

明補贖之工。列居聖品。


宜行之德 報恩

聖思 一。天主於無中造汝。罪犯中救汝。生萬物養汝。錫智能活汝。一刻若無主恩。斷不能過此一刻。但主恩無刻不來。汝之圖報何時。看來併不會有一點感謝真心。何報之有。 一。不感恩謝恩。卽忘恩背恩。忘前恩。難望後恩。背私恩。能斷公恩。哀哉。世間禍福。皆天主大恩。救靈良藥。汝反用此敗壞靈魂。重傷主愛。以負爲謝。以罪爲報。斷絕主恩之來路。不如無生。 一。負恩有三。一棄恩不謝。一辜恩不報。一因恩爲罪。今汝常用天主所賜之身軀。財物。智能。

反得罪天主。如此負恩。竟視爲平常。至哉。聖西比里亞諾云。今不肯直從天主之恩者。將來必肯曲從天主之罰。

當務之求 爲負恩者

祝文 救吾者天主。聽受吾禱。吾樂爾聖婦俾辣日亞瞻禮。望以誠心。受其訓誨。爲爾子吾主耶穌基利斯督。亞孟。



○十五日

聖女德肋撒 童身

警言

天主諸恩。無量之海也。聖伯爾納多

聖傳

聖女德肋撒。係依西巴尼亞國中巨室之女。上有諸兄一姐。聖女居末。七歲。卽同次兄。喜聽致命聖人傳。畏地獄。望天堂。永遠之言。不離口。密與次兄。同往回國致命。乃叔途遇攜回。諭云。此行尙早。可再圖之。聖女卽改志。苦修。園中自構二篷。設像誦經。求饒永苦。偶因閱看閒書。熱心漸

聖年廣益*** 冬季 十編 十五日 五十一

減。幸老母在前。未能任意。及母見背。年方十二。自知倚賴無人。跪求聖母爲母。保存貞潔以終。父見行年漸長。令暫居修院。聖女入院後。重悔前非。安心修道。閱十有八月。大病虛羸。姐甚憐愛之。延至家中調攝。遇苦修叔父勸之。感入心脾。未幾。病痊回院。年已十八歲。誓志貞修。獻主。苦刻加工。以償舊失。超越修規。通院奉爲首出之人。逾年又病。仍就養於姐家。先勸之叔。不期而遇。給以默想書二部。令勤習此工。聖女欣然稱謝。從此常行告解。克愆存誠。謹備純心。對越天主。多以默存爲樂。奈病勢日增。至聖母升天日。昏沉如死。生氣全無。四日後。豁然起曰。汝等爲何如此。

我已見天堂大開其門。地獄大張其口。獄中現有罰我之處。蒙耶穌大恩救我。滿樂我心。今病已全愈。遂別姐回院。嘗云。若非主恩提拔。必冷而又冷矣。因有時惟喜閒談。少行默想。專圖俗務。缺守修規。耶穌顯容。怒飭命看五傷。聖女始知背恩罪重。痛悔改遷。斷除閒話。少見旁人。甘受艱難。勤行默想。以期補贖。故有此言。但聖女默想時。耶穌常親臨教訓。增其明悟。故神樂非常。轉念無功無德。頻荷大恩。恐從魔誘而來。聞耶穌會聖玻爾日亞路過。竭誠往訴。諭云。毋庸疑惑。凡從謙忍神工而得者。必出自天主。是時專管之神父。亦耶穌會所言不合而同。後有神父。疑非天

主恩。飭令停止。聖女苦持三載。甚覺艱難。且有時仍見耶穌臨示。神父命避之。離之。畫聖號退之。聖女如命而行。耶穌諭曰。汝聽神父命。極該如是。但念汝久受此難。未幾。我卽開其明悟。果然不久。此神父洞明聖女大恩。由於天主。深知聖女神工。如從大火中出來。能感發旁人之熱愛也。溯其平日。不論何等小過。狠哭狠悔。更喜離開別事。以受難受苦。爲享天主之樂。不難不苦。卽哀痛如死。所以常求天主。賜苦以終身。每云。人人事主。皆勝於我。我無一事如人。亦無些小之行爲舉動。可說一好字。併云。此非套言。亦非謙讓。乃真情實話。又苦求本神父。准在衆人前總告解。

人有責詈者。喜而敬服之。所受天主大恩。皆隱而不發。惟向本神父備述而已。生平顯蹟最奇。此盛德之徵。筆難備錄。年六十有八。天主默示終期。聖女愛情更熱。苦身繕靈。仰承撒格辣孟多之禮。神工甫畢。愛情之火。炎炎直上。聖靈棄世升天。時天主降生後一千五百八十二年。後之論者。謂人人之死。各各不同。常人多死於病。多死於災。聖人多死於德。多死於義。多死於艱難。獨此聖女之死。專死於愛也。

宜行之德 愛苦報主

聖思 一。聖女德肋撒愛主之心。無以尚之。時時刻刻。只

想顯主光榮。感動罪人悔悟。每云。若爲救一靈魂。而受煉苦。直至世終。我亦情愿。汝肯如此愛主否。况汝果然爲報主恩。救人靈魂。並無聖女所言之苦。不過筆墨之勞。語言之力。一趨一步之艱難。可救得無數靈魂。爲何慳吝不爲聖奧斯定曰。愛主之命。出自天主。是吾主所賞者。順命而受主賞。何難之有。一。聖女德肋撒常言不苦卽不樂。苦不至死。不可以言愛。此非矯情太過。因不苦不像耶穌。不像耶穌。可以稱愛麼。聖女爲苦而暫生。汝反爲生而避苦。聖女以徒生爲苦。以受苦爲樂。汝反以徒生爲樂。以受苦爲憂。如何說得是愛主情真。一。聖女德肋撒畢生以苦

度日。倘有時不苦。就想不如無生。不如死後。因眼前失脫所愛之事。則其心必自然而然。相結於所愛之處。汝會有此心腸否。不獨無此心腸。提起一個死字。駭然害怕。論汝之害怕。無他。怕失世間之福。怕完世上之歡。怕苦難從此起頭。怕大主審判臺前。義怒難當。既然如此。爲何聖女怕生不怕死。因聖女心中。並不會有汝所怕之事。所以不但怕。且情愿受死。以享天主之賞。汝何故常常怕死。而不學聖女之怕生。

當務之求 爲冷淡者

祝文 救我者天主。聽受我禱。我樂爾聖童女德肋撒瞻

禮。望以誠心得受訓誨。爲爾子耶穌基利斯督。亞孟。

○十六日

聖歐琅波 聖女歐蘭俾亞 致命

警言

人倚已力。若倚於空。若倚於氣。若倚於朽葦。聖經

聖傳

時值多艱。尼各默弟亞府。有世家歐琅波。不忍聞致命人之苦。避入野山。熱心契主。勤行齋克。甫及一年。志切愛人。復來城市。見各處示禁甚嚴。心甚難安。向人辨論。捕役聞之。拿送於官。官曰。汝爲貴族之裔。不忍加害。今日神廟中。現行大祭。汝若往拜。可免汝死。聖人畫一聖號曰。我恃此。

聖年廣益***冬季 十編 十六日 五十五

聖號。何能懼汝之害。我心情愿受苦。以報天主救贖之恩。官怒。赤身笞撻。流血成盆。撻棍夾敲。肉糜骨碎。聖人容色如常。併云。我能見我之血。心甚喜歡。官見其不畏夾打。命備鐵牀。燃火炙之。聖人安臥火牀。大聲講邪神之妄。末云。汝等既在我前。不得不勸此棄邪歸正之道。求官命人擡往你們廟內。官疑其或有改心。准命擡往。聖人向像叱云。我要衆人。知我所敬之主爲真主。汝爲無能土木。命汝下來。邪像卽傾倒成灰。衆見此奇。皆稱所敬者。真爲天主。隨有聖人之妹名歐蘭俾亞。入廟向聖人云。豈有你獨沾恩。難道我不是敬天主的麼。官命離開改教。聖妹回云。不要

想我少年弱女。不如我兄。天主耶穌。係我真樂之原。情愿受苦以報之。我惟靠天主。憑你火焚獸食。官怒命役打嘴。將油鍋煎滾。投之。聖人乘沸油翻滾中。挺身躍入。大聲歡呼。我妹速來。二聖入鍋。變爲安樂之區。並不燬傷毫髮。顯此神奇。大動衆人之心。齊聲喧嚷曰。此二人所敬之主。實爲真主。官懼衆人鼓譟。速命斬首以解散之。時天主降生後二百九十年。

宜行之德 自振冷淡

聖思 一。何爲冷淡。係半温不熱之謂。雖難言狀。總因怕下地獄。少犯重罪。而細微過失。全不留心檢點。非冷淡而


何。汝今不在其內麼。當知溫氣易消。若不猛然自振。履霜必至堅冰矣。小罪云乎哉。一。主云。胃存穢物者。必吐之。因小罪在心。更比積惡人還難。猶如白衣潔紙。偶染塵污。憎惡之情。必甚於他物。汝係天主之人。乃能善不爲。有恩不用。漫然得罪。非怪事耶。聖盎博羅削曰。無信德之熱心。何如從前不受信德之恩。一。冷淡有二。或常常冷淡者。或從前熱心。後來冷淡者。若從前熱心。則其時之享聖味。受平安。化凶爲吉。變苦爲飴。必與此冷淡之時不同。爲何不向好處營生。若常常冷淡者。爲何不向熱心之樂境。走一走。試一試。豈天主教愿救汝。汝反不情愿受天主之救。

耶。

當務之求 爲教中冷淡人

祝文 伏望吾主。使我兢兢不間。敬憶爾聖歐琅玻聖女
歐蘭俾亞致命得勝之榮。我力弗克以合。宜誠心崇敬。祈
爾時時。將我恪恭微忱。爲爾子耶穌基利斯督。亞孟。

聖年廣益 *** 冬季 十編 十六日 五十七



○十七日

聖婦阇度未日 國后

警言

吾父能全。可免于飲斯爵。請諾。第請弗如予願。惟若爾意。
聖經

聖傳

聖婦阇度未日。係末辣未亞國王之女。波羅尼亞國王之
后也。君與后。俱以敬主愛民爲務。連生六子。後同志潔修。
三十餘年。竟如兄妹。初則建院以居。修女繼卽附院。以棄
宮闈。淡食麤衣。席壤枕木。椶皮貼肉。繩索繫腰。不畏戕傷。

聖年廣益

冬季

十編

十七日

五十八

不辭寒暑。夜中默想畢。或用皮條。或用鐵鍊。奮力自懲。必至皮破血流。後以力棉手軟。往往袒衣伏地。令婢女重重鞭笞。一如罪犯之受官刑。忘其卑辱。習以爲常。且厚酬此婢。視爲恩人。從出宮。至於去世。計四十年。不飲酒。不食肉。病中亦未少寬也。工愈密。心愈謙。聞名師修女。必跪叩其步履之踪。致敬其服食之物。有時覓貧病人。親手濯其足。治其瘡。給以衣食銀錢。將膳。先覓數貧人。奉之如賓。自處如役。待飽餐別後。自食其餘。又拔選十三貧人。代耶穌宗徒之數。敬事之。凡流落他鄉。受刑被擄。負債難清者。必救之。贖之。代償之。是以士民頂感。勝於親生慈母。至於沉潛。

默道之時。往往忘其世事。忘其肉身。或發大光。或顯美容。或憑空高舉。或聲息全無。魔雖併力齊攻。毒毆惡詈。惟以忍力勝焉。一日。聖后進堂瞻禮。禱於苦像前。耶穌於十字架上。出右手對指曰。允汝之求矣。又將未來隱事詳示之。錫以格外智能。洞鑒人私。多顯靈蹟。迨後國王禦敵親征。被擒傷重。事聞。聖后並無驚懼。惟求主佑。竟脫難回宮。未幾崩逝。嗣君卽位。又歿於軍。聖后曰。我今幸承主命。得有此子。奚怨焉。一切損名失利之事。俱置弗問。遇毀謗者。必以恩酬之。毀傷彌重。酬報彌深。祇因聖德日隆。遐齡並茂。蒙主豫示終期。倍加熱愛。親見耶穌。率同衆聖人聖女。挈

引升天。時天主降生後一千二百四十三年。奉遺命。生前
既與先王。矢志相離。潔修獨善。歿後。不宜同墓。以負前盟。
足見聖后之謹始善終。至死不移其所守也。訃聞。士民如
喪考妣。沿途痛哭。晝夜悲聲不絕。爭先趨敬。得其遺物者。
雖一絲一髮。莫不什襲珍藏。求賜救災治病之恩。三日後。
舉行殯殮之禮。本來形容黃瘦。茲忽清美非常。芬芳佳氣。
衆盡聞之。教宗詳察生平懿行。指一瞽女。祝曰。久聞國后
盛名。若果名下無虛。賜此瞽女復明。以爲盛德之徵。祝甫
畢。瞽已光明。勝於好眼。教宗不勝欽感之至。遂准列聖品。
一年後。因遷葬啟棺。香美如前。手持聖母像。猶敬捧如初。

宜行之德 順主命

聖思 一。天主之命。汝心該平安順受。此爲頭等好法。倘汝心中不欲順受。而所命又不能不受。則此不順之心。有何用處。不獨無用。且徒失順命之功。多增不順之罪。何計之疎耶。汝今如何。果然所望者。惟能常順天主之命。不願常隨自己之心。其中有苦有難。定係靈魂受益。若是有安有樂。當感天主仁慈。 一。天主無所不知。汝之受益處。或苦或樂。早蒙洞悉。爲何不順。汝心所想之好事。安知非害汝之事耶。世上不能如願。覺得難受難當。到了世後。方能明白此難。係天主之大恩。所以吾主耶穌。曾親口垂訓曰。

如今不知。後必知之。一。吾主天主。爲我等之父。非尋常可比也。係全能之父。係愛子之父。係時時保護之父。害我靈魂之事。不許到身。爲何不順。汝於患難中。能作如是想。憑他什麼苦難。未有不視爲樂境者。

當務之求 爲人所急需者

祝文 救我者天主。聽受我禱。我樂爾聖后阨度未日瞻禮。望以誠心。受其訓誨。爲爾子耶穌基利斯督。亞孟。

○十八日

聖路加 聖史

警言

予今豎表。爾視以師。聖經

聖傳

聖路加原籍如德亞國。父母徙居安弟遏。記亞府而生。幼能嗜學。凡經傳子史。勤於課讀。天文醫學。作畫寫真。種種格物窮理之業。皆樂於研求。聞耶穌降生。大合古今傳習之道。深慰夙懷。及見聖保祿歸正之後。即受業於門。從遊羅瑪。京都。追隨助理。勸化多人。時有知識昏庸之輩。謬述

聖年廣益***冬季

十編

十八日

六十一

耶穌行事。真偽混淆。天主簡用聖人。爲正教四史之一。隨聖神默喻。及聖保祿之言。改正此書。另定真實之聖經。傳爲教中典訓。又見聖瑪竇聖瑪爾谷篇中。尙有闕遺之事。皆一一增定之。聞聖人當時。爲此纂修。細心採訪。相傳親詣聖母前問明。俾後之傳誦者。並無片言隻字之未詳也。再耶穌升天後。教中諸務。亦紀載於經。不遺餘力。至聖保祿在羅瑪之第二年。聖人以傳教爲急務。孑身別去。經利未亞洲。往厄日多國。迤東地方。在在化人甚衆。聖額我略聖保里諾皆云。聖人年至八十有四。致命升天。

宜行之德 隨善表

聖思。一。聖路加爲天主耶穌之聖史。傳述聖經。留與後人誦法。可知經內所傳。一言一行。莫非耶穌之表。耶穌之言行。皆是愛天主。輕世俗。謙遜自卑者。汝爲何能誦而不能法。經云。人雖盡得普天下之財物。而失去靈魂。其富何用。此等經言。所關匪淺。宜常常體貼而服習之。一。聖路加既歸聖教。卽知聖保祿德行非凡。追隨數載。弗問弗離。今與汝同行同止之人。所言者是何道理。發顯者是何表樣。若幸逢此友。如聖保祿之行。汝之受益良多。不久便成聖品矣。但恐友多保祿。汝非路加當前而失之者。不知凡幾。且汝不隨善人。必隨惡友。不以善表爲善而倣效之。必

悞以惡表爲善而反師事之。若不蚤爲辨別。作速離開。其壞汝善根。易於反掌。一。聖路加乃首先善傳聖母之真容者。不獨筆墨傳其面容。且能言行傳其德容。汝今如何。不該學習聖人之表樣麼。聖人將聖母之至潔至謙。熱愛耶穌之心。莫不身體而力行之。此真聖母所愛之像。故聖奧斯定云。天主所召者。能畫聖德之人。非畫聖像之人。

當務之求 爲傳教者

祝文 伏祈天主。以爾聖路加聖史之主保。我等賴其轉達。效其克己之盛德。顯爾聖名之光榮。爲我等主基利斯督。亞孟。

○十九日

聖伯多祿 古聖方濟各會顯修

警言

天主恒用多法。以致世人互相親愛。聖經

聖傳

依西巴尼亞國中。有聖伯多祿者。父以博學稱。聖人明悟。方開。卽知存誠默想。不事嬉遊。未及七齡。聰明超越。且謹慎善良。出於本性。凡遇興工默想。周圍動靜。概不聞知。迨讀書七八年後。矢志精修。入聖方濟各會。苦己之規。本極嚴密。聖人全守之外。又自定常常閉目之工。惟遇看書時。

聖年廣益***冬季 十編 十九日 六十三

微露光於書上。總不旁觀事物。如此至終。室中諸有。皆不與知。他人容貌。覲面同於隔膜。卽院中修侶。以及好友至親。惟識其聲音而已。齋克終身。食惟餅水。雖病中不增別物。三日一餐。竟有遲至八日者。臥則或跪或坐。或曲肱隱几。皆以六刻爲度。每夜如此。從未倒眠熟寐也。門窗不閉。冬夜亦開。無分寒暑。貼肉必着苦衣。每日鞭笞二次。血流後止。如此苦尅。決無生理。豈知聖人愛苦之心。從默想耶穌苦難而來。情願以苦還苦。以愛還愛。仰酬關切之大恩。且勸引別人。同此情願。故荷主寵光。非筆舌所能喻者。惟是受恩愈重。自視愈謙。虛心卑下。只知無一如人。魔或投

以汚情。力退之。不獨苦工流血。當嚴寒時。投身冰內。以抑其邪。從此再無汚念。自幼善於默想。契合主心。如焚如結。有時愛火上炎。解卸露胸以洩之。或大聲呼主。發其熱衷。顯此聖表。感化最奇。不論何等罪人。經聖人懲勸。莫不改遷。至六十三歲。得一重病。知係終期。求領聖體聖油而逝。歿後。靈魂大光。見聖女德肋撒云。我因痛告之德。獲此大光。時天主降生後一千五百六十二年。

宜行之德 苦已愛人

聖思 一。聖伯多祿用本會之苦難。更加數倍。今汝既奉教規以救靈魂。若心無穩着。該學聖人之增苦。不可想聖

人之苦。是難學的。汝等初起。只肯斷無罪之樂。必不再犯有罪之歡。此入門妙訣。從此進步。雖苦不難。一。聖人之心。須與不離天主。此卽成聖之由。汝爲何不如此。雖不能學聖人。念茲在茲。難道一日之中。不該勤勤回想幾次麼。事無大小。暗中都係天主照管。論正經道理。必該常奉已心。常獻已苦。行之日久。自然須與不離。並非難事。一。爲聖人者。從未有不救人改遷。能自成聖品也。但須先救自己。後救親朋。先立表樣。後用語言。昔人云。教中人。該以舉止行爲。語默動靜。令人倣效。又云。以言勸人。其路遠。以行勸人。其路近。汝爲其遠者耶。抑求其近者耶。

當務之求 爲迷於世俗者

祝文 奇哉聖伯多祿之德行。自懲自訟。痛告彌誠。至矣
默識之神工。極精極奧。潔淨美純。我等載思遺績。倍切仰
瞻。惟賴聖人之主保。俾能洗心滌慮。恪守芳規。至於死候。
可獲永安。爲吾主耶穌基利斯督。亞孟。


聖年廣益

冬季

十編

十九日

六十五



○二十日

聖日阿而日約 致命

警言

苦外克內。使靈永全。聖額我略

聖傳

巴利斯弟納地方。有苦修院。修士聖日阿而日約。奉院長。差往以西巴尼亞國。時值回回侵佔。大害教中。聖人潛往奧肋略及斐理斯家。俱見其變產。以濟在監之教衆。預備致命熱心。奧肋略之婦。一見聖人。卽向奧肋略云。眼見天主大恩。差來擊助。他日此人。同我們一齊致命。聖人聞之。

聖年廣益 冬季 十編 二十日 六十六

深感此來幸遇。不數日。兩家男婦。盡行拿解。因聖人並非本國。置之不問。聖人責其不公。復一併押送。官以好言勸改。聖人與兩家。俱合口不從。收監嚴禁。越五日。再審。堅執如前。卽命斬決。共計五人。時天主降生後八百五十二年。

宜行之德 享主聖味

聖思 一。致命者。痛苦者。苦難中能享聖味。此天主仁恩。使聖人在世。先試一試天堂神樂。若誦經時。默想時。有此聖味。必明知此時之淚。比世俗之樂更樂。汝曾樂過否。一。若從來不曾得此聖味。必然從來尙留心世樂故也。當知世樂神樂。如冰炭然。望聖味者。請自擇之。世樂最多最

久。不過一世一身之受享。主之神樂。在世消致命之苦。滅痛苦之難。世後靈魂肉身。俱享天主之福。最真最實。汝爲何不求此樂而謀他樂。一。天主之聖味。係天主之特恩。非可數數得也。若汝盡心敬主之時。未得此恩。心中不當疑畏。或因此日念言之中。稍有微過。阻此特恩。或因此番敬愛。稍減從前之熱。均未可知。汝能因此日新。增功補贖。加意改遷。非天主教誨之恩麼。

當務之求 爲隨俗者

祝文 伏祈全能天主。吾敬憶聖日阿而日約致命者誕日。賴其轉達。加力於我。愛慕爾名。爲爾子吾主耶穌基利

斯督亞孟。

○二十一日

聖喜辣戀 隱修

警言

前思道勢。前思務勢也。聖伯爾納多

聖傳

聖喜辣戀。係古西里亞國人。幼因親命。往立山府。求攻文學。幸聞聖教。遂歸正棄邪。目擊高賢。更潛心精進。訪知聖安當踪跡。奉之爲師。時刻追隨。未踰百日。決志隱修。回里辭親。而雙親俱故。遺產半讓諸兄。半施貧乏。年方十五。自入野山幽處。粗麻布爲內衣。橐駝毛爲外服。野菓數枚。清

聖年廣益*** 冬季 十編 二十一日 六十八

泉一勺。爲飲食。辱地而眠。惟朝夕尋思。天主生存救贖之恩而已。邪魔妬甚。首以姪念爲媒。聖人減寢食。增苦勞。多泣多求。蒙主佑庇。無隙可乘。魔以猛獸惡聲。四圍恐嚇之。又以駟馬飛車。勢欲覆壓之。聖人不懼不驚。念耶穌聖號。忽然地裂。陷其車馬。邪魔另生狡計。俟聖人寐息。卽顯美女之像。以鼓其姪。或陳鮮美之味。以誘其貪。或作戰陣之形。以亂其神工。或假猙獰哮吼。蹂踐摧殘之狀。以擾其靜默。百計無靈。將嘯聚強徒。引其夤夜逞兇。而又不遇。次日。邂逅於途。賊曰。子身居此。不虞盜賊之傷性命耶。聖人回云。身無一物。死亦無虞。吾且甘心迎之。賊卽愧悔。直言前

惡誓改而去。十年苦累。神勇非常。先皆露宿。後雖結草爲廬。僅堪容膝。食物比前漸減。往往三四日一餐。乾豆浸漿。草根煮水。病則略入油鹽之味。如此二十二年。天主顯其盛德。奇行甚多。一婦以乏嗣哀求。聖人轉身弗顧。婦云。天主且降孕於女。卽聖人亦受生於女。何棄絕我之訴言。聖人俯憐所請。允許代祈。期年果生一子。一人名尼而被生。有二子。數日之間。俱重病垂危。求救於聖人。聖人不答。惟伏地叩求。誦耶穌聖號。病者卽痊。一婦失明。傾貲醫之而弗效。聖人曰。汝蚤以財物濟貧。天主自能開汝之目。隨取口液點之。目卽復明。一勇士爲魔所憑。毀物傷人。親友強

拘求救。聖人近前。解其繩索。彼卽倒退如迷。留居七日。連求主佑而安。一富人。羣魔共據。肆其殘虐。值聖人向衆講道時。蜂擁而至。將聖人舉於空際。聖人囚其髮。踐之於地。叱云。爾輩至此。當服重刑。衆聞羣魔。疾聲叫苦而逃。富人感甚。特備隆禮謝恩。聖人却之曰。天主所賜。何以利爲。若留以濟貧。貧人汝自識之。一邨女。惡徒無計可謀。用魔咒攝之。女念忽姪。邪情難遏。其親攜叩聖人。聖人先逐魔而後切誨之。種種神奇。筆難盡述。而隱聖安當。又時時揚其盛德。引人就近沾恩。是以門徒接踵。修院日增也。猶可異者。聖人之靈心神目。更能察言觀色。聞氣聽聲。以達其內。

情識其隱慝。一日有徒饋以鮮豆。聖人曰。似此吝氣。不可受也。令置牛槽驗之。牛聞其氣。絕韁而奔。咸以爲異。後知此人存心不淨。故聖人深責之。凡弟子內。或務已私。或貪口腹。或急望未來之物者。必指飭其隱情。有時攜徒三千人。步行郊外。見兩處葡萄園。一園甚茂。奈主人拒而不納。一園稍歉。而主人開園請食。聽衆徒食足始行。聖人畫十字。祈主福佑。及收時。請食者數倍之多。不納者寥寥無幾。可見聖人片語之求。亦昭昭不爽也。又有時。三年大旱。聖人代求降雨。繼因雨後。蛇蟲肆虐。聖人施以聖油。被毒者。傳之立愈。大兒瑪濟亞地方。有異形毒龍。橫行肆虐。聖人

入境。令積薪如壟。遣龍入內。舉火焚之。人人感服。嗣因地震海溢。聖人隨衆至涯。畫十字於沙上。計三次。以手向海。若禁止然。水汎立平。居知白肋島。賊船忽至。聖人舉手叱曰。汝儕速退。賊俱如細如囚。驚懼而去。一婦欲往見聖安。當相隔千餘里。聖人曰。兩日前。聖師已升天國矣。道經一邑。邑民留宿甚殷。聖人固辭而去。併云。事急命危。應速避之。汝等明日。卽知吾言不謬。次日。果有惡徒。謀殺聖人者。似此明達未來。通徹隱衷。所至之地。奉之如神。問難決疑。竟無寧晷。聖人深懼此行。與隱修不合。冀圖遜世潛踪。門徒窺破所懷。傳集萬餘。伏地扳留。聖人弗允。水漿不入口。

者七日。衆知聖意。難以挽回。無庸再強。乃選擇四十餘人。同隱於聖安當之故處。未幾。只選二人。深入野山。又未幾。因往者尙繁。止帶一徒。附舟而去。舟中一負魔人。聖人叱退之。行至西濟里亞島。亟登岸入山。避人耳目。豈知千餘里外。羅瑪都中一負魔人。入市大呼曰。某聖現居某島。將往拜之。既至。聖人逐去其魔。島內傳聞嘖嘖。求恩者。與日俱增。復潛游別地。奔入深山。沿路負魔者。計二百餘人。呼名求救。聖人慈心難掩。俱畫十字驅之。幸逢僻境。可望藏修。入夜。羣魔怒詈不寧。聖人笑而叱焉。居無何。患病者。窘難者。又訪知前往。雖聖人謙退不居。而愛情難忍。仍盡心

援引之。然以未能終隱爲憂。蒙主默示終期。不勝欣慰。遺命友人。速葬於僻處。毋緩毋留。將絕氣之前。覺有畏容。旣而奮志自安。曰。吾畢生惟遵主命。死何足畏。遂泰然長逝。時天主降生後三百七十二年。年八十歲。友人如命葬之。數日後。衆徒聞訃趨來。公議開塋叩拜。顏色如生。馨香遠佈。遂遷葬於西里亞本國始修之原處。顯蹟甚多。

宜行之德 默存

聖思 一。汝爲何不熱心敬主。因少信德故也。少與無不同。無是游移不信。少是信而不思其意也。汝肯默存聖教之事理。免不得感化進修。免不得動心遷改。所以默想之。

工。卽爲熱愛之工。熱生於默。不行默想。卽爲少信之根。少信者。必致背恩反教。尙忍言哉。聖達味云。普天下教規大亂。皆起釁於不肯默存之人。一。汝有要緊事。必先熟思忖度。如何可以得利。如何可以避害。然後下手。今汝爲救靈魂。要享永遠之福。不受永遠之苦。世間還有如此要緊之事麼。旣係第一等要緊之事。不該加意留神。熟思忖度。麼。明知自身軟弱。自己不明。又多世俗之害。邪魔之毒。除了默存之工。誰能知道何者爲利。何者爲害。一。邪魔明知默存爲靈魂之神益。所以千方百計。誘人貪想世情。忙忙碌碌。無暇再謀神益。但該想世務雖忙。比得救靈魂之

事麼。若說雜念分心。難於靜默。豈有一日之中。竟無幾刻空閒之時候麼。汝爲世務。能用心機。瞻前顧後。單單要爲靈魂。就不能如是。有是理乎。況所說默存之工。並無別的異樣。亦不必廢寢忘餐。夜以繼日。只要汝如默思世俗之事。每日略輪數刻。定志凝神。以求靈魂之益。久而弗輟。自然日盛月新。左宜右有。效驗非常。汝爲何懈怠而不爲。

當務之求 爲不肯默存者

祝文 天主以爾聖喜辣戀。每年瞻禮。樂我等懇祈爾。吾旣慶厥誕日。幸師厥功勳。爲爾子吾主耶穌基利斯督。亞孟。

○二十二日

聖撒位你亞諾

聖保登西亞諾

致命

警言

求則受。爾樂自滿。聖經

聖傳

耶穌升天後。有聖撒位你亞諾。聖保登西亞諾。聞聖徒四方傳教。卽沾恩受洗。隨聖伯多祿宗徒於羅瑪。未幾。聖伯多祿命二聖同往拂郎濟亞國。將近瑟那訥府。路過一邨。巨家未多里諾。欸留晤語。言及都城近狀。二聖云。目今新教大興。崇正去邪。化行俗美。民風丕變。邪廟滅除等語。未

聖年廣益***

冬季

十編

二十二日

七十三

多里諾既觀善表。又聽善言。感發於中。卽求付洗。又引進二人。一名瑟樂定。一名額多娃。俱此方世族。三家老幼。同歸於正。二聖見三人篤信最真。才能兼勝。盡心傳習。授爲副祭。勸化近邨。數月之間。奉教者十室而九。邨中邪廟。改建聖堂。時瑟那訥府中嚮化之人甚多。因往府城。構造小堂三所。以便衆人瞻禮。差末多里諾往求聖伯多祿。多遣傳教人董率。允後馳歸。聖伯多祿卽致命升天。升天時。特現於二聖曰。盡心傳教於此邦。弗聚居一處。二聖遵卽將人分派各方。乃廣揚未久。被總王差員驅逐。仍聚首舊邨。本府地方官。將二聖等收監聽審。越數日。提問曰。爾等恭

敬總王所敬之神否。回云。我等恭敬者。惟天地萬物之主。所說總王恭敬之神。不會知道。爲此一言。將二聖與一少年。擬斬立決。其餘數人。拿入獸圈中。見諸獸斂威弗害。一併斬決。

宜行之德 覓主


聖思 一。該專心覓主。若覓世物。若覓自己。難得天主。今眼見覓世物者。不過覓財。覓自己者。不過覓樂。究問其覓法。並非容易。費許多心力。受無萬苦憂。無論求之不得者。白白徒勞。卽或偶然到手。亦是虛財虛樂。不久卽無。若專心肯覓天主者。不然。從未有覓而不得者。耶穌有言。不覓

我者。且能得我。可知肯覓者。得之更易也。况此覓主之心。其感動。必從聖佑而來。既因聖佑以覓之。尙有覓而不得之理麼。一。人之覓自己。覓世物者。其所得之富貴榮華。心能滿足麼。論其好處。虛也。僞也。險也。不獨不能平和。更添不能滿足。此心之大病。若專心肯覓天主者。又不然。得之卽樂。且爲衆樂之根。滿人無窮心願。所以大聖大賢。惟知天主。不知富貴榮華也。假如世上人。得了世間全福。而不得天主。還謂之窮寒。若得了天主。全無一毫世俗之樂者。纔可謂之眞福。一。要得天主。該隨耶穌之聖表。甘心訪學耶穌。肩負重大十字。走苦楚之路。登受難之山。無有

不得者。蓋汝既以虛樂失去天主。必以苦難覓之。昔人有言。凡同世俗而享其樂者。救之之法。惟與世俗而同其苦。

當務之求 爲反教者

祝文 天主。爾賜我等敬憶爾聖致命者。聖撒位你亞諾。聖保登西亞諾。誕日。望爾彼居永福之域。使吾偕樂。爲爾子吾主耶穌基利斯督。亞孟。



○二十三日

聖伯多祿巴斯卦爾 主教致命

警言

死於主者。真福厥死哉。聖經

聖傳

依西巴尼亞國中。屢被回回侵害。天主特預備信德之教中人。以櫻其鋒。卽此聖伯多祿之祖先。累建大功。有五位爲主致命者。今欲知此位聖人來歷。試略言之。有聖伯多祿多諾斯各。爲贖教中被擄之人。前往依西巴尼亞。寓居巴斯卦爾家。知聖人之父母。尙無子嗣。求主允其所望。故

聖年廣益***冬季 十編 二十三日 七十六

聖人生後。付洗名伯多祿。孩時卽顯愛德。門有乞人。俱厚贈之。所學教理。樂語別孩。及長。受業於名進士。係聖人之父。贖回者。不久卽成博學。且熱心敬主。默想誦祈。併力兼行。又熟玩聖經。多人被化。本處主教授以神階。累陞鐸德。聖人求守贖擄會規。成會後。欲往回回地方。贖回教友。院長勉強准行。贖擄甚多。未贖者。勸令告解。許其再來。歸後。取貲卽往。適若恩主教缺人。公舉聖人補授。亦回回所管。蒞任後。各處周巡勸慰。因此被拿入獄。本地教中。攢貲請贖。聖人轉贖婦女幼童。自居監內。著述勸言。一破回教之邪。一堅正教人之弱。一醒背教人之迷。回回聞之。收入暗

監。天神常發大光照之。聖人默想誦祈。專爲擄人。回回國君。聞聖人在監。天神不離左右。欲行釋放。彼之司教。公請絕命以除其害。聖人預知致命之榮已近。見獄中寬廠。是早。舉行彌撒。禮畢謝恩。刑役入監斬決。年七十有四。時天主降生後一千三百年。

宜行之德 預備臨終


聖思 一。人人都該怕死。因無一人。不受天主審判者。無數聖人。臨終尚有畏心。汝之克修。能勝數十年受苦痛告之聖人麼。不能而不畏。在世不過無忌憚之小人。去世便成魔鬼之奴矣。不及時修省。只有一生一死。錯過這一次。

不變不更。不休不息。無法挽回。如此定案。汝竟放心不怕。麼。一。人能常想臨終之頃刻。必然肯救靈魂。看輕世福。因此頃刻。所享之榮華。喜歡之愛欲。俱與身無涉。此時之干涉者。惟有一生不淨之罰。汝不及今遠慮。亟圖悔改。那頃刻一來。悔不能容。改又無日。汝之心內。雖亂而不寧。汝之究境已定而不亂。奈何。奈何。一。臨終時。或善或惡。肉身俱歸於土。或吉或凶。靈魂必有永遠之處。貨財親友。頃刻間一齊尅下。且一去竟不回來。人人莫不如此。又不知這個頃刻。何時而來。他人未知我之頃刻。我併不能知自己之頃刻。過此頃刻。更不知怎麼樣的永遠。如此重大關

係之事。還不該早爲預備麼。

當務之求 爲臨終者

祝文 全能天主。垂盼吾劣。爲本行重任屈壓。賴爾聖伯
多祿巴斯。卦爾致命兼主教轉達。得厥護翼。爲爾子耶穌
基利斯督。亞孟。



○二十四日

聖瑪肋哥 顯修被擄

警言

人生匪獨繫於飲食。惟繫於天主口。攸發諸命。聖經

聖傳

聖熱羅尼莫敘述聖瑪肋哥始末。略云。聖人係西里亞國農家之子。願守童貞。潛往苦修院。居院數年。院長甚嘉其操守。聞父病終。欲回家安慰寡母。將家貲立院建堂。濟貧自贍。不致掣肘。院長阻之。疑爲魔誘。多引聖經開其迷。勿聽。但路最野僻。強徒嘯聚。行人必結隊而前。聖人此隊。約

聖年廣益

冬季

十編

二十四日

七十九

七十餘人。豈知強人。乘駝挾矢。人勇勢兇。擄掠殆盡。聖人
同一有夫之婦。竟被亞辣比亞縛於駝背而去。抵家。命聖
人牧牲。喜其勤敏。令隨身出入。未幾。將從前同擄之婦配
之。聖人辭云。此係有夫之婦。我是天主教。不合聖規。亞辣
比亞持刀強逼。薄暮入房。伏地哀號。悔其出院。婦曰。汝哭
奚爲。原有我夫。豈肯失身。得罪天主。聖人樂甚。誓爲兄妹。
懼魔引誘。閉目獨眠。數年後。同婦密商。腊羊二隻。以爲餽
糧。乘夜脫逃。越三日。見亞辣比亞帶一家人。騎駝追逐。聖
人懼脫身無策。旁有一洞。潛入洞中。洞極寬深。疑有野獸。
閃避於旁。亞辣比亞遣家人先入。被牡獅啣入洞底。喂其

雛獅。伊主不見家人出洞。自下駱駝而入。又被牡獅攫噬。少頃。老獅同雛獅出洞遠颺。聖人與婦乘駝疾走。旬日之間。卽抵羅瑪。送婦於修女院。本身老院長。雖經謝世。仍回舊院。補贖前非。直至升天。聖熱羅尼莫云。前段聖人自述之語。覲面晤言。升天後。一併敘明。俾後人知倚賴主恩。守規保潔。雖險亦平。時天主教降生後三百七十八年。

宜行之德 克味

聖思 一。克味之德。與諸惡相反。與諸德相通。所以能保潔身之潔。能清明悟之明。更能備默工之想。昔賢有二云。齋爲誦經之糧。汝曾修此德否。不修此德者。飲食必太過。豈

惟過也。逞好惡。別精粗。妄議烹調。惱人遲速。直與諸惡相通。一。既與諸惡相通。卽與諸德相反。故貪饕與克味。若水炭之不同。昏人明悟。引人不潔。難行默想之工。因此波害。不論何等聖人。痛悔爲先。其次卽以齋克。斷諸惡種。聖熱羅尼莫曰。齋非德行。但爲萬德萬行之根。一。善於克味者。必明知壯健。不在多飲多食。語云。若要小兒安。受些飢與寒。小兒如是。壯年老叟。不該如是麼。况身之或病或安。猶爲末事。大關係者。與聖德相反。與諸惡相通。貽害匪淺也。汝肯升天。該想天上之耶穌。及諸聖人。其在世守齋之苦難。不該追隨效法麼。金口聖人曰。用心養其蛆囊。不

肯調理神魂。哀哉。

當務之求 爲貪饕無厭者

祝文 天主。以爾聖瑪肋哥。每年瞻禮。樂我等。懇祈爾。我
既慶厥誕日。幸師厥功勳。爲爾子耶穌基利斯督。亞孟。


聖年廣益

冬季

十編

二十四日

八十一



○二十五日

聖基三多 聖婦達里亞 致命

警言

故宜時行善工於衆人。聖經

聖傳

聖基三多。係厄日多國亞利桑得利亞府人。世爲顯宦。自幼淹貫羣書。因父博取功名。從遊羅瑪。聞正教經書。購求展閱。幸遇正教之鐸德。爲之講解。天主開其心。卽求付洗。數月後。勤於講道勸人。父甚惡之。誘其悛改。因堅執不從。幽囚重處。總不肯一言背主。復以恩情撫慰。華衣盛饌樂

聖年廣益***冬季 十編 二十五日 八十二

其身。美女貨財。敗其志。聖人皆置之弗顧。惟伏叩主恩。數女抱慚而出。時有邪法之婦達里亞。兼具冶容。易爲所惑。父往求之。欣然卽至。開口莫非讚美。聖人畫聖號。仗信根。答以保潔救靈。永賞永罰之言。旣不能搖惑聖人。反被聖人變化。卽棄邪領洗。父無他法。置之弗問。從此聖人勸化男人。聖婦開明婦女。信從甚衆。旁有未信之男女。首告於官。官名格樂弟亞。命用酷刑殘虐。安然無恙。官曰。此邪術也。親提面責。鞭棍到身。竟如草莖紙片。官蒙主佑。深信教法。果真並非邪術。閤家男婦老幼。併所管兵役。同歸聖教。上司大怒。將聖人拿禁暗監。聖婦解交姪院。忽有一獅。足

踏姪童。伏於聖婦前。聖婦命獅回洞。教訓姪童。改惡遷善。卽領洗入教。官甚異之。命火焚以滅其跡。火燼而人不傷。入告於王。王命掘坑埋之。聖人與聖婦同致命於土坑。

宜行之德 寶時


聖思 一。每日早晚。跪叩誦經。感謝天主。恭敬聖母。加以省察默存。看教中書一二刻。近堂早與彌撒。所行所言。俱爲天主。此奉教人本分。今汝每日之本分。並無缺欠麼。一日做的事。說的話。都是爲誰。若只爲世俗。爲自己。不曾爲天主。該自怨自悔曰。做得聖人。就是今日。立功升天。亦是今日。何故白白丟此一日。明明是丟了聖人。丟了天堂。還

不知痛恨麼。一。早上起來。該想今日。定不得是我棄世之期。若明知今日必死無移。汝行何事以俟之。奉教人。並無別事。總該時時刻刻。全心全力獻於天主。聖奧斯定曰。求主領受我所行之事。全獻我於天主臺前。汝能如此度日。既可以生。亦可以死。一。到晚省察痛悔時。該回想今日。做的什麼神工。有那一件不妥。受的快樂。現在那裡。有的體面。何處去了。手中有什麼。若能爲天主受一點苦。立一些功。心中必定喜歡。汝今有此歡心否。再想倏時。倚枕而眠。誰知明日。還是活人。縱然不死。終有一日。填溝壑。飽蛆蠅。每日能作此想。賴主大恩。自然少犯罪惡。多立神功。

臨終可保平安。

當務之求 爲冷淡者

祝文 天主爾賜我等敬憶爾聖致命者。聖基三多聖婦
達里亞。誕日。望爾彼居永福之域。使吾偕樂。爲爾子耶穌
基利斯督。亞孟。



○二十六日

聖格肋斯賓聖格肋斯比年

昆仲致命

警言

自上必被黜。自下必被陟。聖經

聖傳

古今爲聖人者。莫不踐踏世榮於足底。此言乃耶穌所留之明訓。此路亦耶穌所指之明路。聖格肋斯賓。聖格肋斯比年。是善遵明訓。願行明路之難兄難弟也。二聖本羅瑪大家。離鄉遠俗。隨聖岡定於拂郎濟亞國。傳教勸人。時總王嚴令。不許與奉教人往來。二聖亟圖變法。以救人靈。學

聖年廣益***冬季

十編

二十六日

八十五

成皮匠。大鋪開張。式樣新奇。人工精巧。因而往來者甚衆。乘機講解。破土神邪妄之虛。明萬物生存之本。多人信服。樂從。朝野風聞。命官拘訊。官將二人解送於王。王親問其來歷。二聖回云。我係羅瑪都中某某人家。因愛天主降生。信耶穌救世。去國遠遊。宣傳正道。甘受艱難。以報天主。不必望我們貪生畏死。隨口順從。王命刑官定罪。頸拴大石。溺死水中。豈知石浮如木。水不能湮。官以邪法目之。另設油鍋。火煎極沸。將二聖投入。點油灼於刑官之目。此目卽盲。二聖安然無害。官大怒。改燒大火焚之。二聖安居火內。言笑自如。官竟咆哮忿恨。狀類瘋狂。自跳火中而死。事聞。

卽將二聖擬斬立決。時天主降生後三百三年。

宜行之德 自謙

聖思 一。世間富貴尊榮。何以謂之體面。因此尊榮。只在汝之體。汝之面。不能在汝之心。不能變化汝心。爲尊榮富貴之心。旣如此。則尊榮之體面。必能引人多惡。阻人多善。還該驕傲麼。人之聰明壯健。俱是天主之恩。汝有何能何法。可得此智勇麼。旣如此。該感謝主恩。不該驕傲。因臨終時。這體面智勇。必定尅下。不能隨汝而去。隨汝去者。非善卽惡。 一。汝之學問日增。才能日顯。更不該驕傲。假令天主。不賦汝明悟。汝從何處。得此學問才能。汝竟抹煞本來。

目空一世。旁若無人。殊不知他人之學問才能。勝於汝者甚多。且不論何等人物。必有一二件。比汝之學問才能更勝。汝若不服此言。請看飛禽走獸中。還比你學問高深。才能遠大。今汝有此學問。而不爲自身之天福。有此才能。而不爲天主之光榮。是失利而招害也。有不如無矣。故金口聖人曰。謙爲大博學之根。一謙之功用。豈獨博學之根。實係萬德之根。不問才學有無。都該虛心不傲。以成汝德。以荷主恩。若有傲無謙。非僅無謙德也。各德全無矣。故謙在。則諸德俱隨之而在。或問此謙何在。聖奧斯定曰。在認已。

當務之求 爲驕傲者

祝文 天主。爾賜我等。敬憶爾聖致命者。聖格肋斯賓聖
格肋斯比年誕日。望爾彼居榮福之域。使我爲同侶欣樂。
爲爾子耶穌基利斯督。亞孟。


聖年廣益

冬季

十編

二十六日

八十七



○二十七日

聖文生爵 聖女撒俾納 聖女計理斯德大 致命

警言

舌愛。偽愛也。行愛。真愛也。聖若望宗徒

聖傳

聖文生爵。值聖教艱阻時。在依西巴尼亞國。竭力匡扶。差員達先嚴查禁止。聞聖人名。拘至公堂。見偉貌英年。勸云。如此品格。將釘死十字架。人所立之教。害已害人。不畏國家禁令。若去汝偏心。奉時王之制。何求不得。聖人直陳天主真道。以闢之。旁人齊聲悅服。官不能言。命往拜神廟。

聖年廣益*** 冬季 十編 二十七日 八十八

不從。衆共擊死之。聖人跣足步行石路。每步留腳踪於石上。如刊刻然。刑人感化。棄邪認主。將聖人處死之事。求寬三日。有聖人二妹。一名撒俾納。一名計理斯德。大勸兄潛匿。初意不從。嗣復同妹遠颺。限滿查知。差役飛追。獲卽殺之。兄妹三人。俱被拿拷究。劇刑重苦。終以棍條石塊。擊碎頭顱而死。時天主降生後二百二年。

宜行之德 次序愛人

聖思 一。愛人須依次序。從人之本性。先親後疎。但人肯隨天主意而行。此次序說不得。是人之本性。係從天主意愛之。爲此該平心耐人錯悞。該出力救人靈魂。 一。本性

之愛。既知從天主意。則親友之外。莫非天主之人。若奉教者。一教卽是一家。身不同而心同。父卽天主。兄卽耶穌。師卽耶穌之教。遇有不孝不悌。不守教規。重負耶穌大恩者。亟思善法。勸之救之。一奉教人。不獨愛衆。猶當愛仇。論人肉情。真難而又難。若肯想天主之恩。並無難處。耶穌在十字架上。爲仇求赦。非後人之表樣麼。故聖額我略頌美聖斯德望曰。爲主愛仇之功。更大於爲主致命之功。

當務之求 爲在教者

祝文 天主。爾賜我等。敬憶爾聖致命者。聖文生爵聖女撒俾納聖女計理斯德大誕日。望爾彼居榮福之域。使我

聖年廣益***冬季 十編 二十七日 八十九

借樂。爲爾子耶穌基利斯督。亞孟。

○二十八日

聖西滿聖達陡二位宗徒

警言

世物猶梯。善用則上。惡用則下。聖奧斯定

聖傳

聖西滿聖達陡係如德亞國加納府人。乃同胞兄弟。聖母之至親也。少年卽師事耶穌。並居宗徒之列。耶穌升天後。二聖分往一方傳教。未幾。聖西滿往厄日多國。聖達陡往默所波國。數年之中。被化者。不啻千萬。所至之地。俱授徒以掌教務。而後他往。故世澤常新。後來二聖。不約而同。相

聖年廣益

冬季

十編

二十八日

九十

遇於伯爾西亞國。此地與印度爲鄰。僻好異端。邪像多能
言語。二聖入境。諸像寂然。問而不應。衆皆詫異之。時有大
帥出征。欲決此行勝敗。遍禱無靈。忽有一像言曰。汝無用
此煩瀆也。今有耶穌二徒在此。我輩故不能言。帥聞此語。
卽遍訪之。幸於二聖遇。帥卽告以前事。二聖同至邪像前。
命魔直言出征之利鈍。魔曰。此舉大凶。彼此死亡甚衆。且
數年離亂不休。帥竟駭然。驚惶無措。二聖莞笑曰。邪言煽
惑。何以懼爲。明日辰時。敵使必謝罪軍前。求和歸地。邪徒
力阻曰。聽此不經之言。疑係敵人細作。帥將二聖與邪徒。
一併留營。以驗其孰真孰僞。次日。將交辰正。果如二聖之

言。敵使納款求和。事畢。重酬二聖。次斬邪徒。二聖力辭所贈。又爲邪徒求赦。從此二聖隨帥入都。適遇從前聖瑪竇在印度驅逐之二巫。遜入此間。又逢二聖。啣恨非常。陰謀圖害。聞都城忽有蟒蛇肆毒。二聖知爲魔幻。倚賴天主。令蟒弗害他人。反害本巫。冀其悔悟。巫竟增怒而逃。國君因二聖奇行正言。首先悅服。領洗入教。臣民相率而歸於正。有宦家女。因私產子。勒招其人。女從魔誘。妄指二聖之門人。衆卽拘送於官。二聖隨之。令攜嬰到署。嬰至。聖人於衆人前。問嬰曰。我托耶穌聖名。命汝明言。我之門弟。係汝親父否。嬰卽朗言曰。此乃貞士。非我父也。有請再言其父者。

聖人曰。救善人之屈。仁者應亟爲之。發人隱惡。我不爲也。且與我何干。聞者益敬服焉。二聖見都城教化大行。又得人掌理。遂往刷米爾郡。豈知所逐二巫。先匿郡中。此番仇恨。大甚於前。流言廣播曰。二人欺君惑衆。毀寺慢神。爲害無窮。惡徒懼有及身之禍。議圖速滅。聚集羣兇。擒拿二聖。打罵並施。強入廟中。令拜邪神。二聖向主默求。顯威示警。頃刻響聲動地。毀像成灰。像內一魔。醜形黑色。狂叫飛奔而去。惡徒始則戰慄驚惶。繼卽愈加仇恨。羣將二聖。共肆毒毆。遂絕命於拳石之下。是日。正值晴明天氣。忽來雷砲風雲。厲聲慘色。瞬息之間。魔廟邪神。受屋倒像傾之變。二

巫羣惡。俱裂肢碎首而亡。朝野君民。深感天主。顯此明威。以昭懲勸。新建聖堂。奉葬二聖之屍。後遷於羅瑪。

宜行之德 輕世


聖思 一。知汝心之所輕者何在。卽知汝心之所重者何在。若所輕者。果在人世。則所重者。必在天堂。係天主所最愛之人也。聖達陡聖西滿二位宗徒。能奉耶穌之命。早離世俗。決志從遊。故耶穌最鍾愛之。然當知我人在世。時時享用此世。誰能輕而棄之。所以輕世之意。非從人力而來。出自天主特特之恩。又由聖母轉求保佑之恩。能得此恩者。世間之安富尊榮。盡如泥塗。何也。因安富尊榮。無有過

於天主聖母者。今汝心之輕者。果何在耶。一。世俗之人。爲何圖謀二聖。至於死而後已。無他。因聖人常破彼世俗之迷。彼遂老羞成怒。以怨報恩。該重之天堂。反輕視之。該輕之世俗。反重視之故也。今汝亦有傳教勸人之責。管不得世人之輕重。汝能輕世。舉世未有不輕汝者。如二聖之受拘受辱。受罵受毆。以至於死。並非奇事。惟汝心中。若幸逢此苦。該想輕世之效驗已來。非天主喜歡之實據麼。效驗在身。喜歡在主。樂且不遑。何苦之有。一。國法之威。兇惡之威。苦難之威。失命之威。俱不能阻撓二聖立功之心。必定願遭其害。汝今果能有二聖之心否。但汝願從爲主。

之意。主必佑之。不該畏避。聖保里諾有言。遇有不喜天主者。汝弗怒之。遇有不喜天主。因而遷怒於汝者。更該欣欣迎受以酬之。

當務之求 爲冷淡者

祝文 天主因爾西滿達陡二位聖徒。使我得識爾名。望爾念我等慶伊永福。使我前進於道德。爲爾子耶穌基利斯督。亞孟。



○二十九日

聖法隆 主教

警言

愛天主萬有之上。聖經

聖傳

聖法隆係拂郎濟亞國第一等貴顯之家。父母生有二子一女。俱成聖品。聖人稍長。卽陪奉內廷。端方誠謹。忘已辦公。大過於同列。常居議政之班。君寵日加。惟聖人謙光自處。淡泊寡營。常以暫樂當辭。永榮當望之言。自治治人。所以每日多居僻處。祈禱默存。雖掌大權。人人可近。患難貧

聖年廣益***冬季 十編 二十九日 九十四

人樂於賑濟。爲奉君親之命。受室成婚。越數年。蒙女弟聖法。助之勸。同妻矢志。各居修院以終。聖人旣辭世職。樂就神階。才品兼優。累陞鐸德。年來更加砥礪。善表動人。衆共推爲主教。所轄之地。遍歷勸懲。人心丕變。邪魔妬甚。以望妻一晤。誘之。三次。差人往請。其妻知爲魔誘。身服苦衣。外披藍縷不堪之衫褂。聖人大發悔心。嘉其明潔。急速遣回。從此神工愈密。德化愈隆。天主賜以顯蹟之奇。畫一聖號。祭臺聖石。破而復完。畫一十字。瞽目卽明。一言而禁獄。卽開。獄囚俱出。一求而水災卽免。溺者俱生。雖年力就衰。有求必應。迄於卒世。享主升天。

宜行之德 愛主

聖思 一。天主之智。大顯於萬物。眼見四時濟美。各類叢生。由地以成形。從無而妙有。智之功用。不從此中宣露麼。今我身亦居萬物之內。我之行事。可與萬物同其美妙否。物物雖多。俱能合天主之意。而成全其美妙。人爲萬物之尊。反不合天主之意。而自殘其美妙。豈不重傷天主之智麼。當知天主之美妙。長存於萬物者。無他。教人以順命之行。引人以愛主之心也。 一。天主之仁。不獨生我們當緊要用之物。還生許多玩好之物。以動我們的歡樂。這是何等仁恩。不該圖報麼。汝嘗樂主之愛。主不能樂汝之愛。於

心安乎。爲報此恩。雖小心不犯重罪。猶爲不足。還該不辭艱窘。爲主致身。卽不然。亦該盡力辛勤。服勞事主。果然如此。天主仁慈無限。必許汝百倍以償之。汝爲何遲疑瞻顧而不爲。一。天主之於萬物。命有卽成。命無卽滅。可見天地之大。萬物之多。明明都在天主全能掌握之中。還該不愛天主而愛萬物麼。旣明此理。必該單單愛主。不宜兼愛萬物。縱不能斷絕愛物之心。亦必先愛天主。聖奧斯定曰。該學愛主萬物之內。以收萬物之益。汝若因此萬物而失去萬物之主。是顯然遭萬物之害矣。此害在人。十居八九。當小心防備之。

當務之求 爲勸化外教人

祝文 懇祈全能天主。爾聖法隆精修。主教。每年瞻禮。加我心虔而體安。爲爾子耶穌基利斯督。亞孟。


聖年廣益

冬季

十編

二十九日

九十六



○三十日

聖瑪瑟祿同十二子 致命

警言

天主之子。引獻天主以抵殺之子。達味聖王

聖傳

聖瑪瑟祿係依西巴尼亞國人。累世以武功貴顯。生子十二。齊心出力。報効國家。因素聞主教德生瑟之名。往來講論。爲日無多。信根甚篤。閭家俱蒙洗滌神恩。適有新陞本省之大員。感激國恩。酬神於邪廟。禮隆物備。士民咸往觀之。聖人目擊心傷。大聲向衆曰。此舉糜費多金。置之無用。

聖年廣益

冬季

十編

三十日

九十七

之地。木偶土坯。有何靈佑。不若濟貧積德。同列聞之。問曰。汝是天主教麼。回云。是。天地萬物。惟有一主。生存掌管。衆以慢神拿送。官俟祭畢。公堂親訊曰。你會毀慢靈神否。聖人曰。我是天主教。此是邪神。我果直言其妄。大道爲公。何故不滅除邪妄而反敬之。官曰。汝爲武弁。不知國家禁令。麼。聖人曰。我豈不知。滿望爲此緣由。失我生命。官見其銳氣難回。卽命拘拿家屬人等。一同斬決。時天主降生後二百九十八年。

宜行之德 盡心救人靈魂

聖思 一。自己莫哄自己。天堂非易到之區。升天非容易

之事。不出力者。難得上升。耶穌以聖血開路。聖人以痛淚。艱難致命。引人上路。汝不肯隨此而行走。走一步。退兩步。只圖受用。萬無可到之時。若能出力前奔。完在生之本分。必然先難而後易。一。汝若肯行此路。所受之艱難。比得地獄麼。比得耶穌所受之苦麼。以些須之暫苦。得永遠之光榮。以頃刻之艱難。免無窮之禍害。孰得孰失。何去何從。汝當早決之。一。汝望世間虛名虛利也。要受無數艱難。受了艱難。還不能保其必得。卽如當兵者。要望上司拔取器械。必要鮮明。弓馬必須操演。往往捨性命以圖之。經商貿易者。風餐露宿。戴月披星。歷受波濤賊寇之殃。而不之惜。

若肯爲天主受此艱難。竟與世俗虛名虛利之苦。大相懸絕。現在樂而不憂。後來得而不失。所以說先難後易。比不得世間之苦。煩難到底也。汝於肉身最爲關切。於靈魂反不該關切麼。

當務之求 爲重罪者

祝文 懇祈全能天主。我敬憶爾聖瑪瑟祿等致命者。誕日。賴其轉達。使我剛健於爾名之愛。爲爾子耶穌基利斯督。亞孟。

○三十一日

聖剛定 致命

警言

罪人欲司其鐵索。緊靈足。不許移步而向真主。聖奧斯定

聖傳

聖剛定係羅瑪都城之宦族。正值國禁森嚴之際。領洗入教。古人謂國法愈禁愈嚴。教法愈寬愈廣。被殘者愈衆。赴義者愈多。蓋此信人之膏血。皆聖門之嘉種美根。厚肥時雨故也。聖人自領洗後。充積於胸者。無非愛主之熱心。欲往他邦傳教。其時有聖格肋斯賓。聖格肋斯比。年聖未多。

聖年廣益

冬季

十編

三十一日

九十九

利聖路斐諾等。與聖人相約。同詣教宗前。求往拂郎濟亞國。一蒙俞允。就道前趨。入境。卽分行各處。聖人以齋。以祈。以苦。預備熱心。仰承主佑。邪像常應聲而自毀。邪魔見畫聖號而遠颺。疾病災傷。有求必驗。所以感動衆心。棄邪歸正者。不可勝數。地方官。懼于國禁。差人拘捕。問係何人。所傳何教。聖人曰。我係某某。所傳者。乃天主聖教。因我自行正路。不忍他人陷溺於邪。衆共昏迷。何忍我身超然獨醒。官以好言勸慰。聖人回云。我心情願之樂。惟爲耶穌失命。不敬耶穌者。不能升天。必下地獄。勸慰之言。徒勞無益。官見固執不從。命用刑處治。隸始近前細縛。倒地如癡。官曰。

此邪術也。收監再審。天神忽現。將聖人鎖具盡開。出監入市。講道勸人。守監兵役。及從旁士庶。計六百餘人。俱翕然信服。官又差人鎖拿至署。以棍夾之。以火焚之。酷刑殘虐。聖人怡聲愉色。感激主恩。官斥云。汝再倔强不遵。必解交羅瑪。聖人曰。我敬之天主。無所不在。亦是羅瑪之主。處處賴其聖福。何懼之有。官因從者衆多。恐生鼓譟。潛移別地。處以重刑。終於斬決。

宜行之德 遠離偽善

聖思 一。奉教人。固有顯然不守本分者。然陽奉陰違。飾非文過。冒居守誠者更多。圖哄他人之眼。不求樂主之心。

冠冕正其外容。惡臭養其內穢。哀哉。判世之權。操之天主。與人無干。欺人無益。天主無所不知。舉心動念。誰能欺瞞天主。此人人共知共信者。今汝內外不符。豈不知不信耶。


一。偽善於人。好處何在。行偽並非容易。不免無數艱難。眼前斷聖味之恩。身後絕永榮之望。人雖獎譽。不能見重於天主。審判之時。生平內蓄之惡。明明顯露於天神聖人衆人之前。無地掩藏。爲何如今不想一想。

一。外貌不可判人。似乎驕傲而心實謙恭。似乎忿怒而心實平和。皆常有之事。不獨偽善難憑也。能判人心真意者。惟一天主。汝惟判己。不可判人。判己之法。常想他人。比汝都好。常想自

已。無一如人。待已必刻。審已必嚴。不容一些寬恕。纔可望去假偽而就真誠。後虛名而先實行。

當務之求 爲假善者

祝文 懇祈全能天主。我敬憶爾聖剛定致命者誕日。賴其轉達。使我剛健於爾名之愛。爲爾子吾主耶穌基利斯督。亞孟。



聖年廣益第十一編

○一日

聖伯尼諾 致命

警言

受苦時。可喜悅。既迨天國。必承隆報。聖經

聖傳

聖若望宗徒之門人。聖玻利加玻傳教時。得伯尼諾聖人爲徒。嘉其才品。洊歷神階。差往拂郎濟亞國。寓居顯宦福斯多家。福斯多樂從正教。率領一門。俱沾聖洗。其子且贊襄教務。從遊四境。勸化多人。聞弟未約府。邪廟盛行。聖人

聖年廣益 冬季十一編 一日

一百二

亟往救之。甫入廟。像卽傾頽。內出一魔。呼號奔遁。旁人駭異之至。因而聽講者雲集。信奉者甚多。適總王路經此府。聞之大怒。拿鎖至官。官見聖人。懼心陡發。惟用善言勸慰。將國家恩寵誘之。聖人言語剛方。形容舒泰。不撓不畏。官復憤甚。苦以夾棍。重以鞭笞。血流滿地。聖人揮淚弗從。收監再審。次日。身傷全愈。強壯愈增。差人押赴廟中。強食祭過邪神之物。聖人畫一聖號。食物全無。金銀供器。土木邪神。同時碎壞。只存材質而已。官見金銀俱成齏粉。勃然大怒。將重厚石板二塊。各鑿一孔。枷入聖人脚脛。鎔鉛灌之。收監斷食。主命天神。壞石痊傷。賚送天糧。濟其饑渴。六日

後。差人驗視。知石枷早脫。諸患悉平。不敢親提再問。刑役曲從官意。以鐵條斷頸。利戟穿胸而死。時天主降生後一百七十年。


宜行之德 法聖人表樣

聖思 一。歷來聖人。俱比常人狠苦。問苦之來路有三。或係耶穌之仇。恨之害之。或係天主之命。堅固之。增益之。或因已之往失。樂從而補贖之。故往往全斷世俗之歡娛。刻薄此身。不容少懈。汝望升天。可如聖人否。此爲真福之路。汝能同路隨行。未有不得者。聖盎博羅削曰。聖人之身。與我相同。惟心不同耳。既然同具聖人之心。爲何自異其心。

而不同行聖人之真路。一。聖人雖苦。因有天主之聖味。全減本身劇苦。故苦難時。愈苦愈歡。看聖伯尼諾於苦中。揮淚不從。明係喜歡之淚。大顯此時。感極涕零之實意。真情非矯情也。且火內談笑謳歌之聖更多。足見天主仁慈。世間先荷苦功之賞。不俟於世後也。一。苦中之樂。尙如此。天堂之樂更何如。享天主之榮。受萬美之福。世苦全無。多少聖人。萬無一失。汝何樂而不行此路。昔人有言。不必妄想升天之路。還有別的捷徑。比這個又容易些。這是耶穌留下之路。就是衆聖人常走之路。汝欲不行此路。做不成聖人。天堂上。可能容汝不聖之人麼。

當務之求 爲聖教廣揚

祝文 懇祈全能天主。我敬憶爾聖伯尼諾致命者誕日。
賴其轉達。使我剛健於爾名之愛。爲爾子吾主耶穌基利
斯督。亞孟。



○二日

聖厄嘿利

儲君

警言

爲已亡者祈禱。得解救於罪愆。聖哉。益哉。斯念。聖經

聖傳

聖厄嘿利係紅阿利亞國王聖斯德望之胄子也。自幼卽顯美基。入夜。俟他人熟寐後。卽振衣而起。長跪誦經。每段先誦痛悔經一遍。以補晝之缺。父母聞此熱心。滿望將來丕承大位。政教並隆。一日偕往修院。命聖人先至。衆修士出迎。聖人執禮甚恭。內有貌祿。更加禮焉。父王隨後。目睹

聖年廣益***冬季十一編 二日

一百五

14†

其情與彌撒後。問之。聖人回云。因彼自幼童貞。他雖潔淨。皆弗如也。父王心竊嘉之。然欲察此言。係天主之恩否。越二日。又往院。同衆修士誦經。誦畢。王向衆行禮。衆皆回禮。惟貌祿心契天主。似不知者。遲至一二刻。俟默存畢。緩步而前。王以重言責之。貌祿神色如常。始信儲君密承主佑。果然識見不同。詳告於衆焉。行年漸長。篤志更堅。一日。伏跪聖臺前。默想天主大恩。如何報答。忽顯大光。自上而下。覆於聖人之身。有聲明示曰。天主最愛之德。莫如童貞。汝該慎守至終。聖人神樂非常。惟求加佑。以全主命。父王不知此意。聘女成婚。聖人心雖畏慮。恃有主恩。姑俯就之。豈

知此女。夙有守貞之愿。初夜。聞聖人嘆美潔修。卽瀝陳素志。二人誦經謝主。各矢貞操。以卒世。惟聖人猶懼厚味養身。肉情必熾。加以齋克苦之。每日又爲煉靈增工。求主矜憐。雖罹劇病。不肯惜身命而減其苦修。善終之日。容色怡然。時天主降生後一千三十二年。墓前靈蹟甚多。

宜行之德 補贖煉靈


聖思 一。煉獄靈魂之苦。從天主義怒中來。世間之苦。合萬苦爲一苦。不能比擬絲毫。可比者。惟永獄之苦。其分別處。煉獄有出頭之日耳。如此劇苦。現受罰者。或親友弟兄。或妻兒子女。汝竟置之弗問耶。定不得看汝表樣。被汝牽

連所致。不該動心。代伊補贖麼。一。煉獄靈魂。自己不能立功。熄主義怒。以減煉期。幸主仁慈無限。付汝代補代贖之責。可以安慰煉靈。挽回主怒。或念經。或施濟。或齋克苦工。或與彌撒。果然篤志力行。天主至公。必允汝之求。且嘉汝之愛。况彼因汝補贖。減罰升天。豈有不爲汝主保。求恩庇護耶。如此利人利己之事。爲何不奮力勉行。一。煉獄之苦。汝該動心改過。蓋此日之煉靈。皆將來升天享福之聖。只因生前小過。受此大罰。可見天主至義至公。不肯一毫寬假。言念及此。不該害怕麼。與其身後。望人代補代贖。何如生前。自行補贖。此日淚流。可減後來獄火。後來之淚。

盡屬徒然。汝能如此動心。已往者。尙思補贖。未來者。反大
膽放心。不知檢點麼。

當務之求 爲已亡諸信者

祝文 天主。以爾聖儲君厄嘿利。不貴世之所貴。保全已
之真貴於無窮世。懇祈天主。使我等追隨聖表。惟務已之
真貴。爲爾子耶穌基利斯督。亞孟。



○三日 聖弗祿 主教

警言

予政遣予天神。先爾面。其來先爾。備理爾道。聖經

聖傳

吾主耶穌在世時。聖弗祿卽棄俗追隨。耶穌升天後。偕聖伯多祿宗徒於羅瑪。聖伯多祿明知聖人有德有才。遣往拂郎濟亞國傳教。見國人皆敬邪魔。甫入境。卽於大樹下。向衆講明邪正之理。國人性情直率。從善如流。領洗者甚多。聖人爲防邪魔之妬害。常預計以俟之。良善待人。苦工責已。因其表樣。人人悅服信從。惟勸衆堅心固志。以受主

恩。以輕世樂。雖聖教初興。而輿情允協。聖人仰承主命。攜友數人。直入深山。傳宣正道。時當盛暑。又值山徑崎嶇。並無水泉解渴。聖人以杖頭擊石。立時水出石中。涓涓不竭。迄今且爲治病之需。邇來又於山前。建亭以彰其勝焉。惟亞爾物尼亞山。無房可寓。就洞以棲。聖人一年。必到山數次。或就近勸人。或誦祈避靜。如此至終。天主預示升天之期。傳集門徒。多方勸勉。自備教中諸禮而逝。葬後。相傳有多多靈跡顯於墓。

宜行之德 正心

聖思 一人孰無心。奈偏者多。而正者少。何以知之。因真

樂從正心而出。有此真樂。不畏艱難。自無虛假。豈獨世間
偽樂。不得而加之。設有世人之妄証。世務之阻撓。世情之
患難。皆不得而加之。蓋堂堂浩浩之正心。從來不管這些
不正之事。且明知其假。明知其無害。彼雖凶狠。斷斷不能
與我之正心相敵。汝會有此剛強否。若自己信不過自己。
難免偏多正少。一正心不能到有罪人之身。因彼之奸
險凶惡。不與正心相合也。所以正心須靠天主。亦惟天主
之人。可得之。既得之。只管跟他前走。步步不離。隨時隨處。
總不肯須臾睽隔。因正心的本來面目。極端方。極古板。極
堅固。極威嚴。不怕人情。不畏勢利。不避多人多口。倘稍有

藏頭露尾之心。游移惶惑之心。便是罪人之偏心。並非本來之正心。所以不知改過者。不得正心。不能顯正心之真樂。一不得正心之真樂者。必得不正心之真苦。在世上。你怕我。我怕你。人人如此。在地獄。你恨我。我恨你。永遠如此。欲除此苦。須及此在世時。緊隨正心之傳。傾聽正心之語。逐去偏心。永不許復入。此時在世。必卓然自立。不怕什麼。迄於死後。必永樂真榮。更不怕什麼。

當務之求 爲失去正心者

祝文 懇祈全能天主。爾聖弗祿精修主教。每年瞻禮。加我心虔而體安。爲爾子吾主耶穌基利斯督。亞孟。

○四日

聖嘉祿 主教

警言

信望愛具存。茲三者。愛德爲大。聖經

聖傳

聖嘉祿係意大利亞國之世家。孩提時。卽樂志於聖道。父得其情。定愿獻於天主。年方童幼。超越老成。外貌端方。內心純粹。妄作之事。不見於行。嬉戲之言。不出於口。人咸敬愛之。讀書數載。文章理學。及聖教超性之精微。靡不貫通。赴試。成名進士。時舅父得教宗大位。聖人心竊喜之。惟慮

聖年廣益***冬季十一編 四日

一百十

世榮妨害。常領神糧以堅心志。未幾。擢居七十二位大主教之列。更簡爲座前相輔。聖人勉奉寵恩。赴都任事。適聖人尙未入覲。而兄之訃音猝至。世爵鴻基。例應聖人接替。豈知聖人無意世榮。樂居聖秩。第一臺彌撒。預備慎終於始之心。默存八日。用耶穌會鐸德歷俾辣爲求示神工之奧旨。居無何。又授爲密郎府主教。因留相都中。不能赴任。簡一司鐸代理之。繼以事務劇繁。力辭親往。不意教宗病重。仍星夜回都。謝世於聖人之手。新教宗卽位後。允歸本任。將管轄地方。若農夫之耨野草。去惡以淨之。其培植之法。先親而後疎。先本家而後外姓。舊僕概行釋放。衣服器

皿。靡麗者毀之。貴重者售之。惟存樸陋平常之物。近侍諸人。分爲二等。已居神品者。百人。未居神品者。二百有餘。每日誦經默想。省察言談。俱有一定之規條。不容曠悞。居神品者。八日一次告解領聖體。餘皆半月一次。孰怠孰勤。密查罔數。神品者。一堂共食。輪讀經書。遇瞻禮六。通守大齋。求居此列者。必再四察明而後可。各人室內。聖人不時親往。防其偶然玩愒。嘗講道以懲勸之。故此內不獨並無庸人。所出主教鐸德。賢能超越。襄助聖人。變冷淡而爲熱愛者甚多。見此非常神益。聖人欲擴而充之。於本郡城中。建大堂廣廈。延聘耶穌會諸司鐸。或道學。或文章。或格物。或

專務神工。各館各師。聽人學習。一時風會之盛。卓然可觀。聖人之心。猶未已也。念城鄉一體。遐邇同情。周歷郵莊。不辭寒暑。往往渴而無飲。饑不能餐。舍騎徒行。跋山涉水。甚至懸崖峻嶺。匍匐偃僕。側足披荆。躋攀無路者。莫不奮然前往。餽糧代饒。凉水潤喉。而慰病啓蒙。堅振解罪。行彌撒。送聖體。日無寧晷。程途漸遠。明知盤費不敷。時時尅減。然當此囊空力乏之時。猶專以濟病憐貧爲急務。無銀可給。解衣脫履以贈之。或那移借貸以應之。回署後。設立濟貧大院。不獨收養該管地方人。併留外來者。繼因鄰境凶荒。逃生求濟者甚多。聖人目擊心傷。將本宅山莊。賣銀六萬。

兩。一日散完。又一次得銀二萬兩。亦如前散訖。人皆傳爲勝舉。聖人之心。猶若歉然。在謝世一年前。忽聞蠻種聚居萬重山內。敗行喪心。聖人毫無瞻顧疑難。卽日梯山前往。路途之况瘁。非筆墨可言者。其人野性非常。惟圖謀害聖人。聖人以良言善表變化之。衆見聖人薄食充饑。麤衣蔽體。大寒無火。草地就眠。既不希圖一絲一物。還將隨帶之貨財。擊助窮人。山蠻因而感動。由數人而至千百。漸漸革心向化。俱歸聖教。聖人知終期在邇。就道回城。照常僻居八日。避靜滿期。行總告解。必依僻處所繪耶穌苦蹟。默想三時。或云默想八時。神工甫畢。遍身壯熱如火。脗合天主

預先之默示。欲加工自勵。本神父不允。卽赴耶穌會聖堂。於諸聖瞻禮。舉行彌撒。次日。領聖體後。速歸本署。臥牀不起。越二日。領聖體聖油而終。年四十有六。時天主降生後一千五百八十四年。身爲主教二十四載。惟思已罪。自悔自懲。聞謗言。甘心樂受。聞榮譽。謙抑自卑。畢生喜受病窮。一見病窮人。卽嘆曰。我弗如也。爲救一靈魂。雖遭萬苦。至於失命。亦所樂從。所以不懼艱難。不憂寒暑。不畏露居野宿。凡關係救人升天之事。此苦俱弗恤也。聖屍至今不朽。靈蹟浩繁。沾恩者源源不絕。

宜行之德 愛聖

聖思 一。嘉祿聖人。既愛人靈魂。併愛人肉身。永苦暫苦。皆盡心竭力以救之。汝之愛德。可如是否。定不得只愛自己。不愛別人。還定不得只愛自己之肉身。並不愛自己之靈魂。如此之愛。是愛魔。非愛聖也。愛聖者。厚人而薄己。重德而輕財。若有財在手。惟想救人之暫苦。以感化之。汝爲何不愛聖而愛魔。 一。相傳嘉祿聖人在世時。嘗有八個時辰之默想。一日。行此默工時。有向前放一鳥鎗者。聖人屹然不動於心。仍禁侍人之轉害。汝之默想何如。既不能同此多久之工。還定不得連一二刻工夫也。沒有。卽或有之。不是內情忽起。就是外感猝來。亂心處甚多。假如默想

時。突來殺汝之人。偶值傷身之物。汝心如何。可能若聖人之屹然不動麼。一。嘉祿聖人。明知苦已纔能愛人。所以逆境。不避不辭也。守齋。最難最險也。相傳常服棘衣。臨終未解。汝會如此治身否。汝之犯罪。都從肉身而來。故本身。是汝一生走不開的大仇強敵。汝不肯效學聖人之征討。到公審判時。仰見聖人勝仇破敵之苦功。汝復何言。

當務之求 爲仁愛會

祝文 全能天主。因聖嘉祿之功勞。懇賜主保爾聖教會。溯其生平。以愛以勸。是訓是程。恒以救人爲急務。生前之功德靡窮。歿後之榮光罔極。我等罪人。懇切求主。因聖人


建立之勳勞。賜我等熱心以愛主。爲爾子耶穌基利斯督。
亞孟。

聖年廣益

冬季十一編

四日

一百七十四



○五日

聖加拉西榮聖女額彼得瑪

夫妻致命

警言

爾輩宜備。爾不意時。人子卽來。聖經

聖傳

聖加拉西榮係弗尼西亞國中之宦族。父格利多豐母留西巴皆出身貴顯。因多年不育。禱於邪神。終無靈應。遂致夫憎婦憂。時聖教不安。非被官捕殺。卽避跡流離。一苦修人。名何努弗肋。欲乘此救人。顯主光榮。脫去修衣。扮爲乞丐。開明外教。併慰教中。一日。乞食於格利多豐家。拒而不

聖年廣益

*** 冬季十一編

五日

一百十五

納。因呼籲情殷。留西巴命人給以食物。苦修人借感激以爲勸引。留西巴遂告以乏嗣不和。求神不驗等情。苦修人云。此非奇事。汝輩所求者。係死過之世人。生前尙不能保佑自己。死後焉能保佑別人。汝若肯棄此盜名欺世之邪神。誠心信認天主。這纔是造天地生萬物的主宰。全知全善。無所不能。敢保汝不久。賜生令子。天主聖恩。幾句常言。傾心悅服。後將要理講明。密付聖水。領洗後。卽勸夫認主。夫亦樂從受洗。未幾。果懷孕而生聖人。亦苦修人付洗。聖人生二十四年。母歿。父命聖人聘女成婚。女名額彼德瑪。惟聖人守貞自矢。寢不同衾。女以何嫌責問。聖人回云。非

不愛也。因汝未認天主故耳。女有天主開心。情願棄邪歸正。其時不得神父。聖人自行付洗。洗畢。女向聖人云。我願以童身事主。不願復成夫婦。聖人喜甚。從此志同道合。時感時謝。及父去世後。變產濟貧。各投修院。自立神工。聖人所居者。修士只十人。聖女所居者。亦無多女。皆小院也。在此三年。苦工齋克。同人俱推重之。此時禁例更嚴。查至院中。將聖人拿鎖送官。聖女蒙主默示。速辭院前趨。向聖人曰。爲何讓汝一人升天。如此大事。不該離開。捕役卽上鎖到官。先施鞭棍。見二聖堅執不從。繼以重刑。終於斬決。時天主降生後二百六十三年。


宜行之德 緊隨聖佑

聖思 一。人人皆得救靈魂之聖佑。在教人更多。故進教爲萬恩之源。受恩之首。汝至今曾謝此大恩否。曾緊隨聖佑而行否。當知教內人。不隨聖佑。其罪更日增日重。一。不聽心內聖佑之聲。或忽略不行。皆負恩之罪。但身在塵囂。難聞心內無聲之聖聲。既不能感而遂通。如何得蒙聖佑之賞。現在之視聽言動。都不隨聖佑之光。還望臨終。靈魂潔淨。非妄想升天麼。一。緊隨聖佑者。所賞必今日多於昨日。後恩大於前恩。若偶然放手。必斷而不得。前功盡棄。還定不得因此疎忽。耽悞升天。故要救靈魂者。離不了

時時加緊。只怕汝不會太緊。不怕汝過於自緊。總要緊中更緊。一步緊於一步。纔知恩上添恩。一日勝於一日。

當務之求 爲司教者

祝文 救我者天主。聽受我禱。我樂爾聖加拉西榮聖女額彼得瑪致命瞻禮。望以誠心得受訓誨。爲爾子耶穌基利斯督。亞孟。



○六日

聖留納多 苦修

警言

予平留於爾。予平與於爾。世亦與平於人。惟厥平。予平。異甚。聖經

聖傳

聖留納多。係拂郎濟亞國大將軍之子。此大將軍。為聖王格樂類斯所最重者。故聖人生而領洗。王為代父。又係主教。勸彌聖人手中付洗。是以時加訓誨焉。稍長。修院讀書。喜其良善性成。常告以世情虛幻。生命不長。靈魂為本。肉

聖年廣益*** 冬季十一編 六日

一百十八

身爲末之言。聖人虛心受教。謙約端方。一行一言。令人感
深肺腑。且往往以十字聖號。治人諸病。王聞其異。召見於
內廷。探其志願。惟有全心事主而已。王語聖人云。汝肯在
朝。隨我數年。後必舉汝爲主教。聖人對曰。感謝我王恩命。
但我本心。若肯希圖富貴。必早隨父母之光。因一生願求
苦賤。以學耶穌之表。王甚嘉之。諭云。汝有何求。必皆允諾。
聖人以出京居院。請遂子身前往修院。越一二年。修規熟
諳。另覓僻處苦修。路過一方。乃未聞聖教者。聖人愛情甚
切。不忍知而棄之。隨寓而安。周流勸化。爲時未久。付洗甚
多。聖人見民風不變。繼起有人。仍從前志。避入崇山峭壁。

間。離磨未雍。府不遠。編篷爲室。篷之大。僅可棲身。落成之後。謝主寂居。就地而眠。寤多寐少。所需養膳。惟草根清水。此外勿嘗他味。多年敝服。從不去身。晝夜誦經默想。歷二十餘年。無一知者。後忽遠邇傳聞。多有訪道觀光之衆。相晤時。形病。則求主痊愈之。神病。則法言變化之。莫不受益而歸。功高年邁。形體日衰。幾尺山篷。竟爲聖人謝世升天之勝境。時天主降生後五百五十九年。

宜行之德 輕世


聖思 一世味皆虛。信友良朋甚少。骨肉至親之熱愛。又多浮泛而不真。想大地圓球上。這不管害人。只圖利己之

隱情。恐處處相同。俗人常說。知面不知心。又云。人心隔肚皮。此雖俚語。實係名言。只把眼前查看。誰可信誰。汝還明知故犯。常以世俗爲好。不隨天主真恩。是何主見。一世上沒有平和。處處都不能安靜。因人各一心。事隨人定。此非彼是。好惡不齊。必開爭競之端。罪難倖免。如何說得平和。倘有一二平和者。皆天主特恩。所以在世上之聖人。於未成聖德之先。必然離開世俗。常隨苦難之耶穌。若不如是。定遭世亂。難享平和。一世上從無正經之美好。不過是外面浮皮。樂內定生煩惱。貪者必受後災。多樂多貪。多貪多苦。萬萬無平和之日。汝爲何不棄之離之。而求正經。

之美好。又爲何不輕之賤之。而學聖人之平和。

當務之求。爲迷於世俗者

祝文 天主。以爾聖留納。多每年瞻禮。樂我等。懇祈爾。我
既慶厥誕日。幸師厥功勳。爲爾子吾主耶穌基利斯督。亞
孟。



○七日

聖瑪都林

鐸德

警言

良善者。乃真福。爲其將得安土也。聖經

聖傳

聖瑪都林。係拂郎濟亞國中顯宦之子。父本好邪惡。正欲求總王。命除聖教。天主特賜聖人爲子。父雖導之以邪而不能。因聖人常與一主教往來。善講者。遇善聽者。相得益彰。領洗後。嚴齋苦克。徹夜誦祈。以救轉二親爲急務。母見聖人良善日增。愛情更切。朝夕晤言。樂從之意。竟不知從

聖年廣益*** 冬季十一編 七日

一百二十一 16†

何而至。父雖難與數數敷陳。夢見聖人。引人升天甚衆。從此動心垂問。同歸於正。本地主教。知聖人才德不羣。授以神品。領神品時。顯著大權。能逐邪魔。故有時從主教命。傳教外方。亦有時留主教處。贊襄協理。越數年。羅瑪都中。一現居王位者。其女被魔盤踞。聖人奉命往驅。併救無數負魔人。留都三載。終於羅瑪。

宜行之德 良善

聖思 一。汝以怒性。能降不服之人。不知怒性一來。心亂志昏。纔令人難受。無論兩怒相衝。屈伸未定。就算汝強制服從。亦係他人一時忍耐。安知非後來破家亡命之根。况

害身猶小。害靈甚大。從前汝竟不曾犯該下地獄的罪麼。犯罪必須補贖。還不受人一言半語。反暴怒壓人。又添新罪。請看歷來聖人。皆悅色和顏。受人苦辱。誰像汝勢如爆炸。狀若狂波。况事事必隨天主之意。獨此動怒時。倒付之不問麼。明係天主不許之事。任性橫行。還敢自稱聖教之人麼。一犯怒罪者。必有許多別罪。如罵人。恨人。妄証人。坑害人。皆從怒而生之支派。不怒。諸罪俱無。一怒。羣兇並集。汝於肉身小恙。必圖痊愈。今怒罪之害靈魂。並非小恙。反聽其支派蔓延。一呼百應。豈永遠之靈魂。不如暫世之肉身麼。爲除此罪。平時該常想耶穌表樣。教訓自己。臨事

再加忍耐。怒性必消。又該想汝之得罪天主甚多。倘天主
卽施怒罰。此時還有汝惱人之分麼。總而言之。汝果肯平
此害。怒後必有不安之心。與其怒後不安。何如怒性一來。
要行者不行。要說者不說。立刻廢然自反。到心靜氣和之
時。再說不遲。一有人開罪於汝。汝卽忍之避之。雖係保
全遠罪之法。猶爲不足。必也橫逆驟來。心內平安如故。然
後用汝之善良。顯汝之仁愛。解釋彼之所怒。縱然汝是彼
非。亦該引咎求和。以盡先施之誼。纔不負吾主垂訓之言。
所以聖奧斯定嘗云。汝有吃虧處。該寬恕之。可免兩邊犯
罪。

當務之求 爲爭鬪者


祝文 天主以爾聖瑪都林每年瞻禮。樂我等。懇祈爾。我
既慶厥誕日。幸師厥功勩。爲爾子耶穌基利斯督。亞孟。

聖年廣益

冬季十一編

七日

一百二十三



○八日

聖格樂德 五位致命

警言

汝齋時。弗師僞人。聖經

聖傳

聖格樂德等五人。皆羅瑪都中雕匠也。一名新彼利削。初爲外教。見同侶做工時。畫一聖號。精巧過人。自揣力倍工深。勞人損器。而尙不及。向一位名新弗利亞諾者問之。新弗利亞諾仍先用聖號。破其迷。遂將全能大主。無始無終。一體三位。造世救世之本原。肉身雖死。靈魂不滅。永福永

殃之賞罰。逐一講明。新彼利削。卽棄邪領洗。後做工時。亦畫聖號。果與別人一同精巧。不久。總王命雕邪像。聖格樂德等五人同云。此係異端。不能從命。官復嚴催甚力。答曰。我們俱係天主教。此工萬萬不行。若欲強之。甘心一死。王大怒。命官刑訊。官以善言勸其改悔。見不從。監候以俟之。再問再回。如前堅執。卽命棍鞭重撻。正在用刑之時。官被邪魔毒害。噬臍立斃。事聞。另委別員。化鉛爲匣。一人一匣。活裝於內。鎔其匣口。溺死於大水中。時天主降生後三百四年。至四十日後。五鉛匣俱自浮於岸邊。教中人收葬之。


宜行之德 不可爲人而行

聖思 一。天主降生爲人。受難受苦。在十字架救人贖人。汝在天主救贖之中。不該盡心竭力。圖報涓埃。况汝之心力。皆從天主而來。以天主所賦之心力。不爲天主而爲別人。有是理乎。若汝之所行。果能盡心爲主。卽過於喜愛。樂於爭先。才能出衆。似乎驕傲。總不能損傷自己之神工。倘汝意中。原爲人而行。雖云善事。而所喜所譽。已受過此行之賞矣。一得一失。間不容髮。慎之慎之。 一。世俗不能喜汝之行。此係必真之事。亦係應有之事。因本意不同。趨嚮不同故也。所以事無大小。旣然爲主而行。就不該管人誇贊與否。人之誇贊不誇贊。與汝並無損益。又與汝之行

事亦不相干。奚庸計及。若說人言可畏。毀譽難當。倘逢邪說橫行之地。強汝不從。輕則詈言侮辱。重則絕命喪生。汝亦云。人言可畏耶。思之思之。一。浮言雜論。不該動汝之心。亦不該因此而亂自己之神工。當知邪魔本意。只想人斷絕天主之恩。故嘗借人言搖惑。倘汝自無主見。將似是而非之言。過於聽信。不當止者止之。不當行者行之。分辨不明。必致直入邪魔之網而後已。今既提明說破。此類忽來。當以邪魔視之。一切假仁假義。俱置之不見不聞。聖額我略會明示云。天主聖三。不斷妄証之舌。汝也做得來。戒之戒之。

當務之求 爲改過者

祝文 天主。爾賜我等。敬憶爾聖致命者。聖格樂德等五人。望爾彼居永福之域。使我偕樂。爲爾子吾主耶穌基利
斯督。亞孟。



○九日

聖特阿多羅 致命

警言

愛德不自滿。不貪高。不私。不觸怒。聖經

聖傳

聖特阿多羅。係厄肋西亞國內之營兵。差往壓瑪而亞府防守。其時查察教中甚嚴。聖人不肯晦藏。直言無隱。地方官拿交本官審治。聖人惟隨自己之明光。不欺己。不欺人。情現於辭。操存甚力。本官因其壯年英偉。惟詈罵放歸。聖人見致命不能遽得。乘此困厄之時。安慰教中。開明外教。

聖年廣益***冬季十一編

九日

一百二十七

爲主立功。可受此賞。適有邪廟被焚。甚樂聖人之願。向衆大言。此廟該燬。官聞之。怒甚。罪以慢神惑衆。鞭棍重刑。皮開肉裂。收監絕饒。是夜。耶穌臨慰。不令餓死。傷處皆痊。諭畢。天神羣集。同聖人讚揚天主。司獄守兵。見此神奇。飛報於官。官亦來監目覩。弗能感動。只從寬日。給麵餅一兩。水一盃。聖人力辭不用。官卽帶回。勸以婉言。末云。心中敬汝之主。外面微露隨和之意。豈不兩全。奚庸固執。聖人明知斷不可行。大聲曰。倚靠吾主天主。斷不敢犯降生耶穌之命。任憑苦我。並無畏心。亦無怨恨。官大怒。舉火燒之。聖人畫聖號。求主准其致命。遂終於火內。時天主降生後三百

四年。

宜行之德 謙愛以克嫉妒


聖思 一。有嫉妒之心者。必無愛德。亦無謙德。因而自己不得平和。所以妒者爲天主之仇。他人俱妒者之仇。他人一些好處。妒者受其大害。這就是不愛不謙之憑據。汝係妒者耶。爲何不以謙愛受人之益。而惟以嫉妒自招其害。何計之疎也。 一。人有聰明。人逢吉慶。人居富貴。人得天主聖佑神恩。汝俱嫉妒之。宜乎不宜乎。世俗之才智尊榮。多有貽害靈魂。併害肉身者。妒之何爲。若論天主之聖佑神恩。係人人可同得者。何必妒之。但汝之不得者。無他。惟

被此妒心阻隔耳。一欲除此罪。必刨掘其根。今再四搜求。離不了多驕盈而少辭讓。多殘忍而少仁慈。汝能去其多而補其少。妒罪自除。若不能盡絕。該想妒之爲害甚多。亂心第一。犯罪第二。傷身第三。損名第四。如此多害。必定遠離天主之神恩聖佑。又害之最大者。汝於別事。都知道小心避害。惟妒性一來。竟不顧害多害大。皆因平日未曾講明故耳。論正經道理。見人好處。就該照樣遵行。惟恐不及。不如。何暇再生嫉妒。今汝既不能隨。又爲何不喜人爲善。該想這不喜之心。必從喜中變出。蓋喜善惡。人之同情。初先喜其善。而後纔不喜彼之爲善。汝果有心克己。此

喜固爲入德之門。此不喜。亦可再變爲爭先上進之階。

當務之求 爲嫉妬者

祝文 懇祈全能天主。我敬憶爾聖特阿多羅致命者誕日。賴其轉達。使我剛健於爾名之愛。爲爾子耶穌基利斯督。亞孟。



○十日

聖德理豐聖肋斯彼削 致命

警言

需並長以迄歛穫。乃命刈工。先刈莠稗。束縛烈焚。爰收厥
麥於我廩。聖經

聖傳

聖德理豐自幼蒙天主大恩。纔能言語。卽善談教中奧妙
精微之旨。更有療病逐魔之神行。及長。見各處差員。屠滅
教中。不勝其殘虐。深慮人心勇怯不齊。恐有畏受酷刑者。
慇懃勸勉。不遺餘力。且明目張膽而行。不怕人知覺。因而

聖年廣益

冬季十一編

十日

一百三十

被捕到官。嚴刑拷打。自晨至暮。輪役鞭笞。身無完膚。血流滿地。聖人在此苦中。容色怡然。大顯其權心樂意。時有朋。斯彼削。亦係職官。目擊聖人苦痛切膚。喜形於色。卽猛然興起。深信所行。非人力可爲。定有巨能相助。想此人敬信之主。實係真主。大聲云。我亦信認天主之人。與彼一樣。情愿同受死刑。官將二聖。縛至廟中。勒拜邪神。甫入廟。邪像俱倒地成灰。官怒復行重撻。二聖同致命於杖下。時天主降生後二百五十六年。

宜行之德 想審判

聖思 一。世上係善惡混處之場。天主許惡人習善人之

表亦命善人。用愛人之德以勸惡人。且用忍耐而受惡人之害。又不肯輕賤惡人。因後來惡人改過升天。亦未可定。但明知惡人。與彼往來。不可被其沾染。當審判自己之罪。比他更重。何敢再做效他人之惡。又何敢輕賤爲惡之人。

一。美好苦難。二者人人兼有。眼見艱苦人。亦得偶然美好。受用人。必有幾番憂苦。或從天主來。或從自己來。或從親友外人來。未有不如此者。所以說世上並無真福。惟聖人能用天主所賜之恩。故苦難中。可得真福。因愛天主而順其命也。順命者。美好與苦難。莫非真福。汝何必遇美則樂。遇苦則憂。

一。審判日。善惡必分其道。善居於右。爲上。

升之道。惡居於左。爲下墮之道。今中國呼異端爲左道。雖云不合而同。未必非默默中。爲承行主旨而有是言也。此時善惡顯明。真情畢露。肥遁之德修。掩藏之凶慝。人人無不知之。善與善合。都是天堂。惡與惡通。莫非地獄。這纔是天主彰善癉惡。永爲定案之舉。亦就是天地人物。收成歸結之秋。汝能脫逃此案麼。非右卽左。憑汝而今定奪。

當務之求 爲衆人改過

祝文 天主。爾賜我等。敬憶爾聖致命者。聖德理豐聖月。斯彼削誕日。望爾彼居永福之域。使我偕樂。爲爾子耶穌。基利斯督。亞孟。

○十一日

聖瑪爾定 主教

警言

寤禱。免陷於誘惑。爾心毅。爾軀綿。聖經

聖傳

聖瑪爾定係巴諾你亞人。其親以武功貴顯。聖人十齡就學。即能剖別是非。越數年。國家有征討之事。聖人年已及冠。竊念父親衰老。請命代行。只攜一僕。謹言敏行。愛衆恤兵。不肯自私。不徇惡習。時值苦寒。路遇乞人。單衣戰慄。聖人目擊心傷。奈手無他物。即將本身所着之戎衣。割半以

聖年廣益

冬季十一編

十一日

一百三十二

與之。天主嘉其仁愛。入夜室發大光。親見耶穌。身被所給
乞人之半件戎衣。降臨於室。對衆天神曰。是衣。乃瑪爾定
衣我者。蓋以証愛人。卽係愛主也。事定軍還。聖人潛往聖
意辣略。告以謝世貞修之志。意辣略窺其懇切。留居數載。
辭歸就道。強徒截劫之。問云。不怕死麼。聖人曰。我久事天
主。天主全能全知。誰能逆命而行。奚畏焉。賊俱遠遁。行際
魔又粧人。迎問何往。聖人曰。我往天主所指之處。魔曰。任
意而行。莫非逆境。大難卽來。聖人毫無疑懼。將經言答云。
上主佑我。何畏於人。語聲未絕。魔已寂然。抵家。詳告二親。
年來所受主恩。勸其棄邪信主。至情感切。終於樂從。未幾。

只偕一友。小島隱修。好學之士。嘗訪跡求師。一人從遊不
久。未曾領洗而暴亡。值聖人他出。候久始歸。聞變默然。直
赴棺前。退衆閉門。初則伏地以求。繼則全身覆合於屍。仰
望主恩。頃之。死者復活。語衆曰。我死後。靈魂赴天主臺前
聽審。罰墮地獄。忽有天神入告曰。瑪爾定投地求恩。望主
弗棄絕之。卽令我魂轉世。容我遷改。衆咸感叩稱奇。拂郎
濟亞國度樂諾郡主教病終。公舉聖人蒞任之後。創院立
規。聚居修士八十餘。勤於慰勉。慕義遠來者。引之教之。從
優迎送。求見之下民。隨時容納。患難貧人。必加賑恤。猶憶
聖人詣堂。一貧人單寒特甚。命從者衣之。從者視爲常事。

少緩須臾。貧人復行泣訴。聖人惻然。自匿殿隅。解內衣贈之。領後闐無其人。聖人遂赴臺舉行彌撒。正祭時。衆見異光。自天而降。圍繞聖顏。歷時甚久。如此盛德之徵。尙有誹言毀辱者。聖人惟憐愛之。求主恩宥之。一學者。受業有年。被魔蠱惑。變志猖狂。不遵懲勸。聖人接以怡容。若無事焉。學者感悟自慚。安心卒業。魔甚妬之。俟聖人熟寐。房中火發。聖人躍然而起。烟熱難當。一求主佑。幻像寂然。偶至一鄉。其孩已死。伊母哀號求救。聖人允其代祈。少時卽活。鄉民莫不服從。按臨屬邑。見一大樓中。供有精奇魔像。聖人欲命從人拆毀。並無器具。聖人求主明威。陡發大風。樓傾

像廢。民始棄邪歸正。又往一城。適邪廟被焚。沿燒民屋。聖人向火畫十字。火患立平。再溯其造就人才。道隨境合。感而遂通。一日。偕徒於郊。其地穢潔不同。聖人示云。犬豕踐踏之區。卽穢像也。牛羊畜牧之場。卽婚娶像也。惟此花卉茂林。乃童身潔淨像也。生平神訓無方。率皆類是。後因要務赴都。王知來意拒之。聖人退求主示。歷七晝夜。主命天神降諭。次早。聖人直入內廷。見王高座。却步不前。忽來大火。繞王之座。王大驚。亟起恭迎。所請莫不允從。年邁力衰。天主默示終期。門徒一聞勉勵。依戀情深。聖人惟知順受主之定命。際此存亡呼吸之時。不肯安眠牀褥。下榻投地。

苦服貼身。邪魔忽現。聖人叱曰。地獄犬狼。至此何爲。欲查究我行。我何間焉。語畢。怡然長逝。年八十有六。時天主降生。後三百九十七年。本係瘁容。歿後。反腹色光華。空中音樂。數千里外。聖色勿禮諾亦聞之。欣告同人曰。此聖瑪爾定。升天之鼓吹也。門徒不期而會葬者。二千餘人。生平不坐於聖堂。行一事。必嚴齋求主。靈跡最多。如療病驅魔等事。筆難盡述。更有獨呼聖人名號。或將所服椶衣寸縷。或取墓前撮土。多能救災捍患。迄今罔替焉。

宜行之德 學聖人敬主求主

聖思 一。聖瑪爾定表敬主之誠。不敢坐於聖堂。因彌撒

時耶穌親在聖臺。領汝求恩。我等罪人。幸詣臺前。應該或跪或立。望賜所求。雖主恩寬大。不及亂心亂身之人。汝今何如。時而亂言。時而亂步。名說求恩。實爲求罰。獨不想汝爲何而來。豈惟辜負主恩。併辜負自己。一。聖瑪爾定行事必先求主。求主必定嚴齋。嚴齋必增苦尅。故所求即得。汝望准汝之求。亦該專專爲此。或齋克。或哀矜。動天主之垂憐。不該倚靠自己才能。一。聖瑪爾定臨終時。苦衣臥地。求主矜全。魔尙顯形試誘。汝若平時。不肯以苦以痛。習熟哀求補贖之工。可望臨終。能退邪魔之害麼。

當務之求 爲怙終不改者

祝文 仰惟無所不知者。全能天主。明知我等罪人。不能倚自己之微功。可獲天堂之永福。今因爾聖瑪爾定精修主教。護翼我等。俾能脫免在世之危險災禍。以得天堂之榮福永安。爲爾子耶穌基利斯督。亞孟。

○十二日

聖默納 致命

警言

持齋哭泣。全心歸。聖經

聖傳

聖默納係厄日多國之汎兵。一聞聖教。誠信遵依。大顯愛人之外表。故教外不生譏誚之言。嗣因禁諭下傳。卽辭糧避害。潛住野山。以誦以求。以痛泣。以呼籲。惟望捨生致命。爲正教光。如此數年。忽回城市。進城不遠。遇一演戲之場。多人叢集。聖人躍入戲臺。大聲向衆曰。先知聖人義撒依

聖年廣益

冬季十一編

十二日

一百三十六

亞有言。不信我者。得我。我也去。不問我者。我亦至其前。人望而詫異。地方官拿究其情。聖人回云。我係天主教人。官命收監。俟戲完再究。次日。官以好語慰之。聖人云。屬在兵民。敢不凜尊君命。惟是正命無有不遵。似此背天主。奉邪神之亂命。寧死不從。國家以法治人。天主教並無犯法之罪。國家之法。只治人之身。惟天主教。能治人之心。凡在天地大主之下。自君王以至士庶。人人棄邪歸正。聖教大行。未有不入安長治者。官命重刑答責。遍體血流。從旁一人相勸曰。受此劇苦。天主臺前。還算不得盡心竭力麼。天主全知全善。必能諒汝身弱心堅。大刑難受。勉隨外貌。拜

謁邪神。未必就爲大罪。聖人怒容嚴叱曰。速速離開。萬死不能認魔爲主。我受之苦。豈惟不知其苦。更有非常神樂。官復苦以各刑。聖人氣象。若與身無涉者。講道勸人。不絕於口。官怒其梗頑。終於斬決。時天主降生後三百年。墓前靈蹟甚多。今舉一最奇最著者。亞肋桑得里亞府。有遠來商客。獲重利而歸。先往聖墓。求爲行路主保。甫及一程。投宿店中。主人頓起不良。入夜。將商殺死。斫碎其屍。刀猶在手。聖人猝然而至。如巡夜官。協同幾位天神。如隨身兵役。撞門而入。卽問某商何在。店主驚惶無地。回云。並無客商投宿。聖人叱云。我明知在此。敢肆胡言。一面已被天神搜

獲。店主見事情敗露。跪叩哀號。求官隱諱。免報上司。所劫之銀。情愿加上百斤。送官求釋。聖人云。我向汝說一句正經的大道。若汝心中果能真真痛悔。我就有保汝身家之法。店主曰。果然饒恕是真。我必往默納聖人墓上。痛悔補贖。死而後已。聖人曰。既然如此。將客商已碎之屍。取來排好。店主如命排完。聖人呼之即起。若寐中喚醒之狀。此時顯出聖人天神本像。大聲降福。勉勵後功。聲未絕而形已寂然。後來店主嘗趨聖墓。悔罪求恩。補贖之工。迄於歿世。

宜行之德 離開罪惡

聖思 一。天主惡罪甚嚴。或在世前。或在世後。未有不加

重罰者。世前之罰。斷聖寵。絕聖佑。遠離聖神。天主視之如仇。不爲義子。不能升天。變作邪魔之奴。善功皆滅。究其由來。單單因一個重罪。至於此極。可見世間大害。還有過於重罪麼。一。世後之罰。犯重罪者。靈魂一出肉身。並無別途可望。亦無時刻遲延。直奔地獄。受苦受刑。到了天地終窮。靈魂再入肉身之時。作罪之世界已完。罰罪之永刑纔起。靈魂具有三司。無一司可逃其煨煉。肉身具有四肢。無一肢不受其炙烤。所以將來比邪魔之苦。更加一倍。因邪魔原係無形。人則兼有肉身也。世前世後之罰如此。其關係不重麼。其重罪。可視爲尋常麼。一。邪魔。係人之勁敵。

大仇。故時時引人犯罪。且喜人犯罪。天主耶穌聖母。暨諸天神聖人。俱與人最親最愛。故時時禁人犯罪。且惡人犯罪。今事情內。有害靈魂者。無非是罪。若果然自愛自己。不該以害爲愛。汝爲何得罪愛我之天主。常隨害我之邪魔。

當務之求 爲罪人

祝文 懇祈全能天主。我敬憶爾聖默納致命者誕日。賴其轉達。使我剛健於爾名之愛。爲爾子耶穌基利斯督。亞孟。

○十三日

聖達尼老各斯加 耶穌會

警言

凡愛爾名。取榮於爾。蓋爾降福於義人。聖經

聖傳

聖達尼老姓各斯加。父若望係波羅尼亞國世襲頭等大臣。母瑪而加理大亦係世襲大臣之女。昆仲數人。聖人最幼。明悟稍開。受業於文學名師若望畢林機門下。端嚴樸素。不事紛華。親友俱稱爲小天神。無敢以戲言冒瀆者。偶聞淫語。立時面赤神昏。父恐座客不知其故。嘗明告之。時

聖年廣益

冬季十一編

十三日

一百三十九

熱而瑪尼亞都城。創興公學。請耶穌會士統理。四方雲集。聖人之父。命偕兄保祿及其師。就學焉。聖人見學規謹飭。內德外才。無美不備。心甚樂之。自期發憤有成。每日息遊時。雖隨衆同行。終與密友。論道晰疑。不容荒廢也。未及一年。新君嗣位。令諸生各居學外。早入晚歸。因此賃房居住。師與兄喜其適意。遂與聖人不合。憎嫌侮辱。聖人付之不問。常服苦衣。減餐少寢。夜中誦禱。鞭笞。瞻禮七。守大齋。主日領聖體。與彌撒兩臺。有數次誦經時。憑空離地。可知其熱愛非常。主特顯揚之。未幾。大病垂危。魔借犬形。於無人時。啣其喉。聖人毫無畏懼。畫十字退之。惟憂房主異端。

難求聖體。相傳有病不得聖體。求聖女巴爾拔拉。必能如願。聖人明知求人無益。一心苦求聖女。忽一夜不能熟寐。仰見聖女拱立榻前。左右二天神。內一位。恭捧聖體於爵。聖人速令守夜人伏叩。自卽起跪。誦領聖體前祝文。領訖。仰臥默思。以待主命。閱一日。忽見聖母捧耶穌嬰體。送聖人手中。聖人樂甚。聖母云。汝尙未到永見耶穌時候。須勉力建功。求進耶穌會。方蒙此寵。言畢不見。數日後病愈。進堂謝主。深悔從前原思進會。怠忽遲疑。實不忠之罪。隨向就正神工之神父。詳述前情。初疑夢幻。後知真實。准依聖命而行。聖人欣然快足。每云。平生樂境雖多。總不能勝於

此樂。時衛伊納城之司教可准人進會。然非父命不行。求
奉差之加特納爾勸之。仍執意弗從。聖人見無門可入。惟
求主矜全。轉念去家須遠。可避其難。商之於友。亦耶穌會
神父。答曰。汝行果決。我與汝奧斯波爾城司教書一封。可
望有成。聖人明知難處甚多。奮然必往。前一日誦經半夜。
次早。語家人云。有請我處。不必候我喫飯。卽往發書之神
父處。與彌撒。領聖體。取書就道。行至僻路。將表衣解送乞
人。只留預備之布衣繩帶。手持短杖。腰繫念珠。狀似乞兒。
飄然長往。寓中薄暮不歸。兄與師及家人房主。互論平日
所言。遠去是真。次早。兄與師協同房主。乘四馬車追之。已

經追及。悞爲乞兒。不顧而奔。聖人改行小路。回車訪確。亦從小路奔馳。果在前甚近。馬忽住蹄不動。鞭之如木石。人皆驚懼。房主之僕。遠見聖人。及河無渡。水面步行。穩於陸地。不得已。作轉車勢。馬皆奪路回城。向來房主。不信教中聖蹟。遇此目擊之事。竟傳述不置口。同學一友。早知留書在房。亟告於衆。得書拆看內言。此行無他。惟遵天主命。求進耶蘇會。滿我一生大願。父兄若有憐愛之情。必知事非得已。關係不輕。倘稟明而後舉動。吾父有言在先。禁入修會。何敢自投羅網。以違主命。爲免阻撓。惟有遠行異域。可望成功。他日父兄親友。感主大恩者。恐正不少也。人爭傳

錄。原書封寄於父。不數日。至奧斯波爾城。司教已往弟令
日城。歸期尙遠。聖人就途趨赴。路見主堂。適領聖體日。入
叩仰觀。知非正教。求主矜憐。衆天神忽成隊而至。內一位。
恭送聖體與聖人。領後健步捷行。次日入城進見。司教欲
試之。命入學聽差。身當苦役。齋克非常。閱十八日。司教明
告於衆。咸感嘆之。隨向聖人云。爲免汝家阻礙。不如親投
羅瑪。時有初進會二人。羅瑪赴考者同行。聖人惟遵長命。
不顧此來。已經二千里。此去尙踰四千里也。且一路神工
不缺。兩月抵都。聖方濟各波爾日亞爲總統。看書後。卽云。
汝來實天主命。必允所求。汝家生變。倚賴天主。不足慮也。

聖人既蒙此諭。卽日奉管理肄業之長命。興工避靜。引導之人。深服其工夫精細。期滿更衣。勝於脫鎖出監之喜。嘗云。外人獻主之工。一日無幾刻。且多私意。我等在此遵命。與天神聖人。在天遵天主命相同。加功更易。自進會後。心安神樂。迴別他人。未幾。父書責其披叫街求食之衣。飄流各國。辱沒家聲。豈肯輕易干休。又寄加特納爾書。言耶穌會。騙去吾兒。我必設法。將本國在會人。永遠驅逐等語。聖人不疑不懼。惟痛父滿心世俗。回稱此行。隨耶穌十字架。甘受艱難。體面榮光。無以尙之。有何辱沒等語。父知威勢難行。欲徐圖別法。奈計策未成。聖人已棄世升天矣。聖人

在會不及十月。亦無非常行事。但溯其謙和聽命。苦已熱心。雖與人一樣。其實謹小慎微。他人弗能及也。偶來美譽。不發難受之容。惟面赤而已。言及家世。解曰。富貴不能攜於死後。何足重輕。惟效法耶穌。是真正鴻基大業。因此謙和。皆樂與言。幸獲敘談。慶爲厚福。見微善。卽效法之。見不善。含容勸化之。自視無能。嘗形已短。同人笑其不冤枉人。惟冤枉自己。每日有值役之四刻。適聖人身着敝衣。廚房值役。前在衛伊納城之加特納爾。枉顧聖人。不欲換衣。因長者有輕慢之言。始不爲也。奉差如承主命。不論艱難。不查緣故。不肯私心增減。卽汲水運柴之末務。必遵管事人

之定數。晝夜不留餘隙。苦鞭茨服。減食嚴齋。比未進會時更甚。然請命後行。弗自專也。默想誦經時。熱心最熾。形於身面。雖寒冬難受。出戶解衣以散之。人有憂悶。或遭誘惑。望見聖容。卽滅。似此神工。未能僕數。一日。同衆聽講。內言不問何人。俱能一死。各當預備。退向友云。所言係提醒衆人。獨我眼前。更當預備。隨遇一老年神父。言及聖母升天瞻禮。滿望及此慶辰。趨赴天堂。分外行苦工。於聖老楞佐致命日。求爲主保。是晚覺有小病。管事人派送養病房。聖人向榻。畫十字云。從此倒臥不起。惟主之命。越五日早晨。向旁人云。今夜必死。回云。如此小病。非聖母顯一聖蹟。候

汝慶賀。何能至死。午後發昏。冷汗如洗。旁人方知危險。准其所請。下牀臥地。領聖體。傅終油。禮畢。向神父云。我心完備。重言以示意。手持聖母像。腕佩念珠。語人云。無力誦經。有心喜看。半夜後。指名請同學數人。謝入會恩。求衆寬恕。往失。自誦悔罪經。頃云。好聖母。隨侍許多聖女。語訖而終。年十八歲。時天主降生後一千五百六十八年。聖母升天瞻禮日。寅初。顏色如生。跪叩者如市。墓前靈蹟最多。入聖品後。供像求恩者日盛。如死者活。瞽者明。病者愈。枯花鮮艷。危國安全。數年中。積至千餘件。乃兄保祿感發自新。歷四十年之痛悔。竟獲善終。

宜行之德 熱心

聖思 一。聖達尼老各斯加於世俗中。倚靠聖母。克已守身。告解領聖體。潔淨如天神。可知熱心人。必合天主意。汝欲成此熱心。惟有守貞克已。離世間之福。斷萬物之愛。纔能純而不雜。正而不偏。固結而不散。且時時涵養於神恩寵佑中。而不知其妙。 一。聖達尼老各斯加修道時。如大罪人。痛告補贖。汝肯服事天主。必該效法聖人。不獨離世俗之愛。還要斷已身之樂。不使此心。一毫牽累。纔可望天主久長大愛。相連而不失。 一。聖達尼老各斯加臨終時。無苦無憂。亦無畏懼。因他早離世福。世財。世樂。故也。因他

所走者。步步皆天堂之窄路故也。又因他一舉一動。一行一言。專爲吾主耶穌。深信耶穌所許之賞故也。若汝要望善終。必該學聖人安心爲主。常行窄路。倘因世俗路寬。依不舍。誠恐眼光落地時。難免畏懼苦憂。

當務之求 爲教中幼年人

祝文 天主以爾聖達尼老各斯加每年瞻禮。樂我等。懇祈爾。我旣慶厥誕日。幸師厥功勩。爲爾子耶穌基利斯督。亞孟。

○十四日

聖和莫朋 商人

警言

懇祈爾曹。如旅異地。宜戒構戰靈魂之肉慾。聖經

聖傳

聖和莫朋。係意大利亞國商人之子。守其世業。交易最公。愛主憐貧。熱心無比。人皆敬慕之。為遵父母命。娶妻成室。迨父去世後。愛德日加。嘗想世財易失。所獲公平之利。不俟貧人求乞。往往訪尋以贈。且慰以善言。勸其守分安貧。不明者。苦口叮嚀。偶遇頑民訕毀。甘心樂受。此方之人。皆

聖年廣益

冬季十一編

十四日

一百四十五

19†

稱爲無告。煢民之慈父。婦因敗散家財。每進言諫阻。聖人回云。我爲耶穌散去之財。不但不少。還百倍以償之。適遭歉歲。聖人手攜麵餅一筐。見貧人簇擁。隨手散完。只餘一餅而回。及用饅時。筐滿如初。似此奇徵。不啻再三。所以哀矜之舉。視爲要務。力行靡倦也。貿易雖忙。神工不缺。每日夙興。誦經默想。到堂與彌撒。見窮人。必遂其所望。一生習以爲常。從無昂然弗顧之時。一日乃命終之期。在堂與彌撒畢。復伏地跪祈。天主卽於此刻。收其靈魂。旁人無一知者。咸以默想誦經視之。延至午時。人始近前呼喚。方知聖人早已謝世升天。貧病人聞知。求恩者無數。痼疾沉疴。立

時全愈。隨後恩施。猶綿綿不絕。次年。卽列入聖品。時天主降生後一千一百九十八年。

宜行之德 忍耐世苦

聖思 一。惡人必下地獄。故天主每以世福。酬其微善。身居世福者。不該害怕麼。當知天主如醫。不治死病。願食之物。許之勿禁也。又若犧牲。然先加好食。喂養。後始殺之。所以順境之來。必且感且懼。誠恐視我如死。待我如畜。可不畏哉。一。善者不然。天主不許世財。害其靈魂。嘗以世苦保護之。又不肯身後罰其微罪。嘗以世苦代贖之。身罹窘難者。不該喜樂麼。所受之苦。卽係天堂之價。不該忍耐麼。

凡受苦而不能忍耐者。恐此苦之來歷。或知之未真。或信之未篤耳。聖額我略有言。世苦強人升天。可不愛哉。一。惡人先樂而後苦。樂僞而苦真。善人先苦而後樂。苦暫而樂恒。所以不論何人。無有不受苦者。惟世前世後之境界不同。真僞暫恒之時勢不同耳。兩途具在。差之毫釐。謬以永遠。可不慎哉。

當務之求 爲苦難人

祝文 天主。以爾聖和莫朋。每年瞻禮。樂我等。懇祈爾。我既慶厥誕日。幸師厥功勳。爲爾子吾主耶穌基利斯督。亞孟。

○十五日

聖沃略聖撒貌訥 致命

警言

弗結嘉實樹。必伐。必焚。然矣。聖經

聖傳

聖沃略聖撒貌訥二位。係厄肋西亞國人。見城市事繁。能亂人心。合志遜修。偕往山鄉。避其冗雜。置身世於不聞。庶幾易立神工。二聖彼此觀摩。互相教學。往前用力。不肯片刻怠荒。所畏者。德行未修。所愛者。耶穌光寵。居無何。純誠清潔。若天神然。天主默命二聖。入城勸化。被地方官拘拿。

聖年廣益

冬季十一編

十五日

一百四十七

勒令背主。二聖曰。我現勸人認主。豈有自背之理。官云。汝若不改。刑法卽來。二聖曰。此言不過謂動刑必死。豈知從天主之命者。不但不死。且永遠常生。官命收監。事聞於王。王差近臣親審。辨論逾時。官因無益。褫衣重撻。拿禁暗監。絕糧三日後。又給些須糲食。越十餘日。官復提審。堅固如前。聖撒貌訥更比聖沃略之言。剛毅難當。官吏之怒。故全歸於聖撒貌訥。先將聖沃略死於杖下。後用各刑。施於聖撒貌訥。以洩其怒。聖人不但並無懼色。且贊揚天主特恩。官見各刑無用。斬決以終。時天主降生後二百九十九年。

宜行之德 防暇

聖思 一。聖人常言。暇爲萬惡之母。如此時。無可做之事。或認字讀書。或誦經祈禱。皆人人可做。處處能爲者。世後甚長。世前甚短。爲何將難得之時。付於閒空之中。假如地獄之靈魂。能從新出來世上。不過分秒之時刻。可痛悔告解。可立功補贖。可滅地獄之火。可升榮福之天。還有什麼。能勝此片時之大寶麼。明知汝將來必有一日。求得從前閒空之片時。以救靈魂。竟不容到手。如今還現在汝之手。爲何不肯。 一。問汝此時做什麼。大概是閒空。又還未必空空閒着。或三五成羣。聚談無益之言。或眠思夢想。妄圖財利功名。或結伴嬉遊。或狂歌歡飲。不獨光陰浪擲。且

貽害無窮。請將普世人查一查。大半如此。汝今不如此麼。一日之中。有幾刻爲天主。爲靈魂。有幾刻爲世俗奔忙。爲肉身快樂。孰少孰多。利耶害耶。爲何不算一算。一。汝肯每日打算。該將一日之工。限定若干時候爲靈魂。若干時候爲肉身。不該一總都爲世俗肉身使用。况所做世俗肉身之事。若俱爲天主而行。雖喫飯穿衣。行立坐臥。在天主臺前。亦可算得爲汝靈魂。並非虛擲。亦非空閒。常常如此。可免邪魔之引誘。亦可減世俗肉身之波害。

當務之求 爲懈怠於善者

祝文 天主。爾賜我等敬憶爾聖沃略聖撒貌。訥致命者


誕日。望爾彼居榮福之域。使我爲同侶欣樂。爲爾子耶穌
基利斯督。亞孟。

聖年廣益

冬季十一編

十五日

一百四十九



○十六日

聖亞彼伯 致命

警言

聞而不行。如人思已容於鏡。思已已去。頃忘其爲何若矣。
聖經

聖傳

聖亞彼伯於神職中。已登副祭之品。聞額得撒府。嚴禁聖
教。聖人明知空言。萬難補救。甘心一死。以動其心。遂投官
自認。官曰。汝旣自認情真。須申達上司定奪。但汝母在堂。
該求誰照看。聖人曰。我不懼家中受害。自有天主保存。惟

聖年廣益

冬季十一編

十六日

一百五十

想我生。既幸逢致命之時。不敢輕輕錯過。若不肯據情轉達。我即親自呈明。因欽崇天主之人。多情願失此生命。以爲真教之光。死且不畏。他何慮焉。官見其決志不回。鎖解上司。知係自行投首。疑其來意。乃故爲羞辱之舉。即命重答。答後。投於烈焰中。被焚而死。時天主降生後三百三年。

宜行之德 正其內志

聖思 一。正教之德。全包藏於內心。德之舉動。全主張於靈魂。與肉身無干。故不能強爲惡事。汝能明知肉身不能強勉靈魂之主張。即該用此主張以行其德。何必轉念事忙。又何必過疑不便。當知這轉念過疑。就是肉身之阻擋。

亦未必不是邪魔之詭詐。汝若果能識透此機。勇於德行。雖居萬惡之中。不難成聖成賢。一。既知德行之主張。全在靈魂。就該小心檢點。料理靈魂之事。每日須定準工夫。若干。禁止肉身之阻礙。求增利益於靈魂。不然。正經之德行。從何做起。一。正經之德行。關係靈魂永遠。不似世俗肉身之德行。生只外榮體面。歿只人世虛名而已也。所以事事俱爲末務。惟此獨該首重。然而事事俱極煩難。惟此獨爲容易。請看世間安富尊榮。聰明博學。皆由不得已。所以求者不易。得者甚難。若說天主聖佑。無時不有。無地不來。無人不得。全在汝自己肯隨不肯隨耳。從古至今。沒

有一個人。敢說做聖人。由不得自己者。能隨聖佑。諸德可成。成德者。就是聖人。何難之有。今究其不能之故。無他。未能正其內志也。

當務之求 爲冷淡者

祝文 懇祈全能天主。我敬憶爾聖亞彼伯致命者。誕日。賴其轉達。使我剛健於爾名之愛。爲爾子耶穌基利斯督。亞孟。

○十七日

聖額我略道瑪都 主教

警言

我儕夢覺。銳然蹶起。在斯時哉。聖經

聖傳

聖額我略係半多國責撒肋亞郡人。親雖富貴。未務德修。聖人小學既成。聞立山府。設教修學。聲名遠著。往就業焉。先攻文學。後習格物窮理。漸悟天地大主之恩。立志改遷。求精奧理。奉阿里日搦爲師。五年卒業。始還鄉勸化近鄰。主教弗弟末聞之。欲舉以自代。聖人卽晦跡藏名。久尋不

聖年廣益

冬季十一編

十六日

一百五十二

獲。弗弟末求主允從。蒙主默喻而出。蒞任後。見所屬士民。不啻億千百萬。奉教者。只十七家。傷感靡寧。耶穌瑪利亞。親臨慰勉。又命若望宗徒詳誨之。離城一廟。魔像能言。有求必答。聖人遠歸。就宿廟中。遂倚主聖名。勒令捫聲遠遁。次早。聖人別後。衆聞諸魔。指名怨詈而出。邪徒追及聖人。肆行怒罵。聖人云。我賴天主大能。可驅可禁。安忍聽其欺誑。內亦有視爲異人者。乃云。爾能令我神復回。方信爾權果由天主。聖人默存片刻。卽寫字與之。邪徒持置於廟。魔卽如初。咸以爲奇。追問叩求。有意改遷而未決。再望顯蹟以決之。旁有大石。請令自徙於他處。聖人允其所請。石竟

應命自移。衆皆誠服。歸正棄邪。聞風嚮化者。接踵而至。公議建堂瞻禮。堂基爲大石所阻。聖人又命石自移。工甫竣。地忽大震。房屋盡傾。此堂毫無傷損。有昆仲二人。因湖中魚利。構訟不休。勸之不服。聖人求主平之。驟然湖涸。水族盡消。二人驚悔無及。鄰河屢汎。大爲民害。衆請救之。聖人同至河干。將所扶之杖。植於河涯。命水毋踰此界。杖忽長成茂樹。狂波至樹而平。適瘟疫傷人。聖人晝夜巡行。顧慰到卽病除。勝於靈藥。奉教者甚多。立山隱士。居甌脫地方。炭窰爲業。聖人蒙主默佑。舉以接任。語曰。我待罪之初。奉教者。只十七家。今當離任時。未奉教者。亦止十七家。非上

主之大恩耶。雖終期早已默喻。而懲已訓人。直至氣絕而後已。時天主降生後二百六十六年。殞於聖殿。卽聖人所建也。數年後。地復大震。城屋無不坍塌。獨此殿巍然無恙。

宜行之德 思想臨終

聖思 一。人於熟睡時。卽死之像也。夢中之害於利。變化靡常。喜與懼。危疑無比。醒後皆幻境。不獨喜樂全無。卽諸般困苦。異樣凶殘。肉身並無傷害。今之富貴人。驕泰滿盈。貧賤人。勞苦憂愁。窘難人。怕懼驚惶。肉身視以爲真。實係一場大夢。靈魂之幻境也。夢中苦樂。不會干涉肉身。世上吉凶。又何曾沾染靈魂。此非天主聖佑之光喚醒之。必然

鼾睡至死。哀哉。一。睡熟之後。喜樂者。夢內榮華耳。驚怕者。夢中凶惡耳。現在之功名妻子。現有之財帛田園。俱弗愛也。倘有仇人。乘時殺害。或來盜賊。偷取金銀。俱弗怕也。究其故。都因閉目安眠。不見不聞所致。今普世罪人。不愛天主。不愛天堂。亦不怕罪惡。不怕地獄。不怕審判。併不怕死候。忽來。都因眼前不見之故耳。然一時小夢。聰明俱塞。無怪乎愛畏全無。若百年大夢。雖不獲見而知之。尙可聞而知之。汝爲何不尊聞行知。而褻如充耳。甘心熟睡耶。一。大概罪人臨終時。必能知道一生該愛之天主。不愛。單愛世福。而今盡屬虛無。一身該怕之罪惡。不怕。單怕艱難。

而今必遭永罰。但此時遲了。雖知何益。頃刻之間。從何痛悔。從何補贖。既然如此。爲何如今不醒。達味聖人曰。世俗富豪。雖現在我身。猶如夢中握寶。一醒全無。似以做切名言。無非望汝及早翻身。轉回生氣。求一善終。

當務之求 爲臨終者

祝文 懇祈全能天主。爾聖額我略道瑪都精修主教。每年瞻禮。加我心虔而體安。爲爾子耶穌基利斯督。亞孟。

○十八日

聖滿德 國王

警言

全能天主。昔以紅炭。淨先知者義撒意亞之唇。聖經

聖傳

聖滿德係依郎得國之儲君。昆仲十人。聖人最幼。甫七歲。讀書修院。六年於茲。熱心愛主。向父云。我一生情願服事天主。故自修院還朝。潛居僻室。惟日夕誦經默想而已。未幾。決志棄榮遺世。密往窮岩。苦修克己。豈知數年中。九兄盡歿。理應聖人嗣位。大臣訪求迎立。勉從之。卽位後。請舉

聖年廣益 *** 冬季十一編

十八日

一百五十五

行大婚。聖人素有守貞之愿。不肯明言。惟求主佑。賜一醜病。庶不辭而自退。主允所求。陡發癩瘋。國戚大臣。不獨停止大婚。且有玷辱君人之議。聖人喜不自勝。辭位遠行。甫登海舶。癩疾全無。歡感更甚於前。隨往拂郎濟亞國僻地苦修。天主錫以神能。常行靈蹟。衆皆嚮往之。大不合聖人養晦之心。亟遯於海島。此島原有毒蛇。忽自溺海中。並無遺類。島中舊存一塔。石山爲屏。聖人卽就居焉。清泉草菓。爲日用糧。有慕名求教者。以克己誦祈默想等規指引之。如此數年。終於此島。時天主降生後五百五十四年。

宜行之德 小心言語

聖思 一。不必說自己不好。此爲假謙。從傲而發。因此假謙。別人又增其誇美。正人君子所不爲也。聖教人。猶當諱之避之。經曰。讚美聽之他人。揚名不由自己。汝爲何故意假謙。換人真譽。 一。不該談他人之過失。只該說他人之美好。因世上的人。不論怎麼樣的兇惡。必有幾宗好處。汝若果有愛人之德。隱其兇惡。揚其美好。並非難事。今就汝自己而論。難道沒有些微不好處麼。這不好處。汝肯願人談論麼。汝既不願人談汝之過。只願人說汝之好。就該推此本心。以待他人。 一。常以好處獎人。不以惡處謗人。行之日久。心口必至自然。此正教人該行之正路也。但說話

之中。保不定常隨此路。語云。口出萬言。豈無一錯。故與其多言而有錯。不如寡言以少過。與其言而後思。不如思而後言。經曰。人嘗預備靈魂。主必管其喉舌。因預備靈魂者。必荷主恩。束縛其舌。無暇閒談也。今汝終日羣居。談今論古。娓娓不休。請問此說話時。靈魂作何預備。

當務之求 爲言而無實者

祝文 天主。以爾聖王滿德。不貴世之所貴。保全已之真。貴於無窮世。懇求天主。使我追隨聖表。弗顧世榮。惟務已之真貴。爲爾子耶穌基利斯督。亞孟。

○十九日

聖婦依撒伯爾 國后

警言

有人向我。頻呼我名云。吾主。吾主。若人弗輒克望升天。惟遵從在天我父旨。斯克升天。聖經

聖傳

聖婦依撒伯爾。係弘嘉利亞國王之女。質美性良。未及五齡。日誦聖經甚多。見聖像。必起敬起畏。有財不蓄。必施貧婦人。謹言慎行。糲食麤衣。凡賞心樂意處。無分巨細。皆不與焉。本欲守貞卒世。嚴命難違。出嫁於鄰邦爲后。生有三

聖年廣益

冬季十一編

十九日

一百五十七

子。教養維勤。常喜獨居。晝誦聖經賢傳。行有餘工。專理內政。孤寡病窮之人。每日待以資生者。不下千餘。偶遇凶荒。必選官廣賑。士民口碑載道。嘗云。如此愛民。允當國母之稱。有議其褻尊者。置若罔聞。越數年。國王親征外寇。病逝於途。喪葬事完。后卽避入齋宮。苦形煉性。宗室權臣。嫌后濟貧無度。會同節制之。宵小侍臣。遂日加訕慢。不安其居。遷於宮外。后遭此屈。甘心樂從。耶穌親臨安慰。隨後忽得黃金數千兩。除日用外。仍建大院一區。收養老病孤貧。親身執役如婢。或以卑陋諫阻。回云。尊崇莫如天主。且降世爲人。受辱受苦。我本卑陋微軀。今借事人之末務。以事天

主。雖再卑再陋。甚樂從之。一少年。奢侈無度。屢勸不從。聖后祈主開明。頃時。少年亟求停止。聖后祈禱愈加。少年呼號啼泣曰。身被火燒。難當難忍。乞弗再祈。旁人摩其身。果然炎炎如炙。聖后乘機教誨。卒成賢士。平日神工。志最專心。最靜。或被火傷。或被入擾。俱無知覺。所以多得天主之恩。有求必應。迨年老形衰。耶穌親臨撫慰。示以終期。病瘡將危。猶勉力痛悔。請聖體。領終油。囑付家臣。盡忠天主。哀矜貧病人。魔顯惡形突入。聖后曰。無命之徒。來此何爲。魔發大聲潛遁。后泰然謝世。時天主降生後一千二百三十一年。是日。百鳥羣集於簷。和鳴不去。香逾冰麝。滿屋芬芳。

面若童顏。閻城頌贊。計其時。病人拜墓卽痊者。不可勝紀。死而復活者十六人。

宜行之德 求真福

聖思 一。真福有三。淨心第一。淨心者。不拘何等的苦難。莫解的悶懷。不平的憂慮。總不能亂其方寸。如此之人。纔可說得是滿其本分。能愛天主者。有此淨心。樂莫大焉。非真福麼。雖有體面。喜歡愛欲之事。全具於心。若汝心不淨。斷無片刻之平和。過來人必能知道。汝係過來人否。而今心裡何如。一。第二。既能自淨其心。就該全賴天主。其全賴天主之法。須將自己全心全力全獻於天主。只願常滿。

天主之意。常順天主之命。凡自天主來者。不分甘苦。惟知感謝主恩。往往苦中生樂。不肯以苦爲難。此非真福人。不能嘗此美味。汝會嘗過否。當知此味何如。一。第三。既然全賴天主。就該默存主旨。因天主有天主之聖意。邪魔亦有邪魔之惡意。卽如天主賞汝一病。不知者。視爲災害。其實天主之恩。要汝醒悟。臨終之關係。要汝想望天堂之福樂。邪魔不然。正好借此。誘汝抱怨多愁。聖奧斯定曰。天主至仁至慈。若不爲好處。從苦而來。萬萬不許到汝之身。至哉斯言。汝欲舍此而求真福。難矣難矣。

當務之求 爲苦難者

祝文 仁慈天主。因爾聖光之明。照於信德者之心。伏祈
爾以爾聖婦依撒伯爾之功勞。賜我等脫離世幻。常享天
上永安之歡慶。亞孟。

○二十日

聖雅各伯 致命

警言

昔天主多方屢啟先知者。轉語我祖末時。斯日由厥子。
聖經

聖傳

聖雅各伯係伯爾西亞國顯宦之家。父母熱心信主。故自幼勤於教育。率以義方。及長。擇娶教中淑女。奈庭闈之顧復。雖極周詳。而世俗之牽連。難辭隱害。因聖人素有長才。國王拔居左右。惟畏王禁止聖教。背主從邪。母與妻聞之。

聖年廣益

冬季十一編

二十日

一百六十

挽救無能。寄書斷絕曰。聞汝逢迎。暫貴暫生之人主。背叛無始無終之天主。不想人主雖尊。轉眼便成灰土。從其逆理之命。是以假失真也。汝母情願隻身煢獨。不願認不忠不孝之兒。汝婦情願誓同寡鵠。不願見不仁不義之夫。從今以後。斷其面晤。聽汝自圖可也。聖人得書慟哭。悔恨前非。卽向各人前。明言自己實係天主教。國王聞之。面飭其非。重言辱罵。不卽改悔。凌遲處死。聖人情願受刑。堅持不屈。遂傳刑役。解赴法場。從右手起。一指一指。鋼刀寸磔。自右而左。自手而足。莫不如是。聖人深喜此刑。稍可補贖。從前之背叛。竟不覺其難。手足剛完。遍身皮肉。俱碎片如鱗。

始斬首以終。時天主降生後四百二十年。

宜行之德 學習耶穌表樣

聖思 一。耶穌之事聖若瑟謙恭而晦。順命而純。存其親愛之道而若僻。如此之行。正我所當首先學習者。汝曾習此三德否。只恐所習並非所學。大概心中。惟欲人人尊已於諸人之上。順從我意。到處顯榮。能似耶穌之養晦遵時。謙恭順命者是誰。一。耶穌從此出來傳教。竭力救人之靈魂。人反害之。以仇報恩。如此之行。又我所當安心學習者。汝曾勸人救人否。在未經勸救之先。就該預備苦難及身。定不得要動所勸者之怒。要受所救者之害。因耶

蘇亦在所救者之手而死。若汝係情願學習之人。幸蒙苦難。就該學習。不該報怨。致命聖人依納爵有言。此時纔起。是耶穌之徒。一。耶穌之師座。就是加爾瓦略山上之十字架。耶穌之師訓。就是受苦受死。蓋以身以行爲訓。不似他人托之空言也。先師爲汝而死於十字架。汝學耶穌而反怕死。請看耶穌座下。可有怕死之門人麼。汝旣欲同耶穌享福。不該先受耶穌之苦麼。天堂內。可有不曾受過艱難困苦之聖人麼。

當務之求 爲外教人棄邪歸正

祝文 懇祈全能天主。我敬憶爾聖雅各伯致命誕日。賴


其轉達。使我剛健於爾名之愛。爲爾子耶穌基利斯督。亞
孟。

聖年廣益

冬季十一編

二十日

一百六十二



○二十一日

聖歐西爵 顯修

警言

勿藏汝賄。勿窖諸地。在地銷敗。蠢騎賊奪。聖經

聖傳

聖歐西爵係拂郎濟亞國人。雖屬世家。無多豐產。父母熱心敬主。聖人篤信追隨。嗣值歲荒。支持無策。有關顏面。遠避異鄉。情願鬻身。救父母之饑寒。二親不忍。聖人心內更難。自投聖瑟物。令修院。陳明賣身本意。聖瑟物令知有天主命。留居役使。併許父母終身之養。從此感恩供職。神樂

聖年廣益

冬季十一編

二十一日

一百六十三

心安。一年後。聖瑟物令見聖人良善性成。順從謙忍。脗合修規。卽拔舉修道中辦事。先管庖廚。後管牧養。蒙主助佑。倍勝於前。且數顯靈蹟。一。護牲之犬。被人毒死。聖人命噬牲而來之狼。代犬護之。一。餅窰失火。聖人入火取物。並無傷害。聖瑟物令目覩其奇。必係天主寵愛之人。命習神規。擢居神品。專司院庫。事縱冗繁。加工苦尅。默想諸工。晝缺夜補。常守嚴齋。不離苦服。繼因事多心散。求聖瑟物令准避塵囂。專精神業。旣蒙允命。往大山中。架樹爲篷。作棲身之室。旁有蜜蜂數窩。爲日用糧。數年於茲。深思天主愛人之恩。身後之永賞。永罰。有數次以聖號救人患難。遠邇傳

聞。聖人恐生他患。仍回舊院。此係天主之默啟。因聖瑟物令不久升天。公舉聖人接位。屢辭不獲。勉強順從。謙上加謙。忍中加忍。善良之德。大服衆心。年已及暮。天主預示終期。全領教中諸禮而逝。時天主降生後五百四十二年。

宜行之德 幻世謹防

聖恩 一。天主生育萬物。原爲引人常享天主之福。人能善用之。天上預備之福。必有常享之時。但因原罪之舊污。深入人心。又加以本罪之害。眼前萬物。不獨不能引人爲聖。且不肯許人爲聖。此不肯之權。不在物而在人。亦不在別人而專在用物之本人。今汝之用物何如。滿腔貪戀之

心。竟不許一隙之地。轉瞬之時。上愛天主。怎麼說得能引汝心享天主之福。一當知萬物之內。有賞心樂意者。有誘行岐路者。亦有引歸正道者。賞心樂意之物。雖然美好。愛亦無罪。然未免流而不返。阻我愛主之情。必以離開爲上策。若誘行岐路者。猶該拒絕之。但此拒絕離開。談何容易。其難其苦。變態靡常。然能因苦因難。而引汝本心歸於正道。合天主之意者。必該隨之。雖有苦難。亦不覺也。一既知天主之恩佑。可能挽回萬物之害。倚靠人力。斷乎不能。則聖佑神恩之關係。大莫大焉。汝之永福永安。必從此關係而得。還不該小心隨順麼。莫汝自生至今。已虛度多

年。只看後來。作何主意。

當務之求 爲外教者


祝文 懇祈全能天主。爾聖歐西爵精修主教。每年瞻禮。
加吾心虔而體安。爲爾子耶穌基利斯督。亞孟。

聖年廣益

冬季十一編

二十一日

一百六十五



○二十二日

聖女則濟里亞 致命

警言

吾主救世之寵。已顯於衆。訓吾儕。聖經

聖傳

聖女則濟里亞。生於羅馬都城之貴族。儀容端雅。家學淵源。年甫成童。守貞自矢。父先早世。母未知其夙願。許字於名門。至期婚配。聖女無計脫身。乃語其夫哇肋里曰。我要言。汝弗洩露。我誓志守貞。終身不嫁。蒙天主特賜一天神。左右護持。倘汝敢於褻瀆。恐遭大禍。若以兄妹潔情相

聖年廣益

冬季十一編

二十二日

一百六十六

待。汝亦得沾寵澤於無窮。哇肋里驚疑不定。回云。此言不能輕信。使我親見爾之天神方可。聖女曰。病眼安能瞻旭日之光。汝欲見之。須先信天主。領洗滌罪。否則無望也。哇肋里卽往復辨問。明悟漸開。亟求領洗。時國禁甚嚴。司教及諸修士。俱隱居郊野。聖女指明往晤。司教欣感無似。攜入後庭。忽見一人。狀貌偉然。衣白於雪。手授金書一冊。哇肋里惶懼倒地。白衣人寂然不見。蓋係天神借形以顯示者。司教扶而慰之。將金書捧讀。略曰。天地惟一正主。修身惟一聖道。入道之門。惟一聖水而已。讀畢。豁然大悟。卽誠心求付聖水。司教詳陳精奧。歷數晨夕而歸。入室適聖女

正務神工。見天神借嬰兒像。手握二花冠侍立。卽悚然伏叩。天神以二冠分送曰。此非世間凡物。乃天上香花所成。久香不散。久艷不凋。目不淨者。不能見也。吾主耶穌。爲表汝賢夫婦之潔。故錫此嘉美。又向哇肋里曰。因汝深信婦言。天主遣我顧慰。任汝所求。天主無不樂從。哇肋里不勝感激之至。回云。我無他願。惟有一弟。愛之甚切。若得棄邪歸正。吾願足矣。天神云。爾弟卽來。不煩過慮。且喜爾昆仲。將爲主立功致命。言畢不見。弟名抵布。忽從外入。聞香甚奇。兄語云。此係天上降來奇花之香也。弟復叩其來歷。兄遂乘機講勸。此時抵布蒙主寵恩。傾心誠服。棄邪歸正。亦

蒙天神臨慰。從此二昆仲。化衆施財。善名普著。事聞於官。拘拿審究。歷受艱難。不屈不移。竟以終刑致命。聖女聞之。幸甚。殮葬淨區。遺資盡散於窮人。官知家道素封。卽拘聖女嚴追。聖女云。財已藏於窮人之手。安然無恙。堅固無虞。他人不能得矣。官大怒。勒令反教。否則大不利於汝身。聖女曰。棄真主而奉鬼魔。大不合忠孝之理。我若盡忠盡孝而死。何不利之有。官怒益增。命役牽至廟中邪像前。如抗違不拜。卽斬之。途中刑役。惜其輕生。多方解勸。聖女告以正邪真僞之來由。示以輕重暫恆之苦樂。刑役及旁人。共四百餘。齊聲感服。聖女又詳言之。請司教付洗。官聞此變。

忿怒非常。投聖女於蒸室。使鬱悶而死。豈知盡一晝夜。平安無恙。官令刑役入室斬之。手持利劍。三斫其頸。略無傷痕。役皆驚懼而退。因聖女求主賜寬三日之期故也。此三日內。勸勉被化之人。勿以苦難爲凶。司教夜深入見。聖女叩謝曰。吾之求緩須臾者。欲將內外資產。盡施貧乏。欲將居室。作事主之小堂。今托付得人。何幸如之。司教俯躬允諾。既滿三日。氣絕而終。時天主降生後二百三十二年。殮葬時。負魔患病者。赴墓求恩。無不立愈。

宜行之德 謹依聖佑


聖思 一。天主賜人聖佑。以救靈魂。人若小心承受。無不

知之。前恩果能承受。後之恩佑更加。聖哇肋里雖係外教。許聖則濟里亞同守童貞。主卽加恩。亦蒙領洗。亦蒙致命之榮。今該汝得的聖佑。不知多少。汝皆昧昧無知。輕輕放過。旣無聖佑。必多魔誘。近魔誘者。必愈遠於聖佑。由是以觀。可知本來聖佑不少。就是汝少聖佑耳。一。能受天主之聖佑。必以無難爲難。必以無苦爲苦。從來聖人於萬苦之中。有莫大之樂者。皆由此而得也。所以苦難忽來。不獨不慮其苦。惟慮其苦之輕。苦之少耳。俗人不然。萬樂之中。不獨並無一樂。且先有萬難。後有萬苦。其相反如此。由是以觀。汝爲何不謹依聖佑。而樂聖人之樂。一。汝若不謹

依聖佑。關係匪輕。因天主預備之聖佑。不肯虛懸無着也。卽轉賜他人。與汝無干矣。請看如達斯失了聖佑。卽轉賜於聖瑪弟亞。今彼在地獄中。明知聖瑪弟亞所居天堂之位。係已應居之位。因不依聖佑而失。由是以觀。汝將來永遠之賞。永遠之罰。其或得或失。皆從肯依聖佑。與不依聖佑而來。這關係還輕麼。

當務之求 爲教中婦人女子

祝文 天主。爾德能靈異之中。不棄弱女輩。賜致命榮勝。懇祈吾等慶爾聖則濟里亞致命童女誕日。因其遺表。躋爾臺前。爲爾子吾主耶穌基利斯督。亞孟。



○二十三日 聖格肋孟多 教宗致命

警言

呼左右。繫厥手足。置之外冥。有哭。有切齒所。聖經

聖傳

聖格肋孟多。係羅馬都中之宗室。素有才德之稱。聖保祿宗徒傳教至都。聖人聞風欽服。既而聖伯多祿宗徒亦至。聖人歷奉几筵。多精神業。及二位聖宗致命。重任原悉托於聖人。因聖門尙有高年之理諾。及隔肋篤二人。故辭讓不居。俟二人謝世。始承教化之任。家產盡濟窮人。隨方設教。國王迷於異端。不容正教之人。或流徙。或拘拿。往往加

聖年廣益

冬季十一編

二十三日

一百七十

以重苦酷刑。聖人竭力救援。生前慰其憂。振其弱。資其日用。歿後葬其遺骸。傳其功德。行之既久。神化日興。魔徒妬恨。謀絕滅之。官知聖人乃宗室之尊親。未敢藐視。惟以好言勸改。聖人將真偽之原。反復辨明。官頗允服。奈朝議不容。照例遠流。官又勸之。聖人回云。爲義而遭窘難。是真福也。豈有賜我真福。我反背主忘恩。以取真禍哉。隨寓而安。何煩重慮。所可傷者。汝已略知真偽。不能勇於決擇。我甚惜之。官惟感泣。遞送出洋。友人門弟爭從。聖人惟攜數友。至半多地方。有先年安插之教中人。二千有餘。不期而遇。私相慶慰。聖人雖本來柔弱。樂與衆人同居賤役。以爲敬。

業樂羣之勸。是地無泉。汲水六十里外。聖人因衆人之請。率衆共祈。一羊舉足示之。聖人畫十字聖號。令人掘土。水湧如濤。源源不絕。衆皆驚異。教化大行。每日計付洗五百餘人。甫及期年。建堂七十有五。總王聞之。遣官奧費。前行禁止。初因不改。拿究多人。繼防民變。釋放寧家。獨請聖人相見。欲以僞理屈服聖人。聖人義正詞嚴。無能巧辨。請命於王。着用大鐵釘繫之。投於深海。永除其跡。士民有知者。莫不哭隨。刑役將聖人投海訖。士民猶瞻望不歸。忽然海水倒退十五里有餘。直至聖身所沉之處。正如陸地。衆共欣欣趨視。見一小殿。係天神新建者。殿內供有石棺。殯殮

聖軀於內。鐵釘繫繩等。置於棺旁。衆皆感叩主恩。愈增信德。人皆散盡。水始復原。時天主降生後一百二年。嗣後每年聖人致命日。水必退乾。顯明聖殿。定期八日。容人朝禮。數年後。有婦攜兒往拜。期滿水回。勢迫急奔。未攜其兒。自悔稽遲疎忽。覓屍無計。候至次年聖日。俟水一退。爭先趨往。見兒安臥殿旁。亟抱入懷中。啼笑如常。問其一年何以度生。皆不知也。惟熟寐而已。似此靈奇。實聞所未聞者。至每年八日內。如瞽者明。聾者聽。跛者行。病者愈。不可勝紀。負魔人。或手撫聖人之棺。或口吸殿中之水。魔卽遠遁。不朽神功。從未有盛於此者。

宜行之德 退懶惰

聖思 一。懶人。天主重罰者。人生極短。爲何以懶失之。不懶。邪魔不能誘惑。汝今隨自己愛閒之心而懶惰。不肯顧靈魂之關係而出力。請問世後事。將如之何。難道不願升天麼。若願升天。此時不發憤。欲待何時。一人之懶惰。從何而來。必因靈魂之關係。無人強逼。又覺煩難。得一刻空。樂得快活一刻。此卽養懶之根。再此根從何而來。必因眼前不想天主威嚴無似。公義難逃。故也。倘聖業同於凡業。神工緊如俗工。汝敢懶惰麼。一。倒底必有一日。不能辦理聖業神工的時候。此時已不得立功天主臺前。越多越

好。爲何不將此心。預支於今日。每見世俗之事。預支者甚多。豈靈魂之事。獨不可預支乎。許多德行善言。俱置之不問。天主於世初所備汝之光榮福樂。俱棄之不顧。究其不問不顧之心無他。惟因一懶惰而已。人因懶惰而受饑寒。不獨衆共辱之。自己亦覺赧顏。汝因懶惰而失眞福。這無恥之恥。與永苦相連。何以懶爲。

當務之求 爲教中亡者

祝文 全能天主。垂盼吾劣。爲本行重任屈壓。賴爾聖格。肋孟多致命兼教宗轉達。得厥護翼。爲爾子耶穌基利斯督。亞孟。

○二十四日

聖吉所阿諾 致命

警言

予用大能舉揚爾。爾舉我懸十字架。聖經

聖傳

聖吉所阿諾。係羅瑪府人。聖教不平之初。卽拘拿監禁。歷二年之久。苦難言述。時有聖婦亞納斯。大西亞常常照拂。但聖婦之夫。篤信異端。聞有此行。愈增其苦。嚴禁飭之。聖婦寄書以訴其苦。聖人回云。天主無所不能。此苦不久自平。須暫時忍耐。望救於耶穌可也。聖婦得此回書。雖心安

聖年廣益

冬季十一編

二十四日

一百七十三

神樂。而夫之嚴厲日加。甚至斷其飲食。監入牢中。聖婦又以此情相達。求聖人轉祈。聖人回示云。天主以苦難淨汝之靈魂。故暫緩須臾。不令卽死。併可望汝提救同在獄中之人。未幾。汝必爲主致命等語。聖人在監。不獨寄書慰此聖婦。往往於劇苦萬難之中。忘其艱窘。惟知講道勸人。堅固衆心而已。總王聞知。差員提問。若能引其背教。餘皆易易耳。遂以富貴榮華。高官厚祿誘之。後知無濟。卽用重刑。終於斬決。時天主降生後三百三年。

宜行之德 痛悔宿愆

聖思 一。耶穌苦死於十字架。非如達斯非蓋法非比辣

多亦非如德義。就是我們罪過之故。天主耶穌基利斯督。在十字架。受苦至死。以補贖我之所犯。我還不肯痛恨我罪。又不肯願受艱難。且不肯感恩戴德。愛慕耶穌。算得是人麼。一。還該知道。釘耶穌於十字架。不單單只有一次。每日每日。以我罪過。苦之。釘之。難道從前所受之苦。不滿汝心。汝因一朋友。一小樂。或些須之富貴。或偶然之體面。從新釘耶穌於十字架麼。汝若不肯承認此等惡心。爲何情愿犯罪。聖保祿云。犯一重罪之人。卽係復來。釘死耶穌之人。汝竟放心樂意。不知悔改。算得是人麼。一。還該知道。耶穌受再釘之苦。比前更重更惡。因先前只有一次。而

今普世上。就一日而論。不知多少重罪。加耶穌之苦。且如德義當時原不知爲天主。今汝明知耶穌是主。信之。敬之。又敢如此鈔之。將耶穌寶訓。勸汝不該犯罪。情愿代汝受苦。立功之大恩。俱付之不問。算得是人麼。

當務之求 爲有重罪者

祝文 懇祈全能天主。我敬憶爾聖吉所阿諾致命者誕日。賴其轉達。使我剛健於爾名之愛。爲爾子耶穌基利斯督。亞孟。

○二十五日

聖女加大利納 童身致命

警言

予將與爾。語言且智。凡爾仇敵。弗克抗。聖經

聖傳

聖女加大利納。係厄日多國所屬立山郡內王族之女。才貌兼優。未蒙聖洗時。夢聖母手捧耶穌嬰體。聖女欲向前接抱。拒以舊污未淨。領洗後。如前再夢。耶穌欣然容其撫持。如受定心至寶。值國王命衆邀福於邪神。舉國若狂。聖女年方十八。挺身入見。直陳我王所崇神像。係已死之人。

聖年廣益

冬季十一編

二十五日

一百七十五

生前爭篡欺淫。肆無忌憚。王何知之而反敬之。吾聖賢所尊無始無終之天主。顯造化以奠乾坤。展經權而施救贖。古典今文。羣奉一元真宰。奇能靈蹟。共徵再祖維皇。明人莫不信從。効死未能仰報。王何聞之而反疑之。朝中上下。捫舌無言。暫收聖女於內廷。查其來歷。訪其人才。本屬懿親。精通理學。聖女不以此爲榮。回云。世間富貴才華。時長時消。無關輕重。惟正教之積功累德。不變不窮。纔是正經體面。王因應對如流。特選名儒五十人。命其辨論。是夜。天神降勉。囑令仰仗主能。不獨五十人信服。次早官民羣集。五十人內。首推一老宿。有德有言。不料邪難勝正。聽聖女

精微奧旨。惟唯順從而已。其餘四十九人。莫不真心悅服。俱稱臣等。非因才短。不敢再言。實因理正。不肯強辭奪理。王卽怒甚。將五十人舉火焚燒。聖女勉其悔罪定心。五十人跪聆指示。深痛從前枉稱博學。幸聞淑女名言。方知人物之真原。情愿以身証主。遂欣然入火。教中人深夜往收燬骨。五十人身體毫髮不傷。全美如生。敬收殮葬。歸化愈多。王復百計誘之。聖女云。志已早決。任憑刑戮。王怒愈增。命赤體重鞭。人見血流滿地。莫不痛心。聖女並無難色。鞭訖。禁錮牢中。斷其飲食。豈知法能禁人。不能禁物。每早。白鴿啣糧入獄。且常有天神撫慰。如此危急存亡之際。大

將頗而斐略率兵二百名。保護后妃。乘夜進監。領洗入教。國后回宮。耶穌顯臨。勉勵。至十二日。未曾餓死。又有頗而斐略之行。王怒愈深。特造虐刑。中豎巨木。以綁聖女。旁用四輪。以施利刀。輪轉。則刀鋒交錯。鋒交。則骨肉盡糜。惡計雖兇。難當主佑。未曾動手。天神斷索。散輪。飛刀旁中。左右被傷者甚多。衆觀其異。竟有不畏酷刑。歸化者。惟王執迷更甚。欲換刑洩忿。國后出宮直諫。不獨不能挽回。着同頗而斐略等二百人。併聖女。俱立斬。國后引頸樂從。聖女一聞命下。喜顏謝主。併求遺體。弗遭踐辱。遺名得爲主保。現在衆人。開其蒙蔽。求畢。受刑。頸痕無血。惟流清乳。時天主

降生後三百七年。天神親捧聖屍。葬於錫乃山。墓上常流香液。可痊百病。後有如斯弟國王造堂立院於墓前。

宜行之德 謙讓

聖思 一。聖女加大利納。自幼卽獻童身於天主。爲保童身。寧受酷刑。雖誘以國后之尊。弗顧也。如此潔德。纔是負形之天神。可稱耶穌之眞友。亦係聖母瑪利亞之親女。雖然在世。竟如聖人之在天。我等起敬起愛。不亦宜乎。一。聖女天堂之爵。豈特貞潔之榮華。亦得聖師之高位。因其講論。能使博學甘爲弟子。先聖女而升天。變化人心。鮮有若斯之神速者。由此觀之。可知學問聰明。莫非天主所賜。

聖年廣益 *** 冬季十一編 二十五日 一百七十七

請看聖女。雖晝夜攻書。爲日無多。而能以正道。屈服老成宿學之非。此豈本人之才智耶。皆由天主之聖光寵照而來。聖光之在人。若火藥之在炮。得一星之火。猝然震發。聖光之神速亦然。得汝一點發憤。有爲之聖念。則寵照必從此來。又不僅五十人信服矣。凡居童貞之位者。始基於幼年。若居聖師之位者。皆可勉而至也。汝於別事。則娓娓而談。獨至講道勸人。反啣口結舌。隱忍不言。是誠何心。一聖女之聖。童貞顯其德。聖師顯其才。致命顯其功。惟聖女之致命。不比尋常。本屬懿親。加以大君之愛慕。何難居人世極尊之位。享大邦全美之榮。專爲致命於耶穌。故全棄

之。可知天上所授致命尊榮之位。必與平常致命聖人。大不同也。汝到其間。亦肯追隨否。縱或身際昌期。未有致命之望。若真心想得此恩。不必刀棍及身。肝腸塗地也。惟退除世樂。輕視世財。苦辱自甘。不圖體面。有聖奧斯定之言。此係致命之一半。然則完全致命者。有得有不得。一半致命者。無人不得。無時不得也。汝今只爲一點便宜小利。就不怕得罪天主。還開口高談致命。難矣哉。

當務之求 爲教中婦女

祝文 全能天主。爾於錫乃山。授十誠於每瑟。今衆天神於錫乃山。捧聖加大利納致命童女之聖屍。亦營葬於此。

山。我等後人。遙望聖山而追隨。恐後。惟依賴聖女之功勞。
主保我等。俾能登耶穌崇高之聖山。獲享永遠之眞福。亞
孟。

○二十六日

聖伯多祿 主教致命

警言

子實門人倚予入。必升天。聖經

聖傳

聖伯多祿係亞肋桑得里亞府之鐸德。本地主教謝世。衆共舉之。卽位後。正值總王禁止聖教之時。聖人爲救濟教中。無事不爲。無苦不受。亦欲借此預備本身之致命。教衆以失去主教爲憂。求聖人暫避其鋒。聖人初聞此請。執意不從。轉想此行。教中必多連累。遂晦跡潛居。二年有餘。常

聖年廣益

冬季十一編

二十六日

一百七十九

行各地。併密入獄中。慰其心。助其力。若旅次外方。必寄書訓誨本處之教中。迨後過歸。見本地背教人。勸其悔改。又傳齊鐸德。定此背教人補贖之罰。內有數人。聞知罰例甚嚴。頓起反心。鳴之於官。聖人又乘機遠遁。但心中難忘本地之教中人。居無何。仍回故里。竟被差員拘拿入獄。獄中教友甚多。聖人慰之訓之。時外人多有求官速決者。城內教中人甚衆。來往監中。蓄心謀救。官恐衆人鼓譟。乘夜於牆孔中。將聖人取出。行至聖瑪爾谷爲主致命之地。斬決以終。時天主降生後三百十年。

宜行之德 倣效耶穌

聖思 一。耶穌所行之路。乃引人升天之要路。走此路。一
直升天。此路是何。是卑。是賤。是苦。是難。最直捷爽快。最簡
易明白。除此之外。並無別路可能升天。若不肯走此要路。
妄想別路。亦可升天。大錯升天之路。汝今如何。肯隨耶穌
於山園否。肯負十字架於山上否。肯釘死自己於十字架
否。汝肯如此。纔是一個肯升天的憑據。若至今未曾走此
直路。是明明不肯升天。如何是好。 一。耶穌遺訓。至真至
實。其言曰。神貧者乃真福。泣涕者乃真福。苦難者乃真福。
俗訓不然。皆與耶穌相反。孰是孰不是。孰錯孰不錯。憑汝
信心定奪。今汝既信耶穌爲天主。難道天主之言。可有不

是的麼。必定世俗錯了。然明知如此。還愛之隨之。可是正經善法麼。一。耶穌降生。爲養人之靈魂。養必有糧。爲此立聖體大禮。以爲靈魂之糧。今汝如何領受以養靈魂。會知此聖味否。人人俱愛肉身暫時之生命。爲何不愛永遠常生之靈魂。汝果愛得常生。必該做法耶穌之行。不然。雖愛無益。

當務之求 爲仁愛聖所

祝文 全能天主。垂盼我劣。爲本行重任屈壓。賴爾聖伯祿多致命兼主教轉達。得厥護翼。爲爾子耶穌基利斯督。亞孟。

○二十七日

聖若撒法 國王苦修

警言

我語爾。以惡瑪滿。積之朋。謝世時。彼引爾使入於永福。
聖經

聖傳

聖若翰達瑪瑟諾。親述聖國王若撒法事實。略曰。聖若撒法。係東印度國國王之子。生後。父集精通排算生辰之術者。算之。皆云。儲君多福多壽。內有一人。天主使之說明。後來實事。回云。儲君稍長。必奉天主教。且熱心最甚。此時國

聖年廣益

冬季十一編

二十七日

一百八十一

禁正嚴。教中多遭刑斃。驟聞此語。心甚不平。遂設法預防。育於深宮。不令外出。孤心腹人。用技巧以樂其心。禁止旁人。不許在儲君前。說死。說苦。說貧。說天主耶穌。惟年漸長。知識已開。總慧過人。自思境界甚寬。他人俱聽其出入。爲何我獨不然。問之於師。師卽以術士之言告之。大動聖人之心。父子相見時。卽訴云。此間憂悶之至。毫無喜樂。求父許我出外。逍遙數次。庶幾心曠神怡。保全生命。此言雖與王不合。轉慮後來病發難痊。又無別子。強勉俯從。密諭從人。不許看苦難貧窮。老病死亡之類。與天主教人。從者凜遵防禦。不意行至中途。一麻瘋。一瞽目。一老人。扶杖而前。

聖人卽向從人詳問。知人生在世。不出百年。疾病災傷。係常有之事。真僞了然於心。時有苦修聖人巴爾郎。蒙天主默啟。命前往指明。聖巴爾郎更換苦衣。扮爲商賈。行至印度。趨赴宮門。覓師引進。向師云。我有一寶石。能治瞽。治聾。治啞。兼治百病。凡所願之事。無不得心應手。煩爲轉達。師卽據詞入告。聖人喜盈於色。速令進宮。旣至。聖巴爾郎曰。此係非凡重寶。人前難以輕視。聖人卽屏去左右。聖巴爾郎前席而言曰。我所言之寶。就是耶穌。從前至後。細細講明。聖人蒙天主聖佑。大動熱心。留居數日。領洗入教。禮畢。示以進修之工。訓以輕世俗。報主恩而別。宮中有第一位

師名爾撒爾。且將儲君與客商密談數日。勸進天主教之事。上聞於王。王卽命近臣哈辣石捕拿巴爾郎。遍搜無獲。請將各處苦修人盡殲之。王憂莫解。哈辣石轉生一策云。離此不遠。有一邪法人那朔。貌類巴爾郎。此人雖行邪法。素明天主教之理。請王會齊明人。使那朔假做巴爾郎。與之辨論。儲君見巴爾郎無能強辨。自然容易挽回。王從之。奈教中人甚少。惟一人名巴辣加。挺然來會。儲君見假巴爾郎。果不能分晰。叱云。汝該記得勸我背棄邪神。引我欽崇天主。因而動我父王之怒。今此時更當緊要。汝能辨服衆心。於汝有光。於我可無阻礙。汝若理屈辭窮。不論孰真。

孰僞。我必親手剜汝心肝。喂犬。那朔心慌。卽定志用天主教正理。同衆異端人辨論。天主聖意。要用此假冒聖教之人。以明教理之真。所講天主造世救世之源流。左道邪魔之虛妄。雖異端羣集。並無片言回答。且棄邪歸正者。不啻過半。那朔自己亦痛悔前非。革心向化。王見所謀敗露。愈增憂鬱。又有邪術人頭達獻計云。聞彼教規。務期潔淨。今將儲君侍從之人。盡選美女代之。人之大欲。少有孑然無累者。果爾。其心不勸自回。王以爲然。揀選美女數十。又聘鄰近國君之女。華美非常。囑令入宮。若儲君樂意。卽婚配爲妃。加以陪侍諸鬟。百般嬌媚。狂波險浪。難保瓦全。豈知

數日之中。聖人惟默想誦經而已。垂首凝眸。捫舌無言。國君之女。見事勢難諧。正色檢容。求明聖教精微。此爲聖人最難之誘感。因救一靈魂。關係匪輕。彼旣有意求明。安可棄而不顧。又恐對面久談。慾情必起。變壞本心。只須頃刻。輾轉籌躇。伏地哀號。求主加恩憐憫。旣而神疲熟寐。耶穌顯於夢中。命看預備所居之地獄。聖人倉皇驚寤。從此閉目齋居。女輩往來。絕無顧盼。惟將所見地獄之刑。存注於心。遂致積憂成病。王聞之。親來慰諭。聖人明告曰。父欲平安我心。許我離俗。往巴爾郎所居之處。王竟茫然無措。問計於頭達。頭達云。求王許臣往辨其非。及相晤時。聖人賴

天主聖佑。大動頭達之心。回家。將邪術之書。盡行燒毀。偕同那朔往苦修院。補贖前罪。王見此景象。無計可施。而愛子之心愈切。哈辣石曰。欲使儲君心散。全在事務冗繁。奉事天主之心。必因而疏遠。何不分國土人民之半。聽其治理。此時一日萬幾。無暇問及教規矣。王卽允從。分爲兩國。另建都城。在廷諸臣。願往者。准其扈蹕。聖人不樂爲王。借此可廣揚聖教。故俯順之。入都之始。首廢邪廟爲主堂。勸諭士民速歸正道。一時進教者。不可數計。從前避難之主教。鐸德及教中人。俱慕義來歸。聖人親自賓迎。禮遇最隆。托以傳教救靈之重務。其最難得者。病人領洗後。無不立

愈。其最難行者。聖人之刻身苦已。良善耐心。撫恤艱難。施
恩貧乏。俱爲當務之急。有此二難。故廣揚甚易。且聖人統
轄之地。年皆大有。人盡平安。道無凍餒之民。乃父國中。連
歲凶荒瘟疫。地方爭鬪不和。自覺邪廟無靈。悔悟前非。傳
諭聖人。問進教之始。該行何工。聖人欣然感泣。卽謝主起
程。親來膝下。陳明緊要之理。於衆臣庶前。供奉耶穌苦像。
毀去邪廟僞神。然後領洗。名亞本訥。奉教四年而謝世。此
四年中。無時不苦痛悲號也。聖人營葬時。七日未離棺櫬。
水漿點滴不沾。常哭常求。庫帑金銀。盡作哀矜之用。守孝
四十日後。齊集羣臣。示云。我先立愿離俗遁修。隨耶穌之

苦難。而今正係當行之時。汝等另立一位爲王。衆皆跪叩
哭求。萬不可行。聖人見輿情急切。慰諭而退。密語巴辣加
云。汝當接我王位。時巴辣加勝於劈雷震耳。悚懼固辭。聖
人手書一諭。留與諸臣曰。爾等小心恭敬天主。事有經權。
可立巴辣加爲王等語。遺於案上。予身潛去。居無何。臣民
咸知其事。四路飛追。一見聖人。跪求再四。聖人曰。汝等欲
我隨人之意。不肯許我隨天主之意麼。不得已。同衆回朝。
齊集諸臣。手指巴辣加向衆云。汝等勸我無益。此係我所
立汝等之王。語際。卽冕服加身。強登寶座。諸臣朝賀如禮。
聖人求主福佑。俾聖教日興。國家平順。又勉勵新君。勤行

本分。語畢。徒步出都。臣民追送者。不可數計。俱隨路遣回。衆人離別後。遇一貧病人。解衣更換。不用行李。不用銀錢。所食者。惟野蔬清水而已。間關前進。望投巴爾郎之地。有時軟弱難行。專倚靠愛主之堅心。雖苦不難。二年始到。聖巴爾郎收爲門弟。但其行事。更苦於師。往往不食不眠。誦經默想。習以爲常。苦中神樂。日盛月新。未幾。天主大恩。默啟聖巴爾郎。使知聖人終世之期。遂向聖人說明。聖巴爾郎卽舉行彌撒。送聖體。至向衆畫聖號。聖人氣絕而終。葬後。聖巴爾郎微寐時。見聖人親來相告曰。天主賞我。先升天國。以迎我師。我師隨後。亦如此升天。按聖巴爾郎苦修

六十載。居此三十五年。臨終。天主默啟一苦修人。前來殯葬。迨後國王巴辣加聞知。車駕親臨。迎歸二聖屍。葬於本國之聖堂。

宜行之德 輕世

聖思 一。聖巴爾郎離苦修之處。扮爲貿易。以救人靈魂。今汝爲救自己的體面。或救親友的身家。往往無法不用。爲愛天主。不是畏難。就是怕苦。必係愛德不真之故。聖熱羅尼莫曰。愛主者。沒有不苦之處。肯行者。必無難爲之處。

一。聖若撒法聽天主命。信聖巴爾郎之言。卽領洗。卽默誦。卽守齋。卽着苦衣。所以邪魔世俗之害。俱不及其身。除

此捷法。少有不獲罪於天主者。汝能效此而行否。爲望天堂真福。不可虛望。該少睡以多求。苦身以尅欲。減味以嚴齋。如此工夫。只恐不及而缺遺。斷不能太多而重疊。一聖若撒法見國中聖教。已經廣揚。卽辭榮去國。往求苦境。以仰邀天主之寵愛。蓋明知主寵不及於有罪無功之人。若不預備。如何望得。今汝所做者何事。爲世俗。爲功名。爲身家安樂。爲學問優通。不知費了多少氣力。難道此等事情。可比得靈魂永遠之事麼。失去靈魂。並無救法。若不及早回頭。尙待何時。

當務之求 爲迷於世俗者


祝文 天主。以爾聖王若撒法。不貴世之所貴。保全已之
真。貴於無窮世。懇求天主。使我等追隨聖表。惟務已之真
貴。爲爾子耶穌基利斯督。亞孟。

聖年廣益

冬季十一編

二十七日

一百八十七



○二十八日

聖撒都寧聖西細諾 致命

警言

晝夜默維主典。時結其實。聖經

聖傳

聖教不平之日。聖撒都寧在羅馬都中。周旋教友。因被捕拿。凡到官者。勒當苦役。聖人年老力衰。難滿所差之本分。時有一富足之教友。派人送食充饑。卽聖西細諾暨隨後亦皆致命之西利亞哥及辣爾阿及斯瑪辣多等。一經知覺。俱被獲當差。此數人。年富力強。本差之外。餘力可擊老

聖年廣益***冬季十一編 二十八日 一百八十八

幼。聖西細諾代聖撒都寧之力。雖汗流浹背。樂此不疲。監
工者。每嘉獎之。懼王查察。據實上聞。王命聖西細諾至前。
問以苦中歌樂之故。回云。我係拜天主之人。故咏歌天主
之光榮。王曰。汝當從我之命。拜我所敬之神。不然。我且苦
死你。再問你是誰。聖西細諾欣然奉覆曰。此係我之大福。
耶穌專爲救我。全身之血。盡流注地。今以我血報其恩。非
我福乎。王無他語。只禁其勿言。交官究治。官卽監入獄中。
越十七日。命司獄亞波羅年解官聽審。見大光圍繞聖身。
空中有聲曰。從開闢預備之榮冠。今該戴於汝首。亞波羅
年目覩耳聞。大動熱心。跪求領洗。聖西細諾卽准其付洗。

赴主教聖瑪爾瑟里諾之前。堅振。午後。解送到官。亞波羅年卽訴明信主情由。官大怒。立將亞波羅年斬決。仍將聖西細諾收監。時聖撒都寧亦在監中。二聖神樂非常。講道勸人。亦有幾人付洗。官命二聖向邪像燒香。聖撒都寧曰。求天主碎此哄人之像。祝畢。邪像香爐自成齋粉。一兵名把必。一兵名貌祿。目見此奇。大聲曰。此人所敬者。實爲真主。官置若罔聞。將二聖赤體鞭笞。身無完膚。二兵直諫曰。爲何如此非刑。官遂重責二兵。一併收監。越數日。先將二兵打死。後卽斬聖撒都寧。聖西細諾於法場。時天主降生後三百三年。

宜行之德 忍耐時苦

聖思 一。拜天主之人。若用沒奈何三字。強勉而行。就是立德立功之材料。卽如四時之苦。或冷或熱。雖與心不合。無法離開。何不受而無怨。忍耐自甘。此係現成功德。未嘗不可因其樂意順從。補贖前非。減少後來之煉獄。增加各種之神工。倘或一點熱。一點冷。俱不願忍受。請汝平心自問。從前所犯之大罪。非天主仁慈寬緩。此時不該在地獄麼。一。佔一毫世俗之便宜。圖一刻人前之體面。情愿受苦不辭。買賣當差。農夫工匠。雖手胼足胝。露宿風餐。無不向往直前。若此者。惟望所求如願而已。亦有無數善人。甘

受其苦。而所望不同。惟望耶穌之寵愛而已。彼豈出於人情之外乎。若猶是人也。爲何與衆不同。只因見之真。知一切耳。汝若不肯隨其表樣。是同苦而不同樂也。惜哉。一。耶穌在世時。世上之苦。沒有一件不會受過。馬槽之卑辱。厄日多國之逃亡。傳教訓徒之勞瘁。鞭撻茨冠之酷虐。三釘一戟。十字架之慘傷。自生至死。無時不苦。無處不苦。此係救汝者。爲汝受苦。至於此極。汝不該動心。隨此表樣。以救自己麼。若漠然不肯動心。還算得是耶穌之門弟麼。

當務之求 爲苦難者

祝文 伏望吾主。使我兢兢不間。敬憶爾聖撒都寧聖西

細諾致命得勝之榮。我力弗克以合。宜誠心崇敬。祈爾時
時將我恪恭微忱。爲爾子耶穌基利斯督。亞孟。

○二十九日

聖瑟爾瑟諾 主教致命

警言

今世子擬光明子。其智慧甚越此否。聖經

聖傳

聖瑟爾瑟諾奉聖格肋孟德之命。同弟阿尼削前往拂郎
濟亞國傳教。行至亞肋辣德府。各路分行。聖人取道往多
羅撒府。中途閱歷之地。卽勸人不少。旣至多羅撒。見民俗
淳良。樂聞正道。遂建立主堂。每日在堂講勸。數年之中。被
化者不可數計。聖人因聖教已經盛行。將鐸德聖巴布留

聖年廣益 *** 冬季十一編 二十九日 一百九十一

守此堂。自往旁伯路諾府開教。亦建一堂。崇奉聖母。以勸。以表。以靈跡。歸化之人。更盛於多羅撒。有一日。領洗至四萬餘人。未幾。往依西巴尼亞國多肋多府傳教二年。忽聞多羅撒地方。異端作亂。所留之聖巴布被害無存。聖人恐教衆倉皇。前來安慰。此時之勞苦。非筆舌所能狀。其萬一也。一日。街市徒行。經過邪神廟宇。其神時時靈異非常。忽然畏而不動。邪黨卽知此變。從聖人而來。定意害之。俟邪廟祭辰。惡輩牽一牯牛。入廟。路遇聖人。拿至廟中。勒令叩拜。聖人叱云。汝輩不知汝神之力。我奉天地萬物主之差。此等邪神。莫不畏懼。衆聽此言。咆哮不服。亦詈亦撻。縛於

牛尾策令前奔。遂致頭崩腦裂而終。

宜行之德 智德

聖思 一。正教人之智德。須將自己之行。盡束之高閣。只從耶穌所教之言。昏者必明。愚者亦智。若不認昏愚。自誇明智者。其人必無信德。更甚於本來之昏愚。今就世福而酌量之。如仕。如醫。如商。如賈。如工。如農之類。愚人則本業聖業。死守不移。智人則不然。必弄巧以從權。處常而慮變。迨其後。聖業既荒。本業亦失。智耶。愚耶。無他。因其行事不隨耶穌之訓。故爾。汝能隨耶穌之訓。由愚而智。是爲聖智。若不隨耶穌之訓。由智而愚。是爲賊智。 一。爲何不隨耶

蘇之訓。因不曾默想。汝若一日之中。費一二刻工夫。只想汝臨終不遠。眼前人物。都管不得。素有信德人。必預備靈魂後事。若說在世。尚有幾時。問汝如何知道。既不能知。何不把那時之智德。先用於此時。一。隨耶穌之訓者。所起一念之微。必然念念相隨。不獨言與行也。果爾。其效甚神。可除魔誘。可動悔心。亦可成就各項神工聖德。許多聖人如此。古聖方濟各常言。吾天主。爲我之萬物。聖女德肋撒常言。或苦或死。聖依納爵常言。天主光榮。若此之類。不一而足。汝若失去靈魂。雖盡得普天下之萬物。有何用處。此係吾主耶穌親口之言。舍此不知。而云聰明睿智者。未之

有也。

當務之求 爲世俗人

祝文 全能天主。垂盼我劣。爲本行重任屈壓。賴爾聖瑟爾瑟諾。致命兼主教轉達。得厥護翼。爲爾子耶穌基利斯督。亞孟。


聖年廣益

冬季十一編

二十九日

一百九十三

25†



○三十日

聖安德肋 宗徒

警言

予取榮於我等主耶穌基利斯督十字架。聖經

聖傳

宗徒聖安德肋係第一位宗徒聖伯多祿之親兄也。世爲漁父。而仁善性成。聞聖若翰保弟斯大名。時相過從。一日。隨侶偕行。適耶穌經過。聖若翰示其徒曰。此天主聖子。降生於世。救贖萬民者。聖人聞之。攜友往從。同耶穌至寓。快談終日。歸告其弟曰。經典所傳降生之天主。我已幸遇。卽

聖年廣益***

冬季十一編

三十日

一百九十四

率同往見。從此昆仲二人。俱受業於聖門。然未離漁業。一日。耶穌於海畔招之。始棄網捨舟。追隨罔懈。四方遠近之人。仰慕耶穌。不能上達。常求聖人爲之先容。耶穌有舉行之事。聖人必居左右。雖言行未曾備傳。然由此以推。可知聖人之功業。匪淺鮮也。耶穌升天後。宗徒公議分行天下。聖人由西弟亞國。周流得辣濟亞之鄰邦。又往厄肋齊亞等處。以信言實行。恩德靈奇。化人不啻千萬。猶憶各陵多郡內一叟。明告於聖人曰。我雖奉教。奈習於邪侈。七十餘年。未能遂改。身後之計。將若何。聖人憐之。嚴齋數日。祈主加恩。後令老叟守齋自儆。甫及半年。舊染漸除。神工日盛。

竟獲善終。又於他處。遇一少年。泣訴曰。小人不幸。遭母無良。誣我大逆。致我死刑。但我情愿受屈而死。聖人憐而慰之。代訴於官。官甚疑之。將予刑訊。刑役已經動手。聖人求主施恩。忽然雷鳴地震。官座俱傾。衆亦倒昏若死。聖人謝主大恩。令倒者復甦。惟婦正伏誣告之誅。一死不再生矣。因此威靈教化愈興。行至罷大辣那。新郡守厄日亞知士民大半皆從聖教。卽嚴禁之。聖人入諫曰。爾因判民之權。自恃其威。不思天上還有判爾之大主耶。官曰。聞爾毀廟滅神。不遵國禁。而私傳異道。可乎。聖人先辨邪神之誕妄。次明天主造化之全能。降生之仁愛。甘受酷刑劇苦。鈔死

於十字架之大恩。免人永禍。登之天堂。卽此十字架中。其德至廣。其味無窮。流俗人難知其深奧也。官以迂腐哂之。飭令改志。不然。請受所讚十字之刑。聖人回云。我願久矣。官無以應。囚拘獄中。士民欲強脫之。聖人苦諭而止。次日。官復提問曰。爾狂可去否。聖人曰。背正從邪。我不敢也。捨耶穌之教。而欲建真功。享永福。萬萬不能。所以雖死不悔。何去之有。官曰。愚民被汝蠱惑。罪難倖免。汝肯解散之。從寬發落。倘狂悖不遵。上刑必受。誰能救汝。聖人嚴飭曰。蓄此橫逆心腸。係早該受罰之人。今我多此辨論。望汝良心未泯。何反梗頑不服。欲陷我於惡。是誠何心。汝弗想我貪。

生懼死。當知性命出於天主。或早或遲。必歸還於主。今爲主而死於非刑。我功更大。汝罪更增矣。官聞之。勃然大怒。令壯役七名。輪班毒杖。肉爛血流。聖人談笑自如。惟知勸勉衆人而已。官見杖刑無益。命造大十字架。綁懸示衆。弗令卽死。聖人聞之樂甚。旣行。士民遮道哭隨。聖人多言慰勸。奮勇前奔。望見十字架。俯身叩頌曰。好十字架。好十字架。向爲罪人之刑具。自吾主耶穌卸死後。今爲可敬之至尊。可愛之至寶也。我所願得者惟爾。故無處不尋爾。無時不想爾。茲何幸。忽然遇爾。疾趨架前。自褫其衣。刑役肆意殘虐。細綁於架。豎立高懸。惡黨譏諷之。同教士民。感戰慘

傷之。惟聖人獨喜其福。雖連日高懸。非仰謝主恩。卽俯慰衆心。口未絕聲。聽者愈久愈多。信者愈堅愈服。官恐變起不虞。仍欲囚之。刑役舉手解縛。手卽痿廢。聖人恐離此架。呼顛耶穌曰。我雖不才。仰仗吾主。吾師聖德。幸收我於架上。忽見異光。從天照臨。環繞架前。頃之。聖靈從光內上升於天。賢婦瑪詩米辣。向受聖人之教。欲表其敬。厚殮聖屍。葬於新墓。官欲罪之。因士民鼓譟而止。鬼魔乘勢入官之腹。繞腸割痛。晝夜不寧。狂叫而亡。人皆感懼。聖化日隆。每年致命日。聖墓必流香液。可痊百病。液之多寡。可定年歲。豐荒。閱數百年。有國王感念遺恩。遷葬於京都。羣魔惶懼。

喧譁。空際大聲慘戚。似乎不願有此舉者。嗣後居民蒙恩庇佑。靈蹟甚多。又數百年。遷於意大里亞國。至今謹藏於亞瑪兒非郡。仍如當日墓中常流香液。以濟病人。

宜行之德 聖十字之愛

聖思 一。聖安德肋久已預備願負自己之十字。幸而得之。遂成聖人。汝爲何不如此預備其心。求天主賞十字架萬分之一。若能如此。苦難來時。必然不苦而樂。可學聖人。向十字架大聲曰。我愛在茲。惟求十字架上救我之主。以十字架收我之神。歸還吾主。倘時際昌期。苦難不來。亦得苦難之功勞。 一。聖安德肋一見十字。心中甚喜。故不必

受釘受鎗。亦能死於耶穌苦難中。汝爲何見了十字。不發喜愛之心。汝受之苦。不論何苦。皆係耶穌在先受過之苦。論理不敢不愛。亦不該不愛。但平安無事之時。人人口中。好像聖人一樣。都說我愛我愛。恐到了其間。還是不不然。天主至仁至慈。要人預先學習。往往以此些微艱苦。極小的十字。試探汝心。就不覺手忙脚亂。慌張無措矣。何愛之有。一。請看當時。並非聖安德肋負十字架而死。乃十字架負聖安德肋而升天也。今汝之愛十字架。亦如聖安德肋之愛。則十字架之負汝。亦如當日之負聖人。不苦不難。送入天堂而止。若無情愿之愛。雖然強勉擔承。徒自苦耳。

無益也。嗟嗟。舉世不論何人。無有不苦者。亦無一人不在十字架者。惟善用之。可借此以成永遠之功。善與不善之分。無他在愛與不愛之間耳。

當務之求 爲世俗苦難


祝文 巍巍天主。我等伏乞爾聖安德肋宗徒。旣爲爾教會。維師維主。幸爲我等。在爾臺前。時時轉達。爲爾子耶穌基利斯督。亞孟。

聖年廣益

冬季十一編

三十日

一百九十八



聖年廣益第十二編

○一日

聖額里日約 主教

警言

爾宜謹慎。兢兢諸事。用聖史。供爾職。聖經

聖傳

聖額里日約。係拂郎濟亞國里莫日府人。世傳正教。學爲銀匠。精巧出羣。遵守聖規。不敢低潮銀色。遂藉以成名。都中顯宦。名波朋者。付銀爲器。工皆細緻。式更時新。波朋甚嘉獎之。適遇國王。欲爲金椅。嵌鑲珍寶。都內匠人。見其圖

聖年廣益 *** 冬季十二編 一日

一百九十九

式。無一承辦者。波朋卽舉聖人任其事。王將金寶若干。限以一椅之數。聖人用此金寶。造成二椅。奇妙驚人。分毫不少。因此德才俱顯。王竟用爲心腹。不以匠役視之矣。聖人體格魁梧。面容華美。語言敏捷動人。行事不忙而速。經手之務。必然妥穩。從未顯其繁難也。惟聖人心內。恐世事紛紜。有妨神業。因而總告解。領聖體。克已守齋。誦祈默想。預防危險之凶。嘆世情虛幻。懼審判威嚴。地牢永遠。常悲號哭泣。求主加恩。人每竊聞之。王見聖人誠於敬主。更寵愛有加。若命講天主事理。聖人必直陳何事宜行。何事宜改。自處最謙。無傲慢。無疾言。無怒色。惟有小心謹慎而已。凡

製造銀器。必先誦聖經數句以斂其心志。一生專以濟貧爲務。凡欲造廬相訪之人。遙望其門多乞丐者。定係聖人之居。出門嘗袋多銀。路遇貧人。卽散給之。往往叢集如蜂。倘囊內已空。又值乞憐之人。卽解衣以贈。不虛所望也。爲行哀矜。自身常斷日用之需。食無兼味。菲薄自甘。衣不奢華。惟從樸素。國王嘉其善行。解所衣之袍帶賜之。聖人不肯久留。以貪君惠。變銀施濟。待已最嚴。待人最恕。夜睡不多。長行默想。苦衣棘服。不離於身。總王有外國之事。欲得能員往理。可免戰爭。朝野甚難其人。王以聖人入告。總王卽增其榮寵。隨以重貲。便宜行事。聖人奉此大差。盡如所

命而回。財物俱付之窮人。似此才能。皆從熱心恭敬天主而來。衆議僉同。舉爲主教。遂歷階而陞。接任之後。神業愈勤。德光四佈。管轄之幅。幘雖廣。作新之政教。靡遺。聞有一處。未蒙聖化者。必親自按臨。懲勸。初難馴服。惟以謙忍感動之。不期然而人心丕變。如大尼亞薛西亞等處。邪廟改爲聖堂。化行俗美。救人不可數計。卽退居本署。其善言善行。兩者兼優。故取效甚神。終主教之任。每日必留十二貧人。在坐同餐。且親身服役。不假手於人。蓋其憐貧愛苦之心。至老不衰也。天主默示終期。預備神工。誦經時。瞑目而逝。年七十歲。時天主降生後六百六十五年。

宜行之德 小心本分

聖思 一。元祖得罪後。天主命之農田。由此以推。可知人都該出力。以完本分。聖經曰。耶穌自幼。卽居出力之中。我等罪裔。反不該如此麼。所以先聖有言。出力之人。最怕閒魔毒害。汝當閒空時。就該防各樣惡魔。因閒。爲萬惡之根故也。 一。聖額里日約動手。先記聖經數語。收斂已心。獻工於天主。汝能如此而行。卽因俗工而爲聖工。立功於天堂。並非徒然出力。立功於世俗也。完工後。還該省察所行。或犯或悔。以仰合天主之聖意。這纔是步步皆走天堂之路。 一。工不在多。多則其心必致散亂。從前之熱心自

滅。決不定心爲主。此時就該記得最緊要。大關係之事。惟有救靈魂而已。又該記得我曾爲名爲利。出力圖謀。終於無益。爲何而今。還不肯及早回頭來尋天主。天主無所不在。尋之卽得。得了天主。無物不得。聖人可鑒。聖傳具存。小心本分者。宜熟視之。

當務之求 爲百工技藝之人

祝文 懇祈全能天主。爾聖額里日約精修主教。每年瞻禮。加我心虔而體安。爲爾子耶穌基利斯督。亞孟。

○二日

聖女彼彼亞納 致命

警言

主。予已望爾仁慈。予心欣躍於爾救贖者。聖經

聖傳

聖女彼彼亞納。係羅馬府頭等大臣之女。一家父母姐妹。俱爲主致命。蓋因父母致命後。爲籍沒家產之故。將姐妹二人。收監斷食。已越多時。尙保存無恙。官名亞波羅。年面諭云。汝隨國王。全還家產。不然。受苦無疑。二姐妹曰。盡世間之福。合萬國之財。亦不肯背我天主。官怒其言。正欲動

聖年廣益

冬季十二編

二日

二百二

刑。聖姐德默德里亞先倒地而終。官拿聖女彼彼亞納交與最惡之汚婦。此婦使盡惡謀。不能肆害。官大怒。命縛於木柱。槌之至死。時天主降生後三百六十三年。離父母致命時一年。

宜行之德 輕世

聖思 一。世俗愛人。實係害人。如蜜貯金甌。內藏鳩毒。耶穌之訓不然。先苦後甜。樂即隨之。聖熱羅尼莫有言。正教之人。在世如在天堂。因其心超越世俗之上。與流俗不同。汝爲何自己不知自己。埋沒於世俗之下。一。輕世必然心平。心平不怕世害。怕世害者。心必亂。故世俗爲耶穌之

仇。不論如何。總未能滿汝之意。汝能一概俱以糞土目之。聽他隨便待汝。自然諸害都不能侵。何必自生長懼。當知該畏者。天主之審判。因世人不能審判世人。審判亦不在世俗。在於耶穌留下之聖經。一。該想耶穌所許之福。該看世人所受之害。則眼前美好。未有不輕之賤之者。無論美好不能稱心。且諸害皆從美好而來。隨耶穌者。有若是耶。聖奧斯定曰。人之真苦。在隨世俗。人之受用。在隨耶穌。

當務之求 爲世俗人

祝文 天主。爾德能靈異中。不棄弱女輩。賜致命者榮勝。懇祈我等。慶爾聖彼彼亞納致命童女誕日。因其遺表。躋

爾臺前。爲爾子吾主耶穌基利斯督。亞孟。

○三日

聖方濟各沙勿略 耶穌會

警言

予真實。予仁慈。偕伊。因子名。厥勇將興起。聖經

聖傳

聖方濟各沙勿略。係極西納哇辣國人。世爲望族。稱沙勿略。卽本族之姓。以別前聖也。父若望。母瑪利亞。子女數人。聖人居幼。游學巴里斯。獲交聖依納爵。雖聖人尙志切功名。而聖依納爵預識其可與入道也。有隱修貞女。乃聖人之姐。蒙主默示。知幼弟將成大德奇勳。敷教於遐方。聞之

聖年廣益

冬季十二編

三日

二百四

於父。心竊異之。未幾。聖人定志嚴修。不被人言搖惑。先在僻區。潛藏數日。省察生平過犯。悔恨痛懲。將細繩緊縛於股。以自罰。數月後。挈伴同往意大里亞。途中股繩深入於肉。痛劇難行。友始知之。延醫醫治。竟愕然驚走。諸友見人不能治。伏求天主。繩忽自斷。傷跡全無。衆皆歡感。謝主前趨。行至物搨濟郡。往晤聖依納爵。因神職在身。分理各務。聖人樂居病院。苦役自甘。實心勸勉。遇臭穢毒瘡。往往口吮其膿。以滅除厭憎之心。惟過於勞苦。病瘡甚危。前聖熱羅尼莫忽現慰曰。汝弗重虞此病。將來某日。患難及身。須毅然迎受。汝與同友。將分傳聖教於各方。語完不見。瘡病

頓除。所言莫不脗合。一日向友云。夢我背負印度國黑人。其重如山。未知何意。嗣蒙天主示以異日。爲我必遭重苦。多艱。聖人踴躍歡欣。惟望分定之苦。再增數倍。未幾。聖依納爵因隨波爾都亞爾國王之意。遣二友前往印度。聖人適逢其選。卽日請教宗命。束裝就道。途中跋涉甚難。同友險患憑陵。幸獲聖人救免。匍匐六旬。抵波爾都亞爾國。適會友久病不痊。一晤聖人。脫然無恙。王以印度諸國傳教之任。重托之。航海而東。同舟計千有餘人。多染病而死者。聖人慰救如醫。服勞如僕。人皆以慈母頌之。在途一年有餘。旣至印度。先入臥亞諸國。正當風俗人心大壞之時。聖

人晝夜巡行。勸懲勉勵。加以靈奇之實驗。格外之殊恩。鼓舞作新。不覺羣然感化。都邑既已改觀。鄰封豈能坐視。聞關周歷。拮据靡寧。濱海而南。所遺靈跡。如愈病驅魔。救災免患之事。不能僕數。垂危大病。一見聖容。卽起。倘相離甚遠。或無暇惠臨。卽命奚童。捧所執之杖。或所用之物。置於病者之身。誦經祈禱。莫不應命而痊。有貴家夫婦。只生一子。患病身亡。合族負屍求救。聖人持其手。語曰。我賴耶穌聖名。命汝復活。死者應聲卽起。道遇孤兒。井中溺死。聖人命攜屍聖臺前。誦經祈主。頃刻復生。因此遠迎聽教。從化甚多。相傳是時。行聖洗聖油之禮。夜以繼日。不食不眠。至

喉啞手疲。猶樂行不倦。值此神化廣行之際。蠻種萬餘。前來侵擄。境中民力。拒敵無能。聖人明知魔計。不懼不驚。隻身迎敵。以大義責之。皆駭服奔逃。地主士民。倍加欽服。此國尙存聖多默宗徒之殿。聖人慕名往叩。跪伏殿中。連七晝夜。水漿不入口。又有切務神工時。邪魔妬恨。乘夜苦撻良久。聖人略無疑畏。惟默求主佑。更加力化人。渡海至滿刺加城。一童負魔瘡症。聖人求主佑之。邪魔遠遁。言動如常。但此方民衆。多縱於邪。聖人預言將來兵荒疫癘之災。使其知其罰。無言不驗。聞往南數千里。有摩路各島。出丁香等物。民皆殷實。習俗雖蠻。易於感化。遂附舟前往。開創之。

艱難。人心之變幻。言語未可形容。乃後來之家喻而戶曉者。亦不能屈指以盡其多。內有富而吝者。聖人知彼終期已近。令速散其財於貧乏。幸彼遵卽奉行。甫訖而終。值聖人遠適。向左右云。某方去世。當爲彼通功。可知神目之明。無遠弗屆也。一日乘舟泛海。已經抵岸。有同行一舟未到。衆咸觀望之。聖人曰。此舟已覆。毋庸觀望矣。惟求主垂憐可也。又一次。渡海被風。舟雖壞。人盡生存。惟聖人失去耶蘇苦像。心甚難安。忽見大蚌。負像赴涯。聖人驚喜交集。伏地敬收。兩年後。聖人復回滿刺加。不意鄰邦犯境。兵廣船多。勢難迎戰。惟閉門堅壁以待之。敵亦解圍而去。此地官

民無敢追逐。聖人勸曰。當用小舟數隻。精兵數百攻之。仰賴主恩大捷。斷其後患。卽如命而行。數日後。聖人正在堂講道。忽嘿不一言。惟聞呼喝聲。少頃。歡容向衆云。適兩軍交戰。我軍大勝。只傷四人。某日卽至。衆當謝主大恩。併爲四人祈求。至期。果然全軍而還。所擒兵將。所獲器械戰船。衆共出城迎獻。同謝天主。羣頌聖人之先知。一女最貧。將受失身之辱。聖人憐之。往勸富人。助以嫁資。富人正與友對奕。以鑰付聖人。請自取之。聖人取三百金錢。而還其鑰。告以所取之數。富人曰。我櫃中有金錢三萬。師卽取半。亦不爲多。此費有餘。何妨留爲別用。如此之少。實非我之本。

意。聖人明知所言。出自真心。並非套語。答云。發此有德之言。天主保爾。至終不乏。又使爾預知死日。可獲善終。後果實踐其言。一客商。係大東洋人。因幼犯邪淫。悔恨不安。聞聖人名。不遠萬里。奔投滿刺加。乞恩拯救。見聖人開誠指引。遂歷數東洋情勢。願請同行。聖人樂甚。將印度托於同友。挈伴而東。既至。排斥異端。闡明正教。以身立表。以恩御衆。以靈跡。感發人心。歸誠領洗者。殆無虛日。時有大賈。止生一女而殤。悲痛跪求。聖人偕友。默禱於聖臺前。既而慰諭云。汝女已復活矣。及父歸家。女亟告曰。我魂已落黑魔之手。將投永獄中。受苦受殃。突來二道德人。奪我而回。父

攜其女。往謝聖人。女告於父曰。此卽救我之人。不獨父與女。咸歸於正。聞風感化者甚多。所遇王侯。有貺以金銀財物者。悉却之。有辨以強辭巧語者。片言卽解釋之。一年之中。勸化三千餘人。鄰邦慕義賓迎。君臣士庶。莫不服從。聖人見此方教化大行。又得人繼述。遂亟回臥亞。開船不遠。陡發暴風。附帶小舟。載有數人。先被狂波衝脫。本船之覆沒。只在呼吸間。衆盡悲啼昏亂。聖人大聲撫慰。求主施恩。頃刻風恬浪靜。惟小舟飄去無踪。衆欲棄之而去。聖人令少待片時。上桅四顧者。遠見小舟淌流。自向大船而來。所載數人。首向聖人叩謝。次語衆云。危險中。聖人親來保護。

平定後。又親手引歸。從此德名大著。行至小西洋。便道入城。一友患病將危。聖人口中誦祝。手卽抱之。病遂愈。繼因臥亞地方。事俱妥協。又攜數友。附船而東。時小西洋將有差往中國之使臣。聖人欲乘此機會。傳教中華。爲滿刺加所阻。未能如願。然猶附搭商船。行至廣東所屬三洲島。抵岸暫居。再圖內入。天主預示終期。不數日。力衰氣憊。諸病漸增。自備潔神。以承主寵。至期。在小山頂上。繩樞蓬室中。舉心仰目。謝主一生恩佑。次復重聲歎泣。求賜中華。廣揚聖教。連呼耶穌瑪利亞聖名而逝。年五十有五。時天主降生後一千五百五十二年。船內衆商聞之。哀號如喪考妣。

趨山敬殮。華顏美於生時。堅木爲棺。葬於山下。相隔月餘。商船將歸。欲檢領聖骸。及發土啟棺。整容全體。猶神威凜凜。氣味芬芳。衆皆伏地誦揚。恭捧於舟。相傳各舟。早已滿載。無隙可容。惟剩一朽壞裂縫之船。棄而不用者。卽舉聖屍。停於中艙。尙有別船已滿。不能附搭之貨。爭先裝入。後聞別船俱欠平安。此船穩妥無虞。直抵滿刺加。士民奉安於大殿。重病人以手撫柩者。立愈。土人啟視聖容。華美如初。附體之衣。完好若新。乃另求美料巧工。製棺以貯聖屍。殮用帛綿。衾皆錦繡。適此地瘟疫盛行。幸接聖屍。疫退民安。數月後。又奉柩入船。至臥亞國。文武衆大臣。放砲鳴金。

香花鼓樂。迎數十里外。士民載道。林谷震聲。一婦久病不起。擡至柩前。願衆代求。安步以歸。一女病勢已危。不能趨赴。於臥榻中。求聖人憐救。病亦釋然。聖柩入城。奉安於耶穌會聖殿中。不獨入殿拊棺。有求必應。自列居聖品後。東西萬國之人。奉像於臺。專心誠敬者。莫不蒙其庇佑。迄今有親叩聖屍之修士。常語人曰。潤色瑩容。難以言傳。遍身俱可動搖。刺之必流鮮血。往往有藏其血。奉爲至寶者。今一手現分於羅瑪。救災禦患。都城重賴之。

宜行之德 眞愛

聖思 一。聖沙勿略得聖依納爵避靜默想之法。全得天

主之大恩眞愛。常得天主之光榮。汝爲何心中。不覺有此眞愛。究其故。係不肯默存天主之大恩。又不肯默存天主愛人之至意。加以世樂滿心。天主之眞愛。何能復入。惟有此心甚空者。可滿天主之眞愛。求此空心。從何而得。要非默想不爲功。一。聖沙勿略。因愛人至極。故自西至東。周流列國。承行主命。汝有此愛人之心麼。離汝不遠。就有多多不認天主者。且同在一家。尙有此是彼非者。亦有已經信認。復行背叛者。又有未背叛。而冷淡荒疎。不行敬愛者。汝果有愛人之心。不必像聖人之間關跋跲。慘淡經營。卽此眼前惠而不費之事。爲何籍口結舌。坐視而不爲。一。

聖沙勿略。因愛受艱難。情愿舍生致命。所以全斷受樂之情。惟求劇苦。更求苦中加苦。爲減自身之罪罰。亦代贖他人之過犯。汝能如此麼。偶遇一些苦難。就以爲多。就自憂無力承擔。就要求天主開恩寬免。如此心腸。可說得愛受艱難麼。

當務之求 爲耶穌會

祝文 全能天主。因聖方濟各沙勿略。廣揚聖教之能。靈異之蹟。使印度東洋諸國人民。合羣於諸信者之棧。懇祈主。賜我等。凡敬崇聖人之大勳者。效其諸德之表。爲聖子耶穌基利斯督我等主。偕爾偕斯彼利多三多。乃生乃王。


世世亞孟。

聖年廣益

冬季十二編

三日

二百十一



○四日

聖女巴爾拔辣 致命

警言

天主全爲目。無所不見。全爲手。無所不造。全爲足。無所不在。聖經

聖傳

聖女巴爾拔辣。係西南國內尼各府人。父名弟阿峨。家雖富顯。溺於異端。聖女生於其家。自幼不蒙慈愛。待之甚嚴。稍長。因其守正不阿。父更惡之。拘禁於深院高樓之上。聖女早聞聖教。已領洗信從。喜此幽囚。正與鍵戶精修之法。

聖年廣益*** 冬季十二編 四日

二百十二

名異而實同。遂朝夕加工。非省過自懲。卽感恩圖報。暫生
永賞。透徹於默存之中。矢志守貞。杜絕其世情之害。維年
漸長。父方擇壻議婚。聖女不從。父甚忿甚憂。姑往他方。以
消鬱悶。或可冀聖女之改圖。但未行之先。造一湯泉之室。
彩畫俱完而始去。去後。聖女稍爲更易。內開三牖。以表天
主一體三位。中立一柱。圖畫十字聖號。以表耶穌苦難。病
人就浴。無不立痊。數月後。父歸。問其所改之故。聖女援古
證今。以明所學。力言父敬之神。荒唐無理。父大怒。拔刀追
斫。聖女前奔以避其鋒。旁有大石。忽自裂一洞。聖女卽匿
入洞中。父復追尋拿獲。先行重杖。後訟於官。官以好言誘

勸。聖女付之一笑。官怒。又杖之。傷處擦以櫻毛。聖女聲色自如。薄暮收監。耶穌降慰。傷皆全愈無痕。次日。官甚異之。歸功於僞神。聖女不從。官令刑役。以鐵爬戕其肉。火炬烙其傷。銅鎚擊其首。利刀割其乳。聖女當此虐刑。不哀不屈。惟以心目。求主保全。割乳後。着盡剝其衣。赤體遊街示衆。聖女諸刑樂受。至剝衣時。求主曰。主之全能。蔽天以雲。蔽地以夜。豈無一物。蔽我微軀。免赤身之辱。立見明光。繞護如衣。人皆不見其身。遊街後。官見多刑不改。法當處斬。聖女之父。請自充劊子。親斫以洩恨。聖女知終期卽到。伏叩主恩。日後有托名代求主佑者。准其所請。空際大聲曰。汝

既盡忠於主。應享大功之報。嗣後托汝名以求者。無不允從。乃父掉臂前趨。聖女以頸迎之。刀舉首落。父正歡呼大笑。暴雷猝發。同官擊死。餘黨悉奔。此間修士。謹葬聖屍於新墓。同人多有受其恩佑者。一人每念聖女勲勞。熱心崇奉。適被火災。已燒臥榻。始從夢寐中。倉皇而起。並無脫身之路。惟想未曾悔罪而死。求救於聖女。轉瞬之間。見聖女向火張衣。火勢即消。隨提出其人。語曰。因汝生平敬我。天主准汝之求。暫寬汝命於旦。宜善用以清罪惡。其人悔訟前非。領聖體。受終油。及旦安然而死。後人凡遭雷火之患。及臨終不獲領聖體者。果能誠心頌禱於平時。急切哀呼。

無求不應。大難大災。常蒙拯救。

宜行之德 大孝

聖思 一。聽父母之命爲孝。若所命相反於天主之命。聽之爲大不孝。聖女巴爾拔辣深明大義。不肯聽從逆命。因得大孝之報。汝自有生以來。不看人情面。磨。恐因爲人情面。忤天主正命。失自身聖佑。不止一次矣。難哉。危哉。一。聖女巴爾拔辣被頑父親手殺之。天主義怒至公。卽以暴雷擊死之。爲人父母親友。不從天主命。反阻人事主者。當以此爲鑒。汝之子孫親友。不引其爲善立功。顯揚大孝。而聽其犯罪。不更難乎。不更危乎。一。聖女巴爾拔辣升天。

之先。天主准其請求。故聖教中。爲避雷滅火。爲臨終聖事。常呼聖名以求之。蓋用此聖女之恩。可以變難爲易。轉危爲安也。但欲得此恩。徒求未穩。必做其大孝之德。願受艱難。纔可望萬無一失。聖額弗冷曰。每日俱是臨終。每日都能預備。無有不得善終者。預備維何。一如聖傳之言而已。苟如是。何難之有。又何危之有。

當務之求 爲臨終者

祝文 天主。爾德能靈異中。不棄弱女輩。賜致命者榮勝。懇祈我等。慶爾聖巴爾拔辣致命童女誕日。因其遺表。躋爾臺前。爲爾子吾主耶穌基利斯督。亞孟。

○五日

聖女亞瑟辣

童身

警言

存我義冕。公判我。主將償予於彼日焉。非獨償予。並將償予。凡愛其降臨者也。聖經

聖傳

聖熱羅尼莫有讚頌聖女亞瑟辣之言。略曰。聖女係羅馬都中之大族。甫十歲。即全心獻於天主。越數年。不俟父母之命。將首飾金珠。變賣以濟貧。只着平常衣履。盡去其華者。構一小室自居。父母明知聖女之心。凡事俯就之。不肯

聖年廣益

冬季十二編

五日

二百十五

阻其聖佑。自入小室。足跡少踰戶外。亦不與人晤言。雖至親姐妹。不交一語。惟以誦祈默想。練性苦形。爲勵修實行。每日神工之餘力。從事於女工。然其心。仍契合天主而不離。常守險齋。只用麵頭鹽水。四十日大齋。更嚴更謹。往往五六日不飲不餐。歷四十年之久。嚴謹猶如一日。棘衣貼肉。深夜默工。常兼行鞭策。至皮破血流而未已。如此苦形克已。從無疾病。亦不致力弱氣衰。槁容瘁色。蓋小室。似乎天堂也。年五十餘。自知離世之期。預備善終。時天主降生後四百一十年。

宜行之德

望德

聖思 一。論人之卑。論人之罪。單單該有地獄。並無他望。今勸汝不可失望者。非爲自己有何好處。總因吾主耶穌之功勞。無窮無盡。吾主耶穌之十字。能救汝永苦。莫救之靈魂。而享天福。還不該專心指望麼。聖奧斯定曰。世俗邪魔。肉身。隨便害我。我不失望。因我之望。不在於我。在於吾主。請問人之倚靠。還有勝於耶穌否。恃此倚靠。所望自然不虛。如之何而弗望。 一。天主之恩有二。該望者。靈魂之恩。不該望者。肉身之恩。如聰明才幹。榮顯貨財。壽考子孫。美名歡樂。係於肉身者。莫不從天主而來。然不能專救靈魂。且用之不善。更易加靈魂之害。所以不該妄想。不必謀

求。惟聽天主命而已。其該想該求者。天主之聖寵聖佑。聖愛聖慈。雖本身現在世間。得此便同永福。倘爲此而盡失世間之福。還該情願不得。不該盡願不失。如之何不該望者。切切望之。該望者。悠悠而弗望。一。望天主者。又該當畏天主。望而不畏者。卽爲惰縱。畏而不望者。卽爲負恩。汝旣知天主至仁至愛。肯救肯寬。難道不知天主至義至公。能嚴能罰。麼。如之何望而弗畏。又如之何畏而弗望。

當務之求 爲婦女之在教中者

祝文 救我者天主。聽受我禱。我樂爾聖女亞瑟辣瞻禮。望以誠心。得受訓誨。爲爾子耶穌基利斯督。亞孟。

○六日

聖尼各老 主教

警言

弗變而爲若孩。天國靡入。聖經

聖傳

聖尼各老。係利濟亞國人。父母皆有顯名。久無生育。求主而得聖人。孩提卽昭聖行。每瞻禮四。瞻禮六。薄暮而後乳食。成童就學。明悟出羣。擇友以交。待人以敬。目不視婦女。慎事而謹言。里黨咸稱之。文學甫成。舅父正居司教。授以神品。累陞至鐸德。向衆云。此如明星。光麗萬邦。非因親故。

聖年廣益***冬季十二編 六日

二百十七

28†

而私之。然聖人不敢自信。心愈下。工愈深。居無何。二親相繼而終。喪葬事完。罄其遺貲。廣施窮乏。一人先富後貧。三女不能嫁送。聖人以金一封。乘夜擲於牖內而去。其人藉此嫁其長女。嗣又如前與之。嫁其次女。彼想此恩。至再。必然至三。當伺其人。以圖報効。果然聖人念伊季女。尙未完婚。復依前法而行。其人追及之。跪叩謝恩。聖人若抱慚受屈之難。只求其秘而不露。勝於圖報矣。舅父增立修院。以聖人爲院長。數年於茲。急公利衆。不肯自安。如僕役然。懲已勸人。以身率教。如罪犯然。院友咸切感之。聖人避譽自潛。附舟他往。神目中忽見巨魔揮刀直入。告知掌船人。防。

有大患。既而晴天驟起烏雲。颶風狂浪。洶湧非常。呼吸之間。必遭覆溺。衆以聖人既能預知。何難禱免。號泣哀求。聖人慈心不忍。跪顛主恩。霎時雲散風恬。水平浪靜。頃之一人墮檣而死。聖人跪求即活。至如德亞國。亟登岸避人。潛朝耶穌所履之區。意欲入山隱跡。因天主不准。向彌辣國前行。時國中司教。同聚於都。議舉一人爲統領。而未決。內有一人。蒙主默示。知聖人明晨入堂瞻禮。語衆司教云。某於次早。不期而至。何不在門迎候。舉爲統領。衆皆悅服。恭迎聖人步履及門。即擁戴之。苦辭不獲。回憶天主不准山居之聖意。勉強順從。每念新位在身。必建新功以自慰。遂

菲食儉衣。勞神減寐。寡言敏行。忘己爲人。時而徹夜靡寧。時而舉賢敷治。憂者慰之。訟者息之。貧困者拯濟之。富於資者。勸令施捨之。適時君溺於異端。臣庶遂多迷惑。聖人勤於防備。竟遭斥逐。流落數年。舊君死於非命。新君嗣立。聖人仍回本職。政教復興。冷落者莫不勉勵改觀。野有魔寺。人誤從之。聖人巡行至此。欲醒衆迷。令拆房毀像。魔竟空際號呼。怨聲詈罵。衆耳共聞。始回心悔改。是歲大饑。聖人求主賑施。明知空乏。仍隨手取給。人人滿望而去。羅瑪都中。三人被冤論死。無計挽回。素聞聖人神行。遙望默求。是夕。王與刑官同夢。聖人面言其屈。及旦。遂釋之。併命三

人束裝渡海。面謝聖人。似此彰明較著之事。生前不一而足。年壽已高。艱辛備歷。醫者視爲小恙。獨聖人知係終期。謹備神工。坦然謝世。時天主降生後三百五十九年。葬於聖殿。墓旁常流香液。可痊百病。歿後多年。有利未亞人。奉聖人畫像於寢室。旦夕敬之。一日。緣事急行。恭向聖像。求恩保護。及歸。盡遭偷竊。忿恨不平。欲燬其像。聖人顯現於賊前。賊懼。還其物。痛悔前非。閤族同歸於正。又有因乏嗣而求聖人者。天主賜以一男。夫婦感恩至極。每年聖人瞻禮日。必厚備禮儀拜墓。及長。遭兵被擄。救法已窮。仍望聖人。幸賜新恩。以終舊惠。夫婦虔禱年餘。至聖人瞻禮日。兒

憶每年拜墓謝恩之事。嘆泣不休。主人大怒。從重責懲。聖人忽現。提兒之髮。乘空直上。瞬息抵家。父母方跪叩聖人。像前。驟見其兒。驚喜交集。似此呼吸相通之事。歿後又難僕數。姑舉一二。足見聖人之澤。百世不衰也。

宜行之德 畏主保潔

聖思 一。幼年肯爲聖人者。該隨聖尼各老之幼時。謹慎五官。不使有害。離開婦女。不使動心。加以誦經默想。克己嚴齋。庶可保其潔淨。汝曾如此麼。果然要救汝身於潔淨。不必他求。惟問汝身如何。可在天主臺前。再問汝自己。如何安頓自己。 一。讀書之時。容易離開世福。所以師命。當

視爲耶穌之命。窻友不正者。疏遠之。善者。親近之。如此之
事。難道也說得不能麼。倘置汝身於官常內。怎麼也能恭
敬上司。聽從其命。也能經營庶務。保守清廉。可知並非不
能。還是不肯。一。做聖人的。勤慎讀書。並無他圖。惟圖後
來。爲主賢勞。引人信愛。所以父師命汝誦習。就該遵命而
行。以承行天主之意。滿天主賦汝之恩。聖伯爾納多曰。幼
年人。該慎行三件。一。畏天主。一。孝父母。一。守潔德。汝會做
此三件否。

當務之求 爲幼年人

祝文 吾主天主。爾賜無數聖跡。與聖尼各老。以表揚其

至德。伏祈天主。我等依賴聖人之大勳。俾能脫免地獄之
永苦。爲爾子耶穌基利斯督。亞孟。

○七日

聖盎博羅削 主教聖師

警言

蓄聖慈於良。至善心。且以含忍結實。聖經

聖傳

聖盎博羅削。係羅馬世家。其父宦遊早世。聖人在襁褓中。每熟寐時。蜜蜂聚於口。人以爲文明之象。從師數載。格物窮理之能。道德文章之業。莫不超羣出衆。本豪華子弟。而往來陋俗中。守正持規。踐形養性。雖老成修士。無以尙之。名譽日隆。人皆樂與之交。時國主東行。權朝之波祿博舉。

聖年廣益

冬季十二編

七日

二百二十一

聖人爲遠方都院。命曰。往哉。汝可以司教心撫之。毋以刑
政治之。聖人受命而行。巡至米郎。值聖教諸品級。暨衆士
民。大會於聖堂。議立主教。未得其人。時聖人亦往。有一孩
童。忽大呼曰。蓋博羅削俾斯玻頃刻。衆口齊呼。聲振殿除。
識者明知主恩默感。毋庸再議。惟聖人是時。勝於怒濤霹
靂。無地逃生。奔入署中。計圖解散衆心。遂取獄囚拷問。酷
虐非常。衆仍固請。不遂其謀。無已。乘夜潛逃。趨走至晨。自
擬離城必有百里。乃瞪目視之。仍在本城。始悟上主之恩。
不容遠遁也。惟此輿情。尙俟教宗命下。因退避於友人郵
舍。及蒙俞命。此友率衆往迎。勢不可辭。累階七等。授爲鐸

德。遂陞主教。聖人將朝事還之於君。家務托之於兄。財物散於貧人。厚產歸於聖殿。專心教化。樂受善言。自責如犯人。日只一餐。晚惟薄食。每瞻禮日。必陞座講經。勸懲不倦。人人莫不悅從。遇有名賢。必就正之。賓客必優禮之。貧者濟之。憂患者慰之。爭訟者和之。異端人交好而化導之。所以聖人之門。往來如市。雖設而常開也。惟濟貧尤切。卽殿中金器。亦變價以救人。聖人自幼寡欲。清心守貞。保潔。以身勸衆。從者甚多。立修女院。擇有德有才之孀婦爲院長。修規嚴肅。供應得中。咸欽慕之。一日他往。有叟迎於途。聖人就憇於家。叟云。我家產業甚豐。子孫亦衆。老身年邁不

衰。無災無病。內有家庭之樂。外多良友之歡。統計平生經歷之事。莫不稱心遂意。聖人默憶經言。罪人嬉嬉。猝沉永獄。語從者曰。大患卽來。速行毋緩。相離不及百步之遙。地開大裂。盡陷其家。迄今此裂猶存。一日。就寓於巨家。其子被魔擾亂。聖人誦經一句。魔卽驚逃。後又病亡。母以前恩求救。聖人捧兒跪禱。蒙主准其復活。時國王陡篤恤西征叛逆。幸遇聖人。大慰夙懷。往來請益。禮遇甚隆。從此聖化日興。適聞東都一郡。變亂殺人。弁員被害。遣將勦屠。聖人已經勸息。復被讒臣。唆使速行。不及挽回。至瞻禮日。國王詣殿及塔。聖人出迎。責其往失。拒而不納。王憂悶回宮。更

衣減食。悔慟自懲。歷八月之久。聖人始依規准釋。同入聖堂。王感激愈深。每以神聖稱之。年邁力衰。明告於友曰。某日我之終期。奈著述未成。何以裨益後來。遂口授旁人代寫。時聖人額上。驟顯大光。直注口中。面如白雲。踰時始還本像。嗣因病臥垂危。士民求主緩留。聖人諭云。我平生仗主庇佑。無愧於生前。何畏於死後。此外不及他言。惟默行神工而已。至期。連呼速送聖體。領後。狀同熟寐而逝。離頂有光。懸空如星月。年六十有四。時天主降生後三百九十七年。翌日。殮葬於聖堂。負魔數人。疾呼哀泣曰。聖人燒我以地獄之火。苦痛難當。患病人。撫柩卽痊。

宜行之德 良善

聖思 一。聖盎博羅削先爲意大里亞之大員。位居總憲。竭力賢勞。兼志神工。未妨本分。凡人料理世務。都該學此智德。庶兼顧而無難。受益良多。若不如此。徒令俗緣滿腹。兩敗俱傷。 一。聖盎博羅削原不敢受主教之大權。自己要辭。又不敢辭天主之聖意。安心領受。因本來不存體面光榮之見。惟順承主命而行。故不難棄官離俗。而難於謏劣無能。全賴主恩庇佑耳。汝能隨此表樣否。或者天主用汝光榮。亦不該過於辭避。當盡心竭力。以承主之委付。今汝不然。聖人走了一夜。不能離城。卽之主命難違。汝於俗

務。屢屢不獲稱心。總未知悔悟。聖人一聞童子之呼。驚懼
卽由畏德而生。勤勇卽由畏德而起。汝於神工。怠荒無似。
天主慈恩。常頻頻大聲呼汝。汝竟置若罔聞。毫無驚懼。旣
然畏德不生。尙望汝勇於順命。勤力救人。不亦難乎。一。
聖盜博羅。削臨終時。向衆云。我不怕在世。亦不怕去世。汝
如今敢說這樣的話否。在世時。親戚友朋。不談汝之是非。
不論汝之善惡麼。去世後。至公至義之主。不審汝之罪過。
不判汝之罪刑麼。汝弗自欺。請平心查察之。

當務之求 爲現在聖教者

祝文 天主使聖盜博羅。削爲民永福之司。懇祈爾。伊在

世既爲我教師。在天幸爲我主保。爲爾子吾主耶穌基利
斯督。亞孟。

○八日

聖女法肋 童身

警言

爾得我寵。卽足矣。蓋德成於苦。聖經

聖傳

聖女法肋。係聖法隆之姐。孩時卽蒙主寵。常見耶穌。時司教聖葛龍。龐寓居聖女家。識其稟賦不凡。加意玉成之。一日。聖女向葛龍。龐跪告曰。我願獻身心於天主。永遠事之。望神父憐我愚幼。求主加恩。滿我此時之意。旁人以孩童視之。惟聖葛龍。龐明知從天主來。後常離衆誦祈。父母甚

聖年廣益

冬季十二編

八日

二百二十五

29†

愛之。年十四。聞父有納聘之舉。晝夜悲啼。目矇形悴。二親不知其由。醫治三年未愈。聖歐大爵道經其家。洞悉病緣。勸父終止議婚。父從之。聖女之目疾虛癆。莫不平復。未幾。父志又萌。受聘定婚。聖女赴堂。泣訴於聖伯多祿云。耶穌大宗徒大聖人。我形神早獻於主。懇賜轉求。不許人壞我獻主之物。父聞之。拿回怒責。禁錮將半年。聖歐大爵又至。以天主賞罰。嚴飭其父。父卽悔改。建立修院。爲聖女之居。有守貞諸女。准隨院同居。至期。聖歐大爵率領入院。頒定修規。諭衆曰。此係法肋平素奉行之規。本身端肅謙和。善良忍耐。現爲汝等活規。應將法肋爲汝等之長。聖女固辭。

不獲。勉依所命。其通用訓言。心口行爲。務期潔淨。小心領受聖神寵佑。常怕自己。全賴主恩。凡愛主之事功。莫不慎重。往往誦祈默想。望主不離其心。年至八旬。偶沾微疾。預識終期。神工甫畢。畫聖號而逝。時天主降生後六百五十五年。

宜行之德 慎隨聖佑


聖思 一。天主聖佑。爲人心明光。能消罪之黑暗。因聖佑之光。從天主光中來。猶如世上之光。能消夜暗然。故聖光與罪暗相反。無此光者。必然幽暗。難免於罪。但此光如電。一幌不能存留。惟小心隨之。受益良多。汝至今將無數聖

光。白白的在眼前幌過。漫不經心。如以爲不然。請問汝之
犯罪。從何而來。這就是不用聖佑之光。常招輕忽叛離的
憑據。一。此聖佑之光。有時從好表樣來。有時從一句兩
句聖經聖傳來。亦有時從苦難來。今引汝之好表樣。不知
多少。艱苦煩難。不可屈指而盡。眼見耳聞的聖言。淵淵滿
腹。豈知照汝者。如許之光。奈所應者。反不止如許之罪。還
說得不是輕忽麼。不是叛離麼。一。此聖佑之光。汝能慎
隨之。可顯汝德行之真誠。滿汝甘心之艱苦。亦能滅世俗
之歡娛。露罪形之醜穢。明罪罰之凶嚴。併可知天主尊威
無對。我人卑賤難堪。世福幻而虛。天福永而實。勸汝盡心

盡力。引汝善始善終。所以慎隨聖佑之人。不能立德立功。以救靈魂者。未之有也。

當務之求 爲冷淡者

祝文 救我者天主。聽受我禱。我樂爾聖童女法肋瞻禮。望以誠心。得受訓誨。爲爾子耶穌基利斯督。亞孟。



○九日

聖女留加弟亞 致命

警言

聖經 師天主。如厥至愛者之子。而行愛德。如基利斯督愛我等。

聖傳

天主降生後三百三年。有差員達先。遵西總王命。往依西巴尼亞地方。禁止聖教。聖女留加弟亞。係宦家閨秀。熱心敬主。里黨共知。達先到境。指名首告。達先拘訊曰。汝爲顯宦之女。爲何故違國禁。順從十字架。上死人之教。聖女云。

聖年廣益

冬季十二編

九日

二百二十八

聽此所問之言。明明不知正教之尊。不知耶穌乃萬民之主。不知十字架上死。爲救贖萬民之靈魂。我旣真知灼見。何能背正歸邪。官命重答。刑同奴隸。答後收監。途中同教。慟哭隨行。聖女云。我之進監。如進天堂。喜不自勝。汝等爲何悲泣。此苦難。非我之光榮麼。不想我常常獲罪於主。蒙主不棄。反賜我如此大恩大福。甫入監。達先轉遷別地。所換新官。更嚴更酷。正欲差人提審。命預備虐刑聽用。聖女在監。誦經求主曰。非我不願受刑受苦。實我心中不忍見此窮兇劇惡之人。求畢。舉手畫完聖號。主卽允其所求。聖靈上升於天。悉如途中喻衆之言。進監如進天堂也。


宜行之德 愛耶穌

聖思 一。耶穌聖誕之期不遠。不該預備好心。領此大恩。麼。上等好心。無他。惟仰體耶穌愛人之心爲心。斯爲真好。亦係無比之好。聖伯爾納多望人全備好心。發明耶穌之愛。包含三美。一曰親。一曰恒。一曰智。親者近也。天主因人犯罪。不獲升天。降世以近人。祁寒子夜。臥於馬槽。汝曾感此親愛否。汝以親愛報之否。一恒者常也。耶穌受盡無數之苦。以死愛人。此情常留於世。而無人不得。此恩常留於各人。而無時不全。誰不該以苦還苦。以愛還愛。麼。教中人。沒有苦難時。好像都是愛耶穌之人。故往往不能喫齋。

不能施捨。未有不能愛主者。豈知些須苦難。猝然到身。平時之愛。竟不知何在。這就是不會預備恒心的憑據。然苦難中。能愛耶穌。似覺甚難。其實並非難事。只想耶穌以恒心愛我。我不該以恒心報答麼。因此不必博學。不必聰明。有此恒心即足矣。既然如此。汝爲何不愛耶穌。一。智者。知也。以無所不知之耶穌。愛人升天。因而賞人之苦。引人愛走升天之路。若不信耶穌。以苦愛汝。是明明不信耶穌。無所不知矣。如果信而不疑。爲何不愛自己。愛己者。必全除世樂。不愛己者。必專愛世情。今汝愛貨財。愛親友。還說得愛自己麼。還說得信耶穌麼。

當務之求 爲朋友

祝文 天主爾德能靈異中。不棄弱女輩。賜致命者榮勝。懇祈我等。慶爾聖留加弟亞致命童女誕日。因其遺表。躋爾臺前。爲爾子吾主耶穌基利斯督。亞孟。



○十日

聖女歐辣利亞 致命

警言

欲辱害我者。莫若以忍。耐。受。其。害。也。金口聖人

聖傳

聖女歐辣利亞。係伯爾都亞國名宦之女。父母俱在教中。因聖女素求致命之恩。父每慮其自首。於差員達先未到時。命往鄉邨居住。與一女儒利亞爲伴。不久聞達先入城。聖女卽同儒利亞旋歸。直訴於官曰。爲何來此。豈不知一城俱恭敬天主之人。無故而欲害之。於心安乎。達先曰。幼

聖年廣益

冬季十二編

十日

二百三十一

小女孩。如斯大膽。聖女曰。我今十三歲。可稱幼女。然年雖幼小。因恭敬的。是極大無窮之天主。所以我心亦極大而無窮。受苦而不畏。官以孩言視之。置之弗論。惟將好語誘之。不聽。鞭策收監。次日再訊。聖女曰。憑你何刑苦我。靈魂有益無傷。官大怒。沸油烈火。夾棍杖鞭。酷刑遍及。聖女毫無懼容。末後。在大火中。向官諄囑曰。請開眼認明我之容貌。切記於心。迨審判時。爾我都到大主之前。我爲此賞無盡之大榮。爾爲此罰無窮之大苦。此言從火中出來。聲靈赫濯。更倍於火箭射心。旁人大爲感動。羣稱所敬者。實爲眞主。此外都是邪神。並無疑惑。後皆歸正棄邪。官見衆口

喧呼。心慌膽怯。速命刑人。多加火炭。埋聖女於內。蒙主遂其素志。准於火內升天。時天主降生後三百三年。

宜行之德 忍耐

聖思 一。不論自己力量。隨耶穌受苦。不怕酷刑毒害。隨惡人殘虐。不顧肉身踐行。踏世福於脚下。似此致命之光榮。在天堂之聖人視之。真真大樂。快哉。我爲天主。而聖人俱助我之樂。爲何不如此受之。縱致命不成。亦該喜受世苦。汝今如何。 一。致命聖人。常多攜外教人。同來致命。不必語言勸之。惟用致命之苦勸之。請看聖女歐辣利亞萬苦之中。喜盈於色。如不會受苦然。因此感動人心。救人不

少。今汝不會到此地步。何妨小試之。卽如世苦之難。人人不免。且時時不免。獨汝不抱怨。不推辭。又不拉扯別人。喜歡樂受。識者必頌美之。暴戾者亦感化之。非致命動人之明驗耶。汝今如何。一。衆見聖女歐辣利亞。只十三歲之孩童。能受如此酷刑。能生如此歡樂。能發如此義勇之言。故不能不動人之心。以愛天主。汝以老成強壯之身。不肯爲主受些微之苦。以動人。徒以言語勸人。恐真心愛主者。決不如是。愛主之人。不怕苦難。怕苦之人。未必愛主。汝今如何。

當務之求

爲婦女

祝文 天主爾德能靈異中。不棄弱女輩。賜致命者榮勝。
懇祈我等。慶爾聖歐辣利亞致命童女誕日。因其遺表。躋
爾臺前。爲爾子吾主耶穌基利斯督。亞孟。


聖年廣益

冬季十二編

十日

二百三十三

30†



○十一日

聖達瑪瑣 教宗

警言

懇祈爾曹。如旅異地。宜戒構戰靈魂之肉慾。聖經

聖傳

聖達瑪瑣係依西巴尼亞國人。移居羅瑪。受業於名師。數年卽成博學。因愛人心切。克己工深。洊歷神階。叅知政府。越數年。前往都城。料理教事。及歸。教宗謝世。公舉聖人。勉從嗣位。德行彌高。才猷愈顯。羣小難以自安。讒謗因而迭起。聖人因妄證之事。關係匪輕。傳齊主教四十餘人以剖

聖年廣益

冬季十二編

十一日

二百三十四

晰之。使人人共知所言皆妄。從此奸謀頓熄。教化日興。安居大位十有七年。正風波底定之初。身當百度維新之盛。大顯聖人之克慎克勤。盡心盡力。迴出尋常萬萬也。終聖人之世。簡選鐸德三十餘人。擢陞主教六十有奇。歿後。聖蹟甚多。時天主降生後三百八十四年。

宜行之德 離開不好之念

聖思 一。功罪之分。必始於一念之微。若不謹慎去留。爲害無窮。今撮其最不好之念有三。誦經時。雜念往來。此第一宗不好之念也。既不許汝得誦經之功。尙能使汝成各樣之罪。爲斷此雜念。該常常動汝之信心。想我跪叩聖臺。

前。天主必然親臨眷顧。聽我誦經。看我所求。倘不能小心斷此雜念。罪罰難逃。存此畏心。未有不兢兢業業。必敬必誠者。一。邪淫之念。又一宗大不好之念也。容易令人喜歡。容易誘人存留。且容易引動肉身之情欲。如影隨形。以成其罪。所以此念一來。要十分加意以退之。其法不論自外而入。由內而起。總於將萌未發之初。卽猛然速尋別事。解散而拒絕焉。如急不及尋。該想臨終審判等。或想平日所聞之道理。或每日所誦之經書。心有專向。使彼無隙可乘。自然風恬浪息。然與其拒絕於既來之後。不如加謹於未來之先。五官手足。是邪念之門。內慾多因外誘。果能時

刻隄防。並無一毫沾染。未有不外清而內寧者。一。反背信德之念。又一宗更不好之念也。此念從邪魔而成。臨終之候。愈將此念害之。欲破其害。當以謙遜爲首務。自己不可靠自主之能。惟賴天主之語。因聖信。原係天主特恩。若天主不賞此恩。就汝人性中。斷難深信不疑。旣知如此。從前蒙恩賞晰。今復求之。必不能半途而廢也。倘求之甚切。而反念未消。更當盡力以求。尋思天主默啟之言。迴想親朋懲勸之語。轉憶從前傾信之由。未有不冰消瓦解者。

當務之求 爲臨終者

祝文 懇祈全能天主。爾聖達瑪瑣精修教宗。每年瞻禮。


加我心虔而體安。爲爾子耶穌基利斯督。亞孟。

聖年廣益

冬季十二編

十一日

二百三十六



○十二日

聖郭郎定 主教

警言

是時爾心忻喜。爾心之樂。無人能奪於爾。聖經

聖傳

天主降生後三百七十五年。乃聖教廣揚之時。聖人郭郎定。係拂郎濟亞國貴顯之家。自幼熱心敬主。矢志精修。勤學數年。德才並著。累登神品。盡職賢勞。恒以菲薄自慚。惟願守身克己。遂離城市。深入野山。剪棘披荆。構成小室。居無何。因水遠不能應用。跪求天主。拍手於石崖之上。水泉

聖年廣益

冬季十二編

十二日

二百三十七

卽發於石中。涓涓不竭。從此聖名大顯。晉謁者甚多。每以聖號治不治之病。因而願附同修者。不一而足。勢弗能辭。卽於此地。建院廣收。未幾。輿論允孚。公推主教。聖瑪爾定見羣情踴躍。照例擢陞。聖人雖居尊位。不改苦修。祈誦默存。夜以代日。嚴齋如舊。克己更深。巡查所屬之區。不避風寒暑雨。處處俱留鐸德。以資分理。地方有虛妄異端。潛滋暗長者。必盡滅之。黽勉慤懃。迄於終老。時天主降生後四百一年。

宜行之德 默想天堂之樂

聖思 一。世福不滿人心。各人自己。個個可作此言之干。

証。有誰曾見那謀利貪財。圖榮好樂之人。自云。我心已足。麼。且自查享樂之時。可覺其果真果實麼。無論過後追思。明知不真不實。卽現在當場。必該早知其虛偽。若欲人前自誇真實。識者必笑之曰。未必未必。若肯反求諸己。自心亦必慚然曰。未必未必。既然如此。未必。不論何等世福。定皆不足。今欲舍此不足。而求滿足汝心之道。無他。止有天主聖寵。可能滿汝之樂。可能足汝之心。爲何不求。一。天堂之福。全滿無缺。永遠無窮。故可充足人心之願欲。凡在天堂者。俱在天主光榮之中。不能另生別想。不怕得而復失。所愛者。只一天主。所樂者。日盛月新。且由中而發。操之

在我。不比世福。從外而來。又並無間斷。弗變弗遷。不比世福。或長或消。如此之真。如此之實。爲何不愛。一愛此真福者。該先愛耶穌釘死之十字架。亦如耶穌親負上山。該常想耶穌所受之苦難。以效其聖德神工。該常用耶穌所留聖事之蹟。以沾其聖佑神恩。更該用自心所生之痛淚。以洗其罪過。所以聖奧斯定有言。買天國者。其價非他。卽是汝心。肯將汝心獻之。無有不得者。爲何不獻。

當務之求 爲行旅者

祝文 懇祈全能天主。爾聖郭郎定精修主教。每年瞻禮。加我心虔而體安。爲爾子耶穌基利斯督。亞孟。

○十三日

聖女路濟亞 致命

警言

孰可登吾主之峻山。孰可居吾主之聖所。曰。手潔與心淨者。得之。聖經

聖傳

聖女路濟亞。係西濟里亞國。雜拉峨郡內。名族之淑媛。自幼因知天主賞罰之公。早志貞修。父先棄世。求婚者。雖未受聘。母已允從。聖女不肯明言。以拂逆。微露所懷。冀其自悟。未幾。母病不痊。相傳鄰近之地。聖女亞加大墓上。有求

聖年廣益

冬季十二編

十三日

二百三十九

必應。聖女奉母往求。二人正俯禱於聖墓。聖女定心若寐。忽見聖女亞加大自天而降。光衣奪目。擁護多神。謂云。路濟亞爾爲上主所庇佑者。今推恩救爾母之病等語。聖女急告於母曰。病愈矣。母亦自知諸患悉除。叩謝而歸。聖女乘機稟懇曰。我志在守貞。今又蒙上主療母之疾。理當償此夙願。以圖報效。母卽許之。又請將嫁資給與。以濟貧窮。母欲待於歿後。聖女諫曰。歿後出於不得已。大不如生前之功。譬如夜行以燭。必舉光前導。照徹險途。未肯遺於背後。今哀矜之光。可照世間之險。豈容遺於身後。母遂准其所請。從前求婚之人。風聞此舉。深恨人財並失。控告於官。

官拘聖女訊之。懲勸並行。聖女曰。爾事地下之主。必遵其旨。我事天上之主。不該奉其命乎。下既不能與上相合。則理當欽從上命。倘爾不肯論理。任爾之勢處之。官大怒。厲叱曰。汝已敗壞家風。反巧言妄辯。聖女曰。論我產業。已藏於天庫。若色慾淫污。從幼至今。所深惡而痛絕者。何敗壞之有。凡背畔正教。不信天主。而偏向異端者。皆喪心病狂。懷私挾詐之徒。真係姦邪。不獨敗壞一家。且敗壞一國。欺君害衆。可恨可惡者。莫甚於此輩矣。官欲加刑以禁其言。聖女曰。凡蒙天主斯彼利多三多降臨者。其語如有源之泉。取之不竭。禁之不能。官命驅入淫院以污之。聖女曰。

志辭穢樂而身遭強橫者。豈特不以爲汚。且更增其功也。羣役驅之。屹然不動。套以繩索。數牛拉之。招集師巫。念咒遣之。俱若爲弗知者。官見力盡術窮。異常忿怒。聖女曰。何必自殘自暴。卽此便知天主大能。官仍執迷不悟。令聚木柴。加入松脂桐油硫黃等物。四面圍燒。毫無傷損。聖女曰。我已懇求天主。姑延此苦。使奉教者。增其篤信。外教者。引其悅服。官益怒。命役斬之。聖女歡然語衆曰。世間之權勢榮華。如日之晝明而夜晦也。如花之朝茂而夕枯也。無足畏也。暴君汚吏。係天主容之。以煉聖賢。倘肆惡不遷。主必絕其生命。不准伊恣虐善民。聖教從此廣揚。言訖。引頸受

刑氣猶未絕。衆怒官之酷虐。猝然變起。將官押解於市。窘困於監。受非凡之侮辱而亡。聖女刺頸未終。恭領耶穌聖體。泰然長逝。時天主降生後三百餘年。教中收葬於淨區。迨聖教大興後。屢經建殿遷移。今奉安於意大里亞國物擲撒郡中。迄今病目失明者。誠切求之。多蒙恩佑。

宜行之德 潔淨

聖思 一。既知天主爲人而生天地萬物。人不尊貴麼。仰觀日月星辰。光明無比。俯看飛潛動植。奇妙無窮。人之尊貴。還可限量麼。天主事事爲人。人不該事事爲主麼。由今以觀。萬物反爲人之主。人反爲萬物之奴。如此背恩逆理。

從何而來。大概都從不潔其身。不淨其心之故。哀哉。哀哉。


一。人在世間。天主是其本向。若只愛天主。事天主。享天主。還有比此再尊貴麼。汝自沾恩奉教後。必定真知灼見。能默會天主之聖恩。能受用全能之萬美。不肯在世享世俗之福。爲何口是而心非。心是而身非。常遠離天主萬美之源。常近趨萬物虛無之樂。惜哉。惜哉。

一。天主爲愛人至極。命聖子降生。受苦至死。以救我人。蓋因我人敗壞自己之尊貴。特來至尊無對。至貴無加之天主。以轉回人之尊貴。此係何等之恩。可公然白受麼。不可白受。而今還了什麼。一毫苦難亂及身心也。管不得從前之潔淨也。顧不

得後來之罪罰。如此報恩。可望天主預備之聖福麼。請自己想一想。毋喪爾之潔身。毋亡爾之淨心。最哉。最哉。

當務之求 爲婦女

祝文 天主。爾德能靈異中。不棄弱女輩。賜致命者榮勝。懇祈我等。慶爾聖路濟亞致命童女誕日。因其遺表。躋爾臺前。爲爾子吾主耶穌基利斯督。亞孟。



○十四日

聖孥先

聖味多離

聖在先

致命

警言

望吾主天主俯察予顙。俯聽予禱之聲。予將祈禱於爾。

聖經

聖傳

聖剛定由羅瑪都城。往拂郎濟亞傳教。一年後。有聖孥先
聖味多離遠來協理。未遇聖剛定。先借宿於聖在先家。聖
在先原係本地之正人君子。數日前。一家領洗。地方官不
知其奉教。因留宿外人。差弁員往捕。聖在先回云。我家留

聖年廣益

冬季十二編

十四日

二百四十三

宿二人。雖屬外方。不犯王法。拿之無理。弁云。聞得是天主教。不得不拿。若不送出。卽差兵搜緝。聖在先曰。我不能送出。若要強拿天主教。我就是教中人。情愿一同爲主。失命。弁卽揮刀。斫死聖在先。隨入內。拘拿二聖。解送於官。官以劇刑治之。受苦不可言狀。終以斬首致命。時天主降生後。三百三年。

宜行之德 小心誦經

聖思 一。天主喜人誦經。吾主耶穌親命宗徒祈誦。故自造天主經授之。後世教中人。或私居默禱。或公所通功。均蒙大益。今汝日日誦經。該有一定之規定。准就該常行。蓋

恭獻事主之恒心。不可忽行忽不行。以滋輕慢之罪。一。
聖經有言。動唇敬主。其心離主甚遠者。主必怒之。汝今如
何。若口在經而念不在經者。天主獨不怒汝麼。聖奧斯定
聽教友通功。自己喜歡感泣。可知通功時。若要得所求之
恩。不該忘天主之聖佑。或喜歡。或感泣。心口如一。不可有
在。有不在。以滋遠離之怒。一。誦經過多者。身或始勤而
終倦。心或先一而後分。有何益處。故不如少誦爲穩。一遍
天主經。果能將經中奧旨。逐句默思。從容唸誦。天主臺前
實有大益。不論何經。必該如此。凡誦經時。當想天主至尊。
我身至賤。何幸得置身於天主之前。弗拘何時何地。皆容

善頌善求。非大造化麼。非大體面麼。常存此想。則雜念自消。不可視爲具文故套。以負優容之恩。

當務之求 爲少年人

祝文 天主爾賜我等敬憶爾聖致命者。聖孥先聖味多離聖在先誕日。望爾彼居永福之域。使我偕樂。爲爾子耶穌基利斯督。亞孟。

○十五日

聖婦基利斯弟亞納 虜婢

警言

我儕宜更衣。着灰衣。縷衣。持齋。哭主臺前。蓋吾主滿仁慈以赦我罪。聖經

聖傳

吾主耶穌。特簡漁人爲徒。傳教於天下。後遇聖教不平之時。充發無數教中人。賣爲奴婢。天主欲人明知聖教之真而正。公而能。卽用虜婢以廣揚之也。聖婦基利斯弟亞納被擄離鄉。轉賣於意俾里亞國中。以忍耐。以良善。事其本

聖年廣益

冬季十二編

十五日

二百四十五

主。金銀財物。皆淡然視之。每日惟辦完主人之差役。卽潛身僻地。感激天主大恩。祈求良久。夜常默想。多守嚴齋。如此修心蓄德。同侶莫不尊敬之。旣羨其潔淨。又慮其苦尅。一日。數女問故。聖婦回云。我敬之主。乃至潔至淨之主。天主聖子。爲救人升天。降生受苦。我行如此。可望身後享無盡無窮之天福。伊等雖未能明白。而頌美愈增。此方婦女。凡遇孩童有病。卽攜赴聖婦前求治。聖婦常云。我有何能。惟天主基利斯督。能治之。所以來求治病者。必恭候片時。俟聖婦代求畢。將小孩置於自己苦衣上。口誦聖經。諸病立痊。行之日久。遠近轟傳。國后困於風疾。聞聖婦名。請帶

苦衣入宮。聖婦先辭弗往。後思不遵國后命。恐獲罪於天主。使臣復至。隨使進宮。后甚悅之。卽臥於苦衣之上。求聖婦誦經而愈。國王大賚多金。聖婦固辭不受。惟勸王信認天主。驅滅邪神。救同時之靈魂。共升天國。弗聽。數日後。國王出獵。二野獸逞勢上奔。倉皇無措。猛然想起聖婦之勸言。立愿信從。獸竟斂威自避。王於回宮後。召入聖婦。詳明教旨。領洗欽崇。遂建堂講學。傳諭臣民。咸歸於正。國后化行婦女。勸誨慇懃。王見聖教廣揚。民風丕變。於是差員詣公斯當定總王前。請賜主教鐸德。前來董理。嗣後聖賢接踵。迄今猶號善邦。溯厥本源。皆從聖婦之真謙忍苦而來。

天主既用以救此國之君民。故保全其熱愛善終。列居聖品。

宜行之德 改舊從新

聖思 一。人在孩提時。即熱心敬主者。將諸善行。變爲本性。後來救拔靈魂。必然容易。所以少年人。果能謹慎小心。有過即改。早獻真誠於天主。偶然十字在肩。不覺其難。不覺其重。倘少年已悞。老壽難期。天主開恩於今日。又棄而不用。非背叛天主之大恩。敗壞靈魂之永業麼。 一。人或童幼熱心。迨後習俗移人。希圖世樂。熱心漸冷。幸而閱歷既多。明知世樂皆虛。仰承聖佑神恩。從新敬主。如此者常

多。汝非其人。宜日日預防之。汝係過來人。宜時時痛悔之。統計希圖世樂之年數。從此定心定改。倍增熱愛事功。以爲補贖。雖一息尙存。猶未晚也。但不可悞此難得之時。誰知何時而死。若至今未曾下手。不肯起頭。一朝失望。亡無日矣。聖奧斯定有言。天主許赦人痛悔之罪。不許容人緩緩回心。一冷淡之人心。不肯急速回頭。從新熱愛者。無他。因先前熱愛時。所得天主無比無窮之聖味。皆忽焉不察。故易變其心。全隨世樂。今肯用自已之良心。將前後兩途。論其孰苦孰樂。孰暫孰恒。孰吉孰凶。孰真孰僞。則聖味之平安。世情之危險。判若天淵。必能鼓舞作新。整理欽崇。

之事業。蓋未有如此而不動心者。如此而不動心。升天之望何在。

當務之求 爲婦女

祝文 救我者天主。聽受我禱。我樂爾聖婦基利斯弟亞。納瞻禮。望以誠心。受其訓誨。爲爾子耶穌基利斯督。亞孟。

○十六日

聖亞俛 主教

警言

主以榮福冕旒。已加於伊首。且置伊於爾手諸工之上。

聖經

聖傳

聖亞俛自幼在拂郎濟亞國修院中讀書。生而穎異。且勤且敏。不數年。學業有成。允稱鴻傳。兼奉修規。德才並美。仰慕耶穌真蹟。長存往遊羅瑪與協路撒稜之心。爲查致命諸聖。在羅瑪四年。攷明諸聖致命之事功。歸後。一年之內。

聖年廣益

冬季十二編

十六日

二百四十八

纂錄成書。因志之所在。不惜心力以圖之。旋往呂低農府。此方主教優禮款留。數載於茲。盡心助理。委豔納府主教謝世。卽以聖人陞補。任事後。建一大堂。以資觀感。內有祭臺。奉聖婦瑪達肋納聖伯多祿背主及右盜之像。患病人。恭詣臺前。痛告於三聖。常荷再生之恩。歸卽病痊。聖人素喜救貧。不許閹人阻抑。晝則盡瘁以愛人。夜則盡心於默想。行有餘力。從事於纂修。故迄今聖教中。所得聖人親筆錄存之手澤。不可勝數。正在手不停書之際。天主賜其靈魂。上升而享聖福。年六十六歲。時天主降生後八百七十五年。

宜行之德 謹隨聖表


聖思 一。不隨聖人之行事者。不能升天。不明聖人之行實者。即不能隨之。欲求明白。必先熟看。所以每日。須閱聖傳數章。斷不該懈惰廢弛。說閒話。看閒書。幹無益之行。助別人奸巧。雖一日半日。並不怕貽誤正經事務。單單爲學聖人之行。就說不空不閒。難道是真情實話麼。汝若果然想望升天。必能忙裏偷閒。誰肯推三阻四。一。汝之姓名。雖然正教。汝之行爲。尙隨自己。在世可說有餘。升天大爲不足。因升天之人。必要隨正教耶穌之訓誨。必要對正教聖人之行事。所以看聖傳者。非徒然熟玩於心目而已也。

博聞之後。須強記其德行。然後以默想爲神交。以克己爲
敦學。以愛人爲肄業。自古迄今。從未有一人少此三者。而
能成聖升天也。一有名無實。斷不能升天。決然該定幾
位聖人爲主保。詳明聖人之德行而遵之行之。如本名聖
人。每月主保聖人。反求諸己。可與此諸聖之行相合否。既
奉聖人之名爲本名。既望聖人之功爲主保。而不隨聖人
所走之路。豈獨難望升天。恐怕着實要仔細。因褻瀆聖人
之罪罰。定不得何時發覺。聖熱羅尼莫云。汝能平日。或學
某聖之謙。或學某聖之忍。或學某聖之善良。或學某聖之
愛主。或學某聖之廣場教化。或學某聖之施濟貧窮。果然

如此。可預定靈魂之安好。仰求於苦難中。必呼吸相通也。

當務之求 爲聖母會

祝文 懇祈全能天主。爾聖亞佟精修主教。每年瞻禮。加我心虔而體安。爲爾子吾主耶穌基利斯督。亞孟。



○十七日 聖辣匝祿 致命

警言

弗遺爾曹爲孤子。予往。又復來顧爾。爾心將悅。聖經

聖傳

聖辣匝祿係聖女瑪爾大聖婦瑪達肋納之兄。聖經稱爲耶穌之友。因聖人抱病而終。二妹奔告於耶穌曰。主所愛者。今已病死。耶穌向門徒曰。我友辣匝祿睡熟矣。隨往墓前。耶穌先痛哭之。旣而呼其名。聖人應聲而出。復活於衆人之前。如德義人亦云。因此而知其爲耶穌所愛之人也。聖若望宗徒曰。吾主耶穌最愛此兄妹三人。聖人常迎宿

耶穌於家。常破匪人之謗言。常助旅途之供用。迨耶穌升天後。已閱十年。如德義人。猶懷恨從前敬事耶穌之故。將聖人一家兄妹三人。及聖婦瑪瑟辣聖瑪是敏等。俱遭拿獲。置之破舟中。上無桅帆。下無篙舵。任其沉沒海洋。天主神恩庇佑。浪靜風恬。送至拂郎濟亞國。所屬瑪瑟利亞府之海涯。聖人就居此地。傳教勸人。未幾。本地異端。見有除滅邪神之意。強令聖人拜於邪廟。聖人不從。衆共撻之。又燒於火牀。終以斬首致命。

宜行之德 托賴天主

聖思 一。聖辣匝祿之二妹。爲兄求耶穌。先曰。主愛者。此

爲求主之妙法。欲得所求之願。該效此而行。耶穌愛人。且肯救人。雖覺事情無望。亦不必失望。今汝於苦難中。先用世上可求之法。用之不效。然後求主。此係世間通病。人人未有不然者。爲何不肯先求天主保佑。豈天主保佑之行。不比汝之妥當麼。一。耶穌既至墓前。必先哭泣以謝天主聖父。後呼辣匝祿起來。此爲求天主之正法。欲求願得之恩。必先謝所領之恩。耶穌愛汝靈魂。如聖辣匝祿一般。所以該說吾主所愛者。望主不棄不辭。憐我救我。一。聖辣匝祿聞耶穌聲。卽從墓而出。復生於世。今汝久居罪墓之中。天主常常呼汝。爲何置若罔聞。不肯出來。無數好言

呼汝於身外。許多好念呼汝於心中。及今弗聽。再待何時。
聖奧斯定曰。吾主耶穌。係我性命之性命。生而能死。死於
自己。死而能生。生於耶穌。汝惟求死而不求生。反嫌呼應
不靈。豈知天主之呼汝。不啻當時之呼辣匝祿。而汝之應
主。竟不如辣匝祿之聞聲而出。汝實自爲之。亦自主之。謂
之何哉。

當務之求 爲疾病人

祝文 懇祈全能天主。我敬憶爾聖辣匝祿致命者誕日。
賴其轉達。使我剛健於爾名之愛。爲爾子吾主耶穌基利
斯督。亞孟。

○十八日

聖斐辣味 鐸德苦修

警言

人獨有一。必宜勤修弗失。聖基所

聖傳

天主耶穌降生後五百六十八年。有北鄙強徒。擄掠意大里亞國多人而去。聖斐辣味在此擄中。隨賣於拂郎濟亞國。主名蒙定。係本國世家。見聖人青年才幹。辦事殷勤。且虛心謙約。情性平和。蒙定甚愛之。聖人之視主人。若奉事耶穌然。因此舉動俱是神工。不能間斷。邪魔妬甚。壞主婦

聖年廣益

冬季十二編

十八日

二百五十三

之心以誘聖人。其婦先藏汚念。久而益熾。一日呼聖人於室內。露其私願。聖人聞之。惶懼。勸其不可自害自己。勢難醒悟。乘間脫身。婦因懷羞變怒。向夫直言強我。蒙定信以爲真。革其差事。發往屯莊。牧放牛羊。聖人忍受無言。小心牧養。更喜誦祈不悞。惟是愛人心切。雖處困窮。將應得之。日用糧。減半以爲哀矜。且親往野山。斫柴以贈。蒙定見牛羊蕃盛。欲穩聖人之心。給一少女。聖人本愿守貞。不得已。勉強允留。默求主佑。勸以潔身事主之言。女本有志守貞。聞之。踴躍樂從。二人雖同居一室。外若夫妻。內同兄妹。爲此神功。彼此保全。常守嚴齋。誦經默想。勸人改悔。安慰苦

貧無力哀矜。墾荒種麥以濟之。乃有多人嫉妬。向蒙定云。不管牛羊。種麥給人。以邀美譽。蒙定聞之。怒形於色。親往牧場。意欲查明嚴責。及至場中。見牛羊肥大蕃多。向聖人云。汝蒙天主庇佑大恩。悔我錯信他人之語。嗣後聽汝用之。聖人謝其所許。取一綿羊。變價濟貧。數月後。蒙定之婦。前恨愈深。捏辭毀謗。蒙定被其偏處。飛騎到邨。一見聖人。卽持長棍撻之。棍方撻及聖人。而蒙定墜馬被傷。聖人扶入室中。小心調治。婦聞之。親來省視。天氣炎熱。命新汲甘泉解渴。因離水甚遙。聖人持棍築地。水源陡發。甘美非常。婦見此聖蹟。痛悔前非。向夫褒美。不可視爲奴僕。將產業

平分一股。資其養贍。聖人向守貞之妻曰。我欲苦修。汝意若何。回云。汝意甚合我心。遂謝辭。蒙定曰。開恩釋放。已感激難名。承許之物。轉獻爲謝禮。孑然長往。詣聖留主教前。陳明歷來蒙天主大恩。保全二人貞潔。特來求教。欲得僻地苦修。聖留一聞所言。謝主仁慈。將女送修女院。舉聖人爲鐸德。定其傳教之區。與先牧牲處不遠。聖人立一小堂敬主。旁爲草舍棲身。居則自盡苦規。出則各邨講勸。奇跡甚多。今錄其最著者。國君一子。身患麻瘋。穢爛不堪。攜至聖人前。聖人命赴從前築地所出之泉。洗之。適遇毒蛇咬死。侍人擡回聖人處。聖人跪求天主。頃卽復生。癩俱全愈。

又擡回時。侍人心懷忿怒。兇猛扣門。此人身殭如死。及見儲君復活。方求聖人。聖人嚴飭之。既而其病亦痊。未幾。天主默示終期。預行聖事而終。時天主降生後六百二十年。

宜行之德 修靈魂

聖思 一。人之靈魂。如田地然。望收美穀。先必墾耨。汝望靈魂結果於天堂。先當受苦。因天堂之路。如玫瑰之莢。天堂之福。如玫瑰之花。身爲基利斯當。不可畏難畏苦。一。美種須藏土內。若露於地面。鳥雀必啄之。汝有善德。或蒙天主特恩。須藏於內心。稍露於外。邪魔必奪之。傲心必滅之。惟受知於天主。能邀天主之賞。纔是真賞鑒。若人的賞。

鑒。不論何等人。能因鑒而壞。不能因鑒而賞。一。荆棘野草。必雜美穀而生。善惡之人亦然。公審判日。方截然分開。爲今之計。早該認明錯處。不隨其惡。當想天主收汝行事。於倉廩中。或缺而不足。或荆棘雜投。到判臺聽審時。如何是好。汝若不乘此尙能自主之時。定心爲善立功。誰敢包管後來。不成荆棘麼。不是大火焚燒之物麼。

當務之求 爲挾仇者

祝文 懇求天主。爾聖斐辣味。每年瞻禮。聖教賴其轉達。我今求主。俾伊主保。聖教得獲平安。爲爾子耶穌基利斯督。亞孟。

○十九日

聖訥默瑟 致命

警言

人行善而不忍人惡。不忍世難。其善輕虛。聖額我略

聖傳

當正教被害之初。捕役到厄日多國亞肋桑得利亞府。鎖拿聖訥默瑟到官。與盜賊數人同審。盜即誣爲同夥。聖人求官問其見證。盜言此人犯事。不在一處。故眼前現無見證。但人人都知其產業甚豐。常哀矜貧病。以博美名。此即偷盜之證。若非偷盜。並無生財之事。從何而來。官聞此語。

聖年廣益***

冬季十二編

十九日

二百五十六

明係憑空扳害。卽行釋放。閱數日。在查拿天主教案中。又將聖人拿送於官。官見聖人。卽係數日前釋放者。問明拜天主是實。官遂定以酷刑。命同前盜。烈火焚之。

宜行之德 忍耐

聖思 一。汝於天主臺前。獲罪甚多。今爲息主怒。不肯受苦。有是理乎。論先犯之罪。早該罰於地獄。天主特恩。將一世之苦。減汝永遠之罰。汝反畏難弗受。若現在地獄人。肯容他再來世上。憑他何苦。未有不情愿樂從者。因世苦雖凶。比不得地獄之苦故也。汝旣不肯受苦。難道世苦可以倖免。地獄亦能漏網麼。 一。世苦來時。能與天主所賞之

聖味同來。莫不得是苦。請看致命聖人。爲何不覺其苦。因爲天主之愛。而受此苦。故天主此時。卽以聖味滅其苦。又苦修聖人。有時感泣淚零。此爲樂淚。因難過者。並非苦難。在苦難中之神樂。稠疊難當。有加無已故也。聖沙勿略常云。天主我等主。足矣足矣。可見他人救苦不遑。悲號哀痛者。聖人視苦如飴。謝恩無地。竟非勉強忍耐者可比。汝今如何。恐忍耐尙不能勉強承擔。勉強亦不能毅然忍耐。何有於聖味之樂。一若將世苦。與天主之光榮相比。更不啻天淵之相別。其最著者。頃刻之艱難。如何比得永常之福樂。且世苦雖兇。雖大。斷不能萬苦全聚於一時。亦不能

時時俱苦而不休。一身必有不苦之處。一日必有寬鬆之時。若天堂之樂不然。不雜而純。不虛而滿。不息而恒。如此大樂。現在我手中。欲得卽得。還怕受小苦麼。

當務之求 爲苦難者

祝文 懇祈全能天主。我敬憶爾聖訥默瑟致命誕日。賴其轉達。使我剛健於爾名之愛。爲爾子耶穌基利斯督。亞孟。

○二十日

聖女未多利亞 童貞致命

警言

以謹慎欲絕身之睡。從初窺新不在我。補敝則在我也。

聖盜博羅削

聖傳

聖女未多利亞。係意大利亞國人。父母俱教中國之望族。生女二。長卽聖女。次名亞納多利亞及笄。先將聖女許聘於歐熱尼約。隨將亞納多利亞。又欲許聘於奧肋略。此二人俱係異教。亞納多利亞早有守貞私愿。萬萬不從。奧肋

聖年廣益 *** 冬季十二編

二十日

二百五十八

略密訪一婦。求聖女轉勸其妹。聖女允其所求。向妹云。婚配無妨於理。我不是恭敬天主之人麼。我爲汝姐。豈有害汝之言。如此事情。該從父母之命。况所許之人。才貌身家。汝已知之甚悉。雖然外教。仍許我們恭敬天主。將來愛情勸引。未必不爲天主之人。亞納多利亞回云。我姐明智過人。豈不知童貞之妙麼。數日前。我將粧奩轉售之時。夢見一天神。向我云。惟光明之童貞。語未終而醒。我心悶極。跪於耶穌像前。求賜天神說明後來之語。天神忽現示云。童貞在萬德之上。爲無價之寶。乃天主親愛之品。邪魔不能劫奪之人。汝當淨心守之。盡力圖之。聖女聽此數言。卽云。

不必再言。我亦效汝而行。隨取首飾粧奩。變價濟貧。立愿守貞不嫁。歐熱尼約奧肋略。心懷毒怒。無法可施。以天主教首告。妹先被殺。數月後。歐熱尼約私遣一人。刺聖女心胸而死。時天主降生後二百五十三年。

宜行之德 離開罪過

聖思 一。德爲德行之賞。罪爲罪過之罰。是以平安爲靈魂之寶。靈魂有罪。卽無平安。有誰犯罪後。還能心境坦然。一無虧憾。既知如此。爲何不遠遠離開。 一。犯罪不止。亂心。人前必有慚色。所以醜行。俱怕人知覺。怕傷顏面。怕壞名聲。未經舉動。先爲避地。避人之計。密密行之。因惡人

雖惡。亦敬善人。亦恨惡人。蓋良心難昧。本來之好惡俱真。既知如此。爲何不早早離開。一罪過能壞靈魂。亦壞肉身。天主臺前之罰。必先及之。蓋自元祖釀成之後。常用四時寒暑之災。瘟疫貧窮之苦。以罰其身。但習見習聞。人皆視爲尋常。惟世後之罰。雖明知無盡無窮。因不見不聞。又皆苟且偷安。到沒世之時。纔豁然知道。汝欲俟此時候麼。既知此時無用。爲何眼前罪惡。還戀戀情深。不肯速速離開。

當務之求 爲重罪者

祝文 天主。爾德能靈異中。不棄弱女輩。賜致命者榮勝。


懇祈我曹慶爾聖未多利亞致命童女誕日。因其遺表。躋
爾臺前。爲爾子耶穌基利斯督。亞孟。

聖年廣益

冬季十二編

二十日

二百六十



○二十一日

聖多默 宗徒

警言

多默以見我。信我。乃有不見而信。斯果真福人。聖經

聖傳

聖多默係如德亞國人。自以微業。孝養其親。聞耶穌名。卽往從之。因其勤慎無欺。簡列宗徒。三載。事事出於忠直。至耶穌受難前數日。諸徒多憂多懼。惟聖人卓犖不羣。勸衆隨師受死。此志此言。同門俱欽服之。耶穌復活後。顯現於衆徒。適聖人他出。及歸。衆以所見告之。聖人曰。非我目。親

聖年廣益

冬季十二編

二十一日

二百六十一

見其兩手之釘傷。非我手。親探其肋胸之鎗孔。必不信也。越八日。耶穌復如前顯現。諸徒咸集。耶穌獨向聖人曰。來。以爾目視我手。以爾手探我胸。毋懷疑貳於心。聖人疾趨探視。卽大呼曰。吾真主。吾恩主。耶穌喻云。汝之見我而信。何如不見而信者。斯真福人。蓋借一人之疑。以解釋後來之疑。以一人之探視。傳徵驗於無窮耳。耶穌升天後。聖徒分方傳教。聖人所往者。南北印度諸國。及黑人之地。由小西洋沿海而東。居瑪里布爾那。講道闢邪。旦夕不休。驅魔救患。靈異非常。從化者。不啻千萬人。聖人因教中人衆。創立大堂。以爲瞻禮之區。人皆盡力爭先。有一巨木。可爲棟。

樑者。多人無力可移。加以大象。猶屹然不動。聖人命其自移。木即應命前奔。至其地而止。又堂中有十字架。係珉石所爲。刊云。日後海水至石。即有白面人遠來。重新傳我所傳之道等語。至千有餘年。水與人俱驗。大堂告竣後。教化日隆。及門修士亦多。分遣各方。流行宣佈。或言聖人曾偕數門弟。泛海東來。及於諸夏。復從陸路西歸。今查漢晉之間。傳有十字教之名。而遺文古蹟。往往雜見於他書。則此言不爲無因。且日擊聖教禮儀。多因後學失傳。佛老異端之徒。改頭換面。久假不歸。所幸主恩無限。聖化必新。亦如瑪里布爾郡中。石上所刊之言。重來傳道。溯厥淵源。何莫

非聖人從前開創之美基。主保轉求之神力也。瑪里布爾
郡。既開聖教。本國王撒加末賓迎於京邸。奉令承教。遵規
領洗。臣民無不樂從。乃左道驟然失利。合謀毒害。適聖人
城外靜修。惡黨探知。蜂湧密圍。擲石如雨。挺棍亂加。聖人
恬然樂受。仰天正色而終。時天主降生後七十五年。門人
聞變奔趨。殯葬於所建之聖堂中。生前手攜之杖。臨死被
傷之槌。及傷處所流之血。以甕收存。以帨包口。同瘞於墓。
此方教衆。歷一千五六百年之久。國雖變亂。而教理猶存。
二百年前。遠西傳教之士。復至其國。始知聖人之澤。久而
彌著也。此地卽以聖名爲地名。故蒙恩特甚。每年聖人瞻

禮前三日。墓前石十字。必屢變其色。由白而黃。而黑。而青。仍還於白。間有赤血。涓涓下流。直注所包血甕之幌而止。倘是年。無此變色血流。必有災難。又此地寒月。尚多蠅蚋。常斷甘泉。惟聖人瞻禮日。蠅蟲盡滅。甘水充盈。年年如是。相傳當日。燃燈於墓。並未添油。久而不熄。其惡黨子孫。雖強引之。終不能步入聖堂。俯身墓下。足見天主輝惡之嚴。沒世未容姑縱也。

宜行之德 自修

聖思 一。聖多默不曾親眼看見耶穌。不肯信耶穌復活。汝今信否。若果然真信耶穌受苦受難。死於十字架。爲贖

我罪。果然真信世人死後。有天堂之永賞。有地獄之永罰。不爲真福之聖人麼。今看汝行事。去聖人遠甚。心中所有之真信。恐大不值天主之真福。難道要等下過地獄。纔肯果然真信麼。若到此時。信亦無用。一。聖多默一見耶穌。卽起信德。亦如死而復活一般。今汝之信德何如。該常常效法聖人。到天主耶穌五傷臺下。默想此五傷之苦。明知因我而受。此時之望德。忍德。愛德。自然由中而發。且極其堅固。極其真誠。極其悠久。汝今如何。旣知耶穌所愛者。只有世間之苦難。爲何仍然專愛世榮世樂。卽此一看。便知汝之信德。不會像聖人死而復活。一。聖多默之信。不獨

發於心。出於口。且顯於行事。不獨矢志於一時。取徵於同學。且操守及於終身。應證垂於世世。所以後來爲傳正教之信德。不畏長途險阻。不怕凶惡艱難。遇暴不驚。臨危坦若。請汝自度所行。可能相合否。汝因信德。情愿失命。麼。自己不可哄自己。這虛而不實之信。係汝之信。非聖人之信。所以貪愛世福。失去天堂。如此之信。大不合於正理。何德之有。

當務之求 爲聖教廣揚於中國

祝文 祈望天主。使我取榮於爾宗徒。聖多默之瞻禮。賴其護佑。時時舉拔。以敬心之宜。隨從信德。爲爾子耶穌基

利
斯
督。
亞
孟。

○二十二日

聖佛辣戀 致命

警言

攸命乎汝。惟相愛耳。聖經

聖傳

聖佛辣戀。世爲貴族。因遭義難。夫婦二人。同所生二女。俱死於義。又爲天堂貴族。真耶穌所稱嘉樹也。聖人才能出衆。總王授以大權。統理羅馬。值聖教不寧之日。聖人從中調劑。撫慰維勤。常勸人甘心忍受。諸艱諸苦。寧可爲主。失命。不可半途背棄。凡遇致命之屍。藏匿宅中。希圖埋葬。總

聖年廣益

冬季十二編

二十二日

二百六十五

84†

王聞之怒甚。不念勲勞才略。革職鎖拿。交付新官審擬。彼竟逢君之惡。審訊甚嚴。聖人云。捨命以爲天主。我之情愿。不必多言。聽汝施刑。官以治奴之火印。烙於聖人額上。聖人欣然語衆曰。正教之人。常該有此罪跡。擬於極苦之地。發配充軍。聖人臨行。家屬跪交於天主。旣至其地。不怨不尤。小心敬主。誦祈默想。受苦數年。功全德備而終。因歿於配所。故居致命聖人之列。時天主教降生後三百六十二年。

宜行之德 愛人

聖思 一。有人說汝之過。該報以喜歡感激之心。感彼之愛我。喜我之知過。倘彼明知我失。而隱忍不言。反以美辭。

尊奉之。豈非我之仇敵耶。但說汝過失之人。恐常常不免。不必論他來意怎麼樣。勸我固好。責我更好。只問汝心中。喜不喜。惱不惱。改不改。一有人說汝之過。汝該自己查察自己。果有此過否。若原係惡人謗汝者。更當尊之。敬之。稱謝之。果然有此歡心。當知天主必以無限之大喜歡。結合汝方寸之歡。即謗汝之惡人。亦不難轉怒爲歡。則一舉而人已並蒙其利。有何妨害。只怕汝死後。這是別人不來說汝之時。亦不用天主說汝。而妨害不可勝言。如此真關係。竟置之膜外。一汝若說人之過。該自己痛恨之。該設法補償之。或遇旁人傳說。又該當場解釋之。凡與本分無

干涉者。總不必多言。亦不宜向別人談論。併不可說含糊
假借之詞。啟人疑惑。聖伯爾納多云。肯小心自查已過者。
只管痛哭自己。不肯管別人的不是。

當務之求 爲國家太平

祝文 懇祈全能天主。我敬憶爾聖佛辣戀致命者誕日。
賴其轉達。使我剛健於爾名之愛。爲爾子耶穌基利斯督。
亞孟。

○二十三日

聖瑟而武祿 貧病

警言

予舉子靈。向吾主賴爾無愧。聖經

聖傳

聖額我略教宗。敘述聖瑟而武祿之苦行而誦美之。略曰。爲時不久。親見聖人在聖格肋孟德之天主堂對門棲憇。係羅瑪都中。至卑極苦。多病最窮之人。生於貧家。自幼無衣無食。延至中年。得半身不遂之病。食不能舉手。臥不能轉身。惟賴母兄服事。多友哀矜。以度日而已。然如此艱難

聖年廣益

冬季十二編

二十三日

二百六十七

困苦。倘遇哀矜之物。日用有餘。必求母兄。轉濟他人。決不肯於常餐之外。多費些須。以恣口腹也。不曾習熟之經。求人在旁誦念。聖人臥而聽之。未及年餘。皆強記不忘。常舉經言。專心默想。夜以繼日。無間無離。故所收神益。他人難以幾及也。一日見聖人病重。多人念經求主。誦聲甫止。聖人大聲曰。爾輩不聞賡歌迭奏之妙音乎。語終而氣亦絕。時天主降生後五百七十年。歿後異香襲室。人人共聞。直至送葬後。其香始退。嗚呼。由此以觀。我輩如何。有得財之具。有用財之手。爲何不向善而行。到審判臺前。不惟無言以對天主。又何顏見此聖人。如此窮。如此病。得了天堂永

福。何必德配宗徒。何必身遭致命。今不能以言語傳教勸人。不能以毅勇成仁取義。豈不能學此無手無足。長病長窮之聖人耶。特表而出之。恐有手有足。而不立德立功者。難逃天主之罰。勉之勉之。

宜行之德 忍耐

聖思 一。聖瑟而武祿成聖之處。就是忍耐。想他困苦中。豈惟不怨不尤。還望多艱多苦。請汝將自己堅忍之心。與聖人比一比。將自己耐繁之德。與聖人平一平。可能鬚鬚一二否。良心難昧。必能無地抱慚。公道在人。必竟受懲不怨。聖基利瑣羅曰。看耶穌之窮苦謙撝。我輩應該愧煞。


一。聖瑟而武祿因忍耐而成聖。並不像他人勉強支持之忍耐也。樂此不疲。喜容滿面。終身如一日。心中愛慕者惟天主。口中讚美者惟天主。汝能到此地步否。汝肯如此而行。想天主所許之賞。感天主所加之恩。不論何苦。俱變爲快樂。連忍耐二字。都用他不着。蓋心中本無苦况。何忍之有。今汝不會到此地步。少有些須逆境。憂悶便來。竟有強勉不能忍住之勢。無他。此係汝之忍耐。非聖人之忍耐也。

一。聖瑟而武祿臨終時。明知苦難已完。天堂已近。故並無一毫怕懼。惟將一生受苦之快樂。滿載而歸。變爲永樂。如此表樣在前。爲何不則而效之。世上最多者。苦難耳。祖

父爲愛兒孫。必留下趁錢之基業。耶穌爲愛我人。故留下升天之苦難。且取之不窮。用之不竭。汝能身在苦中。不肯憂懼慌忙。惟專心爲主而受。憑他什麼苦。一死卽完。苦盡甜來。萬福從茲而起。惟有現享世樂之人。自以爲揚揚得意。比衆不同。豈知一死之後。快樂快完。萬禍從茲而始。亦比衆不同。怕極。慘極。

當務之求 爲貧病人

祝文 天主。以爾聖瑟而武祿。每年瞻禮。樂我等懇祈爾。我旣慶厥誕日。幸師厥功勳。爲爾子吾主耶穌基利斯督。亞孟。



○二十四日

聖女大西辣 童身

警言

開治主道。正直路徑。聖經

聖傳

聖女大西辣。係聖額我略教宗之親姑。傳有表揚聖女之文。其辭曰。我父之姐妹有三。一卽聖女。一名哥弟亞納。一名厄彌里亞納。我祖見其一樣熱心事主。不愛世俗之虛。俱獻主守貞。定在本家修道。初皆勇往直前。加功精進。不數年。聖女與厄彌里亞納愈嚴愈細。嘗與聖愛相連。身雖

聖年廣益

冬季十二編

二十四日

二百七十

居地。而神魂密邇於天。惟哥弟亞納熱心漸冷。修業亦疎。世俗之愛日濃。聖女目擊心傷。大聲向厄彌里亞納曰。妹竟若此。我們須防微杜漸以挽回之。二人左提右挈。冀其悔悟。而語多心厭。反與外婦閒談。勸者匪朝伊夕。聽者置若罔聞。竟付之無可如何而已。聖女之苦工克已。默想誦祈。迴越尋常。臨終前一日。忽向予而言曰。蒙主大恩。賜我得見聖斐理斯主教。命看一美味。諭云。汝來此處。此味係汝之味。次日。遍身壯熱如火。親友知其將終。前來甚衆。聖女大聲曰。汝等爲何離開吾主耶穌。都來我處。語聲甫畢。氣絕而終。時天主降生後五百六十年。耶穌聖誕日子正。

之先。過瞻禮後。聖女親來。向厄彌里亞納曰。我親愛之妹。爲過聖誕瞻禮。故同在一處。今雖暫離數日。還與我一同在天。敬守三王來朝之瞻禮。厄彌里亞納云。若如此。哥弟亞納將若之何。聖女曰。彼係世俗人。說完不見。厄彌里亞納卽患病不起。果於三王來朝之先。棄世升天。哥弟亞納全忘從前守貞事主之心。後來情愿嫁與自己家中一管事人爲妻。可見背恩隨俗者。雖妹賢姐聖。萃聚一門。面命耳提。不遺餘力。徒勞唇舌。迄無成功。不亦悲乎。

宜行之德 熱心迎主


聖思 一。聖母到白稜郡。遍覓棲身房屋。無一收留之人。

汝今何如。明知天主許久要安居汝心。向汝心門叩而又叩。總不會聞得。爲什麼如此。因有罪在心故也。若果有迎接耶穌之心。今日定該細心省察。完全告解。以上等神工。逐去其罪。心中有與耶穌相反之事。或驕傲。或冷淡。或貪世福。必該斷絕。纔可望耶穌進汝之心。一迎接耶穌之人。保不定如黑落得一般。今就汝而論。明日領受耶穌之事。尊之耶。抑害之耶。在汝心中。不與汝所犯之罪。同居一處麼。領後數日。不從新犯罪。驅而逐之麼。若果如此。汝非第二位黑落得。卽係再來之如達斯也。一與彌撒時。該如明日之牧童。以信以謙敬之愛之。因當時臥在馬槽之

耶穌。卽係每日每日。降來祭臺上之聖體。牧童欽信天神所告之福音。汝不能欽信神父所誦之福音麼。當時聖母聖若瑟謙恭敬拜之禮儀。親愛感恩之成切。汝不該效法萬中之一麼。領受之時。必該取汝之心。奉獻後來之事。不可說聖母聖若瑟之行。非罪人可能也。難道牧童之信愛歡呼。趨迎跪敬。亦是效法不來的麼。

當務之求 爲婦人

祝文 救我者天主。聽受我禱。我樂爾聖童女大西辣瞻禮。望以誠心。得受訓誨。爲爾子耶穌基利斯督。亞孟。



○二十五日

聖婦亞納大西亞 致命

警言

耶穌基利斯督。在世爲我等立苦難之表。明開我等所該
行之路。聖伯爾納多

聖傳

聖婦亞納大西亞。係羅馬都中貴族之女。母係教中。有聖
基利瑣峨諾。訓明正理。愛主最誠。及長。父係外教。母不能
作主。嫁與外教人爲妻。夫名布比略。不喜正教。但正教適
逢多難之時。聖婦熱心救濟。買通司獄。常進獄中。凡爲義

聖年廣益

冬季十二編

二十五日

二百七十三

35†

而遭窘難者。慰其苦。治其傷。送食更衣。周旋勸勉。布比略聞知大怒。禁止出門。同於牢獄。聖婦樂從者。惟此神工。驟然斷絕。憂悶難堪。寄書於聖基利瑣峨諾。求主開恩。仍許如前出入。布比略奉差伯爾西亞國。將聖婦交與管家嚴禁。不料中途暴死。從此聖婦得以出入自由。卽將家產。專救教中被難之人。此際風波愈猛。填滿獄中。莫非教友。致命者。殆無虛日。聖基利瑣峨諾亦乘此升天。聖婦養生葬死。盡力以圖。一日被禁之教中。盡付法場斬決。獄內爲之一空。聖婦不知其事。到獄見無一人。放聲大哭。人問之。回云。同我敬主之人。而今何在。司獄知係教中。拿送於官。問

其來歷。乃從前奉差某人之婦。再三勸誘。堅執不從。事聞。王以家貲巨富。先追究之。聖婦云。我若有財在手。必如從前密行週給。救我敬主之人。旁人亦微沾其利。豈肯舍利而拿我於官。今家財已盡。只剩我身。財既喜歡爲主而用。身更喜歡爲主而死。不必他言。王命婦女多人。百般盤詰。無已。仍交官審訊。官見一時難轉其心。寬限三日。聖婦曰。我恨汝所敬之邪神。故情愿失命。以敬我天主耶穌。卽再寬百日。不過如此。這三日之限。有無用處。官將外教婦人。變法誘之。此三日內。聖婦不食不眠。惟誦祈天主而已。官信旁人之言。以聖婦雖無現物。尙有田地若干。密向聖婦

云。將汝田地。送我一半。我竟將汝私行釋放。聖婦回云。此產早獻於天主。爲救貧窮無告之苦人。若汝家果然窮苦。我亦情愿看顧汝家。亦如看顧別人。官聞此言。拂然不悅。收監禁錮。斷其飲食。至一月之久。見聖婦強健如前。疑係司獄通私。換官巡視。晝夜稽查。又及一月。仍然狀貌如初。乃置之破船內。同一教友。併有罪之外教一百二十人。乘風放於大海。聽其沉覆而死。豈知船甫出洋。忽顯聖女投多辣親來船上。管送至涯。外教一百二十人。目擊此奇。明知今日之生。出於格外。情愿棄邪歸正。報主大恩。三日後。盡致命而終。又將聖婦同七十女人。二百男人。拿拘海島。

聖婦被縛於木。積薪放火。焚燒致命。其他刑法不同。同歸於死。時天主降生後三百三年。

宜行之德 效法耶穌

聖思 一。耶穌降生。原爲引人天路。故贖人罪罰。若不走此路者。決不能升天。欲走此路。而不隨耶穌之表。是不信耶穌所引之路。何能救得靈魂。耶穌係諸聖之首。諸聖皆耶穌之肢體。既然首升天國。肢體必隨之而升。今汝常想世俗。不喜耶穌之行。不願耶穌爲首。耶穌亦不願收汝爲肢體。這就斷絕升天之路了。該怕不該怕。 一。天主聖父。極愛聖子。因全全係本性本體之內像。一而二。二而一者。

也。天主聖父。又推其愛而愛聖人。因聖人效法聖子。雖內像不能與外像相同。而立德立功之像。無不同也。是故同處多者。其施愛亦多。同處少者。其施愛亦少。若全異而無同者。初且隱忍其怒而不發。直到怙惡不遷。甘心立異。竟無一事相同。然後始惡而罰之。蓋聖父造成天地。許聖子降生。聖神降臨。賞功罰罪。一總都爲聖子之像。一總要通聖子之像於衆人。今汝想沾聖父之大恩。而自成一像。不肯像耶穌之像。使得使不得。一。我信經書所載天主聖父之言。只有三次。一在耶穌受洗於若爾當河。一在大博山光榮之內。一在協路撒稜耶穌受難之前。皆是表揚耶

耶穌勸化之能。故耶穌所求於聖父者。惟望人能效其表樣。亦如自己爲天主聖父之像。卽聖父亦望人都像耶穌。升天享福。今汝要先知道身後升天不升天。並非難事。只把你自己立身處世。與耶穌比一比。可有相同之像否。若自己果然信得自己。並無偏情。亦無錯悞。自然必定升天。倘事事不能相同。死期已至。尙無一毫髮髯耶穌之意。必定不得升天。旣知如此。該像不該像。

當務之求 爲煉處靈魂

祝文 天主。爾德能靈異之中。不棄弱女輩。賜致命者榮勝。懇祈我等。慶爾聖婦亞納大西亞致命誕日。因其遺表。

躋爾臺前。爲爾子耶穌基利斯督。亞孟。

○二十六日

聖斯德望 首先致命

警言

吾主耶穌收予靈。跪大聲曰。主勿紀彼罪。聖經

聖傳

如德亞國之古教人。既釘死天主耶穌於十字架。又謀害聖門弟子。以圖斷絕其傳。豈知愈阻而愈彰。歸化之人。近說遠來。輸財博濟者。殆無虛日。諸宗徒俱以傳教爲務。不便分心管理。公議數人。專司出入。聖斯德望係宗徒門弟。尙在幼年。而仁智性成。才能出衆。羣首推之。聖人秉公節

聖年廣益*** 冬季十二編 二十六日 二百七十七

用竭力濟貧。慎行謹言。凜修規於冗脛。推恩顯蹟。啟愚懦以靈奇。日路撒稜大學中之名士。多誠服焉。古教人痛嫉之。協力聚攻。屢遭屈抑。仇恨日深。初則誣之以罪。拘赴公庭。聖人乘勢講明天主降生救世之仁恩。言汝輩既信聖每瑟之經文。經中所傳爲救萬民。從我國族。取體爲人等事。顯然明白。今因定期已至。人文並驗。反行弑逆。有是理乎。惡怒益增。聖人忽仰見異光中。耶穌正立於天主聖父之右。卽大聲向衆云。我適見天門大開。全能天主之右。耶穌正立而俯視我言。惡俱掩耳喧譁。詈爲重犯。公擁出城。亂石擊之。聖人中立不移。石如雨下。未會變色動心。頃之。

跪求耶穌。慈憐此衆。弗因其悞而罰之。求訖。仆地而終。年三十有五。時天主耶穌升天後。僅數月耳。甘死於義。求主恕仇。聖人獨開其先。葬後三百七十餘年。久已失迷。蒙主默示一賢。率民尋獲。獲時。地忽震驚。奇香噴鼻。萬衆趨觀。患病附魔人。沾恩立愈者。一百有餘。聖教大行後。奉安城中之宗殿。閱數百年。遠方一國。旱荒告急。求得聖屍骨灰少許。甫入境。大雨平傾。年成豐熟。又利未亞地方。幸得聖骸一小節。民皆出郭遠迎。有瞽婦。欲親聖骨以求明。而擁塞不前。旁人取骨上所蓋之鮮花。致之於目。瞽即復明。又近城司教路濟樂。股傷痛甚。醫惟有速斷之法。可無他患。

幸遇聖骸入境。力疾趨迎。強負其龕以表敬。途間卽釋然無恙。今意大里亞國納波肋府城。現存聖血。平時凝若枯乾。至舉行彌撒時。奉安於聖臺上。則器中滾滾。竟如新鮮流出之血。世間不朽之業。誰其似之。

宜行之德 愛仇

聖思 一。耶穌爲勸人愛仇。用自已之表樣。用自已之忍耐。引人反愛自已之仇。汝不該悚惶無地。勉強順承麼。每日無一個人不得罪天主。主之恨罪至深。義當重罰。且欲罰卽罰。無比之容易。况忍耐一時。更增一時之罪。雖然如此。還俟之。容之。保存之。提醒之。不以爲仇。而引人愛之。若

肯悔改。還赦之。宥之。助其神力而矜全之。曲成之。如此表
樣。如此忍耐。若不能動汝之心。是汝之仇。更大於天主之
仇矣。有是哉。一。天主耶穌在十字架上。於萬苦之中。不
獨寬害已之仇。還獻其性命以救之。不該動汝之心麼。聖
巴爾納伯曰。若不失命以救汝。在汝得罪時。其恩已斷。何
能還有今日。汝今不肯愛仇。不想此身。若非耶穌十字架
上無窮之忍耐。無限之仁慈。姑容緩待。何汝之有。汝且不
保。何汝仇人之有。聖斯德望能隨耶穌之表樣。求主恕仇。
難道聖人之五官四體。不與汝一樣麼。難道汝之筋骨皮
毛。不與聖人一樣麼。彼亦人也。汝亦人也。彼能愛仇。汝不

能愛仇。有是哉。一。耶穌在十字架上。求聖父所赦之仇。不是爲別人。單單爲汝而求。如今問汝。可曾恕自己之仇否。汝仇於主而主求赦之。人仇於汝而汝不赦之。是明明不隨耶穌之表樣矣。不隨其表而欲享其功。有是哉。

當務之求 爲仇害汝者

祝文 祈望天主。俾我輩攸敬之斯德望。首先致命聖人。卽我輩效法之師。庶幾克愛我仇。因斯慶日展敬之誠。爲仇求主。爲我等主耶穌基利斯督。亞孟。

○二十七日

聖若望 宗徒兼聖史

警言

人處世能順耶穌之言與行。必一生爲如主命。乃大功也。
聖奧斯定

聖傳

聖若望宗徒。係如德亞國人。族顯而貧。同兄雅各伯漁業爲生。耶穌偶過海濱。見聖人修網。招之。聖人卽棄業從遊。受訓觀摩。精修大進。耶穌豫表其勵俗驚人。闡揚聖道之功。每呼爲雷子。寵愛過於他徒。所施神訓。聖人皆傾耳熟

聖年廣益*** 冬季十二編 二十七日 二百八十

聞。所顯靈奇。聖人皆賞心目覩。其母恃愛。乞恩於耶穌曰。主卽本國位。賜予二子。置之左右。耶穌問聖昆仲云。爾等能飲予將飲之爵乎。猶言能受將來耶穌所受之苦否。聖人對曰能。耶穌云。他日固飲。惟天國之座。已定於予父。不可改也。耶穌受難前。發露惡徒之謀害。衆徒惶懼難安。獨聖人私請之。耶穌密行指示。不令外洩。恐招衆怒也。耶穌被釘十字架。聖母與聖人同侍架旁。耶穌謂聖母曰。彼爲爾子。又謂聖人曰。彼爲爾母。故自後聖人之孝事聖母。不啻親生之母。從未肯少有疎虞。重負耶穌之厚愛也。耶穌殮葬後。聖人懸望甚殷。一聞復活之音。奔趨墓上。只見所

遺殮布。飛報衆徒。羣集俟之。一日。衆徒出海捕魚。一人於
海畔。示以下網之處。得大魚百五十有四。惟聖人悟爲吾
主。爭先登岸。衆始接踵趨迎。耶穌坐。授要旨於聖伯多祿。
聖伯多祿指聖人以問。耶穌飭云。尙欲留彼於世。待予復
來。於汝何與。因此一言。多有傳言聖人未死。於世終時。爲
新教之證。再來致命。然恭繹耶穌明諭。非一定之辭。惟觀
其後來棄世之奇。似與常例不同爾。耶穌升天後。聖人同
聖伯多祿進堂瞻禮。一跛者求憐。聖人呼耶穌名救之。卽
行立如常人。聖教大能之名。闕傳遐邇。司古教者妬恨之。
禁呼聖號。聖人不從。囚禁鞭笞。聖人以受辱爲幸。卓然不

屈。灑瑪里亞府聞之。悅服者多。需人經理。聖人與聖伯多祿同往。事定。順途傳教而歸。內事聖母。外務勸人。未幾。各徒分行天下。聖人獨居厄弗所郡數年。屬邑多蒙神化。惟郡城錮蔽於邪。惡黨橫行。謗言誣控。官將聖人。拿交羅瑪。正值都城嚴查新教。國王親提審訊。聖人賞奇晰疑。邪正瞭然。奈素迷左道。性更凶殘。命烹沸油於鼎鑊。將聖人赤身投入。以俟肉化骨枯。豈知安坐無虞。兩旁刑役。反被油烟熱燄而死。君民心竊異之。充發巴得末遠島。島人野性。惟知劫殺。聖人率之以道。改惡爲良。乘此餘工。天主開其神智。顯示將來世變。紀錄於書。迄今千七百年。註者多解。

者少。國王因民叛而殂。從前被逐者。悉返之。聖人慰諭島民。自歸厄弗所。仍勤故業。郡民歡感。勝於父母復生。側聞邪說橫行。著述天主降生救世之深旨。耶穌在世所行之事跡。非僅砥柱一時。乃炳若日星。昭垂萬古。大有關於世教人心也。一教中人。先富後貧。負債甚多。以死求巫。巫食以毒。安然不死。再服亦然。究其故。因教中舉食先畫十字。此人雖從魔誘。未忘畫十字之規。巫以十字神能。如此之大。棄邪術而投聖門。聖人問知其故。招服毒人前來。勸以善言。命採野草一束。送至聖人前。聖人畫一十字。草盡化為黃金。囑云。償債之餘。留以自贍。近地一少年。才智出羣。

聖人周流至此。加意成全。臨行。托付本方之司教。不料陷於匪類。數年後。聖人再至其地。聞之。馳馬追尋。適同數賊並驅。望見聖人。疾趨遠去。聖人策馬大呼。其人聞而感泣。下馬跪迎。聖人痛哭引之。並馬入城。從容訓諭。卒成善士。聖人德壽並隆。預傳棄世之期於門弟。至期。勸諭訖。同赴山中。命掘大坑。欣然辭衆而入。異光驟來。圍繞無從再覩。聖身年九十有三。時天主降生後一百一年。謹按宗徒之內。壽至期。頤身無微疾。山坑棄世。不殮不棺者。惟聖人一人而已。

宜行之德 學耶穌

聖思 一。你是天主教麼。果然能守教中之本分。能像耶穌之致命否。你有領洗之印記。其行事。與此印記相同否。難道聖水到身。就是正經天主教之人麼。領洗爲入門緊要之務。以入教而言。則足矣。以奉教而言。則不足。因奉教之要務。全是學耶穌。入其門而不奉其學。可乎。你會學過否。所行所言。曾從之否。若真心奉教者。雖才能不及。亦必勉強樂從以補足之。 一。何在而爲天主教。在用耶穌之表。在守耶穌言行之規矩。在變自己之身心。與此表一樣。纔是天主教之人。你如此否。若不如此。外面帶着天主教之名。內中實係外教。如戲場子弟一般。君臣父子。夫婦弟

兄。都是外皮。富貴功名。才能孝友。只憑口說而已。一。同
在教中。如何見得你有名無實。耶穌最謙遜。你則不謙而
傲。耶穌惡體面。你則棄賤求榮。耶穌一生窮苦。你惟謀利
偷安。耶穌順命至死。你且背義逃生。事事俱與耶穌相反。
還不是有名無實麼。倘臨終時。目擊耶穌苦像。轉思自己
平日之行。都與此像不同。則耶穌所受之苦。明明與你無
干。那時天主教之名盡去。外教之實永存。惟常受不同之
罰而已。

當務之求 爲冷淡者

祝文 望主慈普爾會。因受光於聖若望宗徒兼聖史之


訓。迄於永遠恩錫。爲爾子耶穌基利斯督。偕爾偕聖神。世
生世王。亞孟。

聖年廣益

冬季十二編

二十七日

二百八十四



○二十八日

聖女葛隆巴 致命

警言

天主雖許爾罪之赦。然未許何時之赦。聖額我略

聖傳

聖女葛隆巴。係拂郎濟亞國人。本貴顯之族。自幼守貞事主。正值教人顛沛之時。拿解總王。因其才貌。又屬世家。面諭云。汝肯不拜天主。即舉爲太子正妃。時聖女年方十六。回云。我早矢志童身。敬事天主。萬不能背主而嫁人。總王大怒。命人強牽於汚室。交與有名好淫之巴祿加聽其使

聖年廣益

冬季十二編

二十八日

二百八十五

用。聖女見巴祿加近前。卽叱云。汝須仔細。不然。吾主耶穌定行重罰。巴祿加聞言。正緩步躊躇。一母熊猝至。屈其一足。倒之地中。張口不噬。仰俟聖女之命。聖女命熊不可肆害。熊卽放之。然蹲伏於門。未肯遠離。聖女向巴祿加云。汝觀此獸。爲何從我之言。汝還不該信天主麼。能救汝之性命者。就是耶穌。若要想以後性命永安。除了信天主。並無別路。語際。天主之寵恩已及其身。出外大呼曰。葛隆巴所敬者。纔是真正神人萬物之主。舍此盡皆邪教僞神。地方官一聞此言。嚴拿斬決。總王命拿聖女審究。刑役回云。有母熊看門。不能進去。王命舉火燒房。聖女命熊回洞。雖周

圍火發。大雨滅之。聖女安居無恙。總王視爲邪術。擬斬立決。

宜行之德 定改前非

聖思 一。歲云暮矣。數來只有四日。已盡一年。若此一年內。未曾爲主立功。不是妄費天主一年好時候麼。豈惟妄費而已。還背叛許多聖佑。耽悞無數神工。不該算一算麼。豈惟背悞而已。還犯了若干罪過。傷耗若大精神。不該悔一悔麼。趁此四日中。果能盡心料理靈魂。庶不致全全虛度一年。一。明知轉眼就是新年。然安知年是新年。人不做故人麼。安知別人是新年。獨汝竟爲末年麼。比汝年少

者若而人。比汝壯健者若而人。俱與新年無分。豈他人能死。汝獨不死耶。若天主明白示知。新年是汝去世之年。難道還不肯丟開世俗。料理靈魂麼。今雖無此明示之言。然髮白齒搖示於身。此亡彼歿示於目。都不是天主之訓誥。麼。盡心離罪。隨天主之聖恩。本分完全。補從前之缺失。此革故鼎新之正義。因一日之新。而日日常新。因一事之新。而事事俱新。纔是善於過年者。一。世俗過年。必料理肉身。聖教過年。不該料理靈魂麼。肉身世俗。皆我之仇。亦地獄之媒。不該怕麼。爲救靈魂。須怕三仇。爲怕三仇。須愛天主。此事關係永遠。未有大於此者。比不得世俗之新年。無

關輕重也。

當務之求 爲罪人改過


祝文 天主。爾德能靈異中。不棄弱女輩。賜致命者榮勝。懇祈我等慶爾聖葛隆巴致命童女誕日。因其遺表。躋爾臺前。爲爾子吾主耶穌基利斯督。亞孟。

聖年廣益

冬季十二編

二十八日

二百八十七



○二十九日 聖撒平 主教致命

警言

愛予必守予令。予父亦愛之。又予等偕來居其內。聖經

聖傳

當西總王禁止聖教時。異端乘機仇恨。以殺天主教。大呼於城市間。聖撒平恐教衆被其惑亂。周流安慰。駐劄意大里亞國之員。名未奴思天。差人拘捕。同主教之副祭聖瑪爾瑟祿。聖厄蘇伯蘭。嚴禁於監。越數日。出監聽審。官手捧珊瑚邪像。命行叩拜禮。聖人出其不意。撒手奪之。擲之於地。壞處甚多。官大怒。斫斷聖人手腕。收監再議。將二副祭

死於杖下。聖人在監時。有女教友常來照看。適女教友之
侄。病目而盲。求於聖人。聖人求主愈之。此時官亦病目。至
三十餘日。聞聖人愈目之事。親自赴監求救。聖人曰。此事
不難。須信耶穌爲天主。一家全受聖洗。必得所求之恩。官
卽允從。將珊瑚碎像。投入火中。學習教中要理。閤家俱受
洗入教。目病全瘳。未幾。天主大恩。一家先聖人而致命。新
官查閱舊案。立拿聖人。鞭笞至死。時天主降生後三百一
年。

宜行之德 愛天主

聖思 一。人之大孝。在愛天主。萬有之上。此係天主生人

本意亦係人人。在世之本分。除此之外。憑他什麼大事。都算不得。亦比不得。如今這一年。曾爲天主出了何力。可將汝所思所言所行。通盤省察。一省察。一年共若干日。爲世俗者多少。爲天主者幾何。若是爲世俗之時。十有八九。爲天主之時。十無二三。汝之愛情何在。一。汝旣少愛天主。則此少愛之時。卽係多罪之時。今這一年。幾次犯天主之規誡。幾次背天主之神恩。不斷不離之聖佑。汝常斷之離之。毋慢毋違之聖跡。汝皆慢之違之。果然自己一一問明。便如達味。聖人言。狠有罪於天主臺前者。外面都好。但與內心不合。騙人讚美。騙不得天主。旨哉斯言。汝心可與好。

年相對否。少愛如少錢。多罪如多債。好從何來。一。爲補此少者。這幾日。不該發憤爭先。如孳孳求利然。滿此缺陷。麼。爲去此多者。這幾日。不該徹底澄清。如交盤算賬然。償其欠負。麼。當知缺陷雖深。肯理性上用功。卽有吾主耶穌之寶血。代汝滿之。欠負雖多。肯實心痛解。肯立志改遷。卽有吾主耶穌之血價。代汝償之。如此便捷。如此容易。爲何不整備此心。過一個好年。

當務之求 爲怙終不改者

祝文 全能天主。垂盼我劣。爲本行重任屈壓。賴爾聖撒
平致命兼主教轉達。得厥護翼。爲爾子耶穌基利斯督。亞孟。

○三十日

聖女歐福祿西訥

童身隱修

警言

最大最先。愛天主。是厥次並列。愛邇已猶已者。是聖經

聖傳

凡倚賴天主聖佑者。所望俱能如願。雖險亦安。雖難亦易。雖柔懦無才。而三仇之害。克勝而有餘。試觀聖女歐福祿西訥所行可證也。聖女二親。係厄日多國人。族尊家富。同心敬主。因久婚未育。母許所生獻主。父更求各修院代祈。有一院長大德盛名。代祈最切。主允其求。孕生聖女。名歐

聖年廣益

冬季十二編

三十日

二百九十

福祿西訥。譯言喜樂之意。自幼熟習聖規。年十二。母親見背。年十八。父允求婚之聘。聖女素懷難展。求父同往修院。仍向大德盛名之院長。祈主保佑我後來之事。所言都是輕世俗棄虛榮之意。最喜修院規條。自云。隨此以爲吾主。可得真福。說此再三。院長洞知聖女本心。遂祈主降福。准其所願。歸後。更比前不同。全絕世情。嚴齋苦服。簪環釵釧。變價濟貧。一日之中。惟有念書默想。悔過誦經。指明事主愛人之道。並無閒話妨工。父雖目擊。毫不動心。惟預備完姻之事。聖女明知難以挽回。定志離家。遂居女院。轉想父必追尋。求主賜一善全之路。陡生一計。扮作男人。投入男

院隱修。可保無虞。父適外遊。乘夜離家。往投前日所到之院。求老院長收留。自言我名赫默郎。安心修道。素聞盛德。匍匐奔投。老院長因語言肫切。允其所求。擇修士亞加伯教之。聖女發憤樂從。爲時未久。卓然品行不羣。父回不見聖女。卽通知納聘之家。多人訪覓。無計可施。仍往求老院長轉祈。院長命閤院修道人。大齋求主。使知此女之行踪。惟聖女默求。不許人知。主獨允其所求。單單默啟老院長。向父說知。汝可放心。汝女在平安之處。他將死之前。汝必能見面。父心少慰。但魔害甚凶。不許聖女心安意樂。念父爲我苦傷。望我承受之富豪。竟無着落。自己年輕力弱。後

來如何了局。許多親戚。或念我而憂。或訾我而怪。諸念攻心。聖女猛然知係魔誘。挺志克除。魔計不能施於聖女。轉誘同人。以妙年不便容留。挑唆驅逐。幸諸修士。知係魔誘。向老院長說明。院長欲絕陷害之端。命居最後之深室。不許人來往。交言者。惟師亞加伯而已。此行可防洩漏。正有益於聖女。從此苦工默想。獨善其身。學問德修。院中推爲第一。乃父慕名求見。院長允其相晤。命亞加伯爲導引。聖女見係父親。淚從心下。所幸苦尅之容。父竟不能認識。只因良善謙和之態。嘖嘖頌美之。聖女在院三十八年。絕無知者。天主鑒其功圓行滿。默示以升天之期。適父在院。求

留此三日弗回。因第三日。有緊要之語奉聞。父疑有我女好音。候至第三日。請父到房。聖女明言我於某時。蒙天主允我到此修院。加恩庇護。直至於死。今日該我說明。我就是你的女兒。我穿此衣。爲要世俗人。不知我在此院之故。天主聖恩。保全到底。我父常常往來。從未斷我一些本分之工。今係天主之意。要我父在此親見我身之死。語完氣絕。父方聽聖女之言。眼見立時斷氣。老年人。遇此急變。倒地昏沉。亞加伯求主施恩。久迷始醒。拍手大聲曰。我女爲何如此。常在眼前。反處處尋覓。常常同說話。爲父的一毫不認識。莫是什麼人。你如今在天主臺前。享天主的福。我

亦不該痛哭。如今我不回去了。要在你住之處。修道以終。
亞加伯。方知赫默郎。卽係歐福祿西訥。閣院衆修士。通來
敬禮。此時。天主特顯聖女之德。有二聖蹟。一。聖女棄世後。
面發大光。一。修士內有原損一目者。向前求之。還睛復亮。
時。天主降生後。四百五十年。

宜行之德 愛人

聖思 一。爲滿愛人之誠。必該盡心救人靈魂。盡力救人
肉身。今這一年。汝果不缺此善功麼。所費何心。所出何力。
所救何人。天主全知。不可自欺。若未曾救過一兩個人。不
獨不愛人。併不愛天主。妄費天主一年時日。還增許多罪

愆。何慶賀之有。一。要有慶賀。不坑愛人。不談人之短。看別人比我都好。所行不錯。替人辦事。都爲天主。這一年。汝能事事如此麼。若有幾次不遵長命。有幾句害人之言。有幾個未曾和睦之仇。說不得可慶可賀。一。要人慶賀你。尊敬你。讚美你。又要不記你的錯處。但不知你待人。亦如此麼。天主換一個新年。原該慶賀。然不可只在口中恭賀。一年已去。一年又來。果能好待別人。天主至公。必引別人好待你。且天主待汝之好。更勝於汝待別人之好。到此地步。纔說得不負新年之慶賀。亦能知道長負去年之時日。

當務之求 爲仁愛會

祝文 救我者天主。聽受我禱。我樂爾聖童女隱修歐福
祿西訥瞻禮。望以誠心得受訓誨。爲爾子耶穌基利斯督。
亞孟。

○三十一日

聖西爾物斯德肋 教宗

警言

予已善戰。馳趨已畢。而守信德矣。餘惟存我義冕公判。吾主將償予於彼日焉。聖經

聖傳

聖西爾物斯德肋。係羅馬世家。幼遇鐸德名西林。教以正道。聖人本性純良。熱心勤學。都中少有幾及者。收葬致命之屍。有外方教友。卽居之。食之。餽送之。聖低莫投。素有富名。常舍於聖人家。官疑貲財。必貯於此。卽拿聖人於獄。次

聖年廣益*** 冬季十二編 三十一日 二百九十四

日官被魚骨刺喉而死。釋放歸家。年甫三旬。累陞鐸德。未幾。教宗謝世。輿情公舉。卽位後。聖教大不太平。避居別地。去都計七千里。時總王公斯當定。遍身癘癩。諸法不瘳。一醫入告曰。取孩童熱血浴之。癩可淨也。總王嚴飭云。有此無理之方耶。寧死我一命。不肯爲我而害多人。夜夢聖伯多祿聖保祿二宗徒。慰云。天主樂爾愛人之心。命予語爾某地某人。係聖教教宗。可差員往請。求其善法。愈爾靈魂。肉身之癩。次日。卽照所夢行。聖人入見。王以前夢告之。聖人曰。我之善法。惟有信天主而已。卽將教中真理。逐一陳明。數日之間。王竟篤信無疑。遵規領洗。身淨癩除。王更感

激之至。一舉一動。必倚靠天主。請命於聖人。乘此冒期。首
平多難。斥邪崇正。革面革心。各地方開創廣場。化行俗美。
在位二十二年。經營况瘁。樂此不疲。善政流風。迄今猶世
守之。時天主降生後三百三十五年。

宜行之德 預想臨終

聖思 一。既知今夕。爲一年之終。不想死候。爲一生之終
麼。爲肉身者。結算一年財利之盛衰。汝爲靈魂。不該結算
一年功罪之重輕麼。汝可說如聖保祿滿了本分麼。天主
賞此一年。命汝奉事天主。爲何空過之日甚多。犯罪之時
更不少。若年年如此。可望升天麼。未必。未必。一。這一年

的快樂光榮。而今何在。惟有立功天主臺前。一次必有一
次之樂。肯爲天主受些艱苦。苦皆過去。後來之大指望。常
存於心。倘無此樂。必有得罪之憂。此憂何以解之。過去之
年。不能回來改汝之罪。後來之年。還敢放心大膽麼。戒之。
戒之。一年終之夕。人人皆知定日。身終之候。無一人能
定此期。若當重罪時。猝然離世。必係永苦的起頭。今天主
無限仁慈。留汝補贖。還不該及時修省麼。在世只這一年。
亦未可定。一悞豈容再悞。爲何不預備神工。將一年罪愆。
告解乾淨。以免死候之難。若天主容汝還有明年。更當日
日如同今夕。不該說一年只此一夕。至囑。至囑。

當務之求 爲臨終者


祝文 懇祈全能天主。爾聖西爾物斯德肋精修主教。每
年瞻禮。加我心虔而體安。爲爾子耶穌基利斯督。亞孟。

聖年廣益

冬季十二編

三十一日

二百九十六



29
161080